



金陵通傳卷三十七目錄

第一百五十九冊

汪照子均 孫士鐸 楊勳子大培 孫翌

第一百六十冊

吳又新弟銓 銓子本淵 本淵子榮曾 孫必顯周名揚 必顯從子學端等

秦朝選陸長發 朝選子學誠 士科 程慶芝子傳厚 孫金相方明峻 王傑桂

第一百六十一冊

胡順文杜啟洛 順文孫存福 周恆鈞宗人英等 陳嘉珽劉紳

瀨 楊香祖宗人崇儒 雲官 李生勅子大年 孫有羣 劉繼良等

第一百六十二冊

汪挺元林筠 楊士集王對 陸又賈 黃捷洪選 藍嘉璿 葉宏直嚴

泰等

第一百六十三冊

門 05
號 2998
卷 11

徐統緯

從子國棟

陳圻

子賈

任汝霖

子豈

昭和九年
四月三日
購本

金陵通傳卷三十七

江甯陳作霖伯雨纂述

汪楊傳第一百五十九

汪照字倉臨江甯人父楨字以甯自歙遷金陵以貲雄於時既而家中落照又
牽家產涉訟事至十七年乃結案中間為訟師吏役之所欺詐店友之所乾沒
照皆不與較而勢遂不能支因與二子坤均析居為三俾自食其力後復就養
於均以終均字落坪夙好儒書於五經近思錄尤篤能背誦其文又好張楊園
集平生不為詞章不應試課徒孝陵衛東修之入才三萬錢雖口無充食身無
完衣親族之温飽者元旦外不履其門或斂扉而假以泉刀怡然卻之每自塾
歸定省外輒與妻蘇父紹祖附
金鐘傳滌茗圍棋未嘗一語憂饑寒嘗訓子弟曰窮而
在下須記餓死事小四字惡衣食乃分內事何恥之有年六十八卒著有落坪
語錄均子士鐸

士鐸初名整字振菴一字晉侯號梅村晚改悔翁少以貧習賈屢遷業而卒讀

爲諸生日有名學使祁寯
鄉性恬退外默內剛不諧
文麻算輿地山川沿革形
皆能辨其出入門徑堂奧
其書上下左右方朱墨交
雅好山水四上禮部試特
利祿泊如也備書河涕江
算其日月於七月五日偕
中客授自給適座主胡林
辭不就林翼亦不强之以
管幼安一流人物非迂儒
禮之同治九年開礦議起
聞一二老友傳頌功德亦

斥其邪佞也今聞有東鄉
沿江一帶寶華山祠山土
罹奇禍僉稱九服內外風
大山廣原墟墓相屬必將
江甯甯離水火民氣未蘇
結黨恣肆勢必憑陵居民
理駁之今如俯允奸民則
可者四奸民所勾結者以
驚必起爭端甚或事出意
生之大卽節省於製造局
怨府之起彼居事外不可
輩小人挾桑宏羊牟利之
結盟拜會之習蹂躪我郊

藻鍾山山長胡培翬輩皆極賞之道光二十年舉於
於俗始爲學尙博既乃研精三禮以及列史氏族天
勝小學形聲訓詁通假之遺散駢文古今體詩詩餘
曲折之數臧書二萬六千餘卷而所自爲說半札記
錯陸離不可辨四方通人名士遊金陵者靡不過訪
借以瀏覽風土不謁一要人不待榜而歸其視富貴
淮間學益進嘗據太平廣記所引鄭康成生日爲布
同志祀之咸豐初粵寇陷金陵避地績谿北山深谷
翼巡撫湖北往依之爲管理記室事每遇保舉則力
故曾國藩間敬銘輩皆重其爲人謂此老乃嚴君平
也江甯復後歷任總督如李宗羲沈葆楨等莫不賓
上書於北洋大臣李鴻章曰自違慈暉已踰六載日
盛烜耀海內欣忭之極不敢貢諛左右者懼大君子

奸民王甘不知何許市僧勾串匪徒求開鎮江江甯
山之屬云有煤礦勒索小民出具甘結民心惶惑謂
士不同江表文物聲明非滇黔邊地可比不可者一
暗掘阡隴拋棄骷髏甚非仁人之所忍出不可者二
言文正務在寬大休養元氣今忽聚數千不逞之徒
誣訟繁複不可者三前年夷人曾有此請曾文正據
大中國之大信如海國以之詰難不知何以爲辭不
荷動十百細民耳其餘正直耆民與求利不獲之桀
亦所謂非常之原黎民所懼也此事既無關國計民
亦亦千百之一二而利權全歸奸民謗讟徧於士庶
吾五伏惟中堂以威稜拯海宇以仁義佐 聖人此
去濟以麻叔謀挖墓之智行將召椎埋亡命之人啟
奇勾結於外夷覬覦之衷殆不可測士鐸一介書生

辱荷青睞誠不忍么磨奸徒拾皇甫縛聚斂之唾餘效蘇張之辯說熒惑清聽貽害閭閻有北有吳土地自寬請中堂飭彼開鑿何必災我窮蹙之舊邦哉不勝惶悚待命之至其事遂止未幾上元江甯縣志及江甯府志局開知縣莫祥芝甘紹盤知府蔣啟勛先後聘士鐸為總纂俾自辟名下士以襄事光緒十年學使黃體芳以宿儒薦 詔加國子助教銜年幾九十目眊不能視遠自稱瞽道人猶手不釋卷焉著有禮服記儀禮鄭注今制疏證水經注補輯廣韻聲紐表補梁陳州郡志衍東漢朔閏考佚存書目韓詩外傳疏證皆燬於兵火所存者南北史補志水經注圖釋同治上江二縣合志續纂江甯府志及悔翁文鈔詩詞筆記而已

楊勳字承建江甯人性好吟咏流覽甚博而隱於市賈臨終焚其負券曰勿使子孫挾以累人也著有悟真廬集子大坵字育齋亦能詩著有梧影山房集大坵弟大埭字雅輪諸生篤學寡交唯與汪士鐸有深契研窮經訓終年足不出戶最耽小學從元和顧廣圻吳縣鈕樹玉遊備聞蒼雅闡奧純以聲音求段借

以偏旁繁省求古籀異同之變如引說文羽彡彡之彡讀若殊以證漢書禮樂志之殊翁采五色文殊當為彡彡為尾羽翁為頸毛語皆致稿此與費士璣重文補惟言形者不同也文亦古雅秀逸尤具遠識總督陶澍以防海議試士大埭洋洋于言大略謂中國官侍客氣居上臨下視洋人若小負販願彼雖好利而越數萬里海洋至此此必非無所挾持者鹵莽行之必生邊鄙將來之患不可勝言時承平日久人習附和之談獨大埭卓識正論侃然無忌諱若豫卜有義律僕鼎查之事者讀者變色擣舌咸豐初避亂居龍都鎮而卒著有毛詩補注三禮義疏辨正五廟考論語正義說文重文考皆散佚惟為續溪胡培翬補編儀禮正義內士昏鄉飲鄉射燕大射諸篇幸存大埭子璽字衡之五歲識說文急就章年十六補諸生酷嗜漢唐人注疏通鑑文選諸書坐臥一小樓丹黃不去手年甫二十而卒

論曰汪楊經學齊名於道光間雖皆後顧茫茫楹書莫寄而梅村則歸然一老名動朝廷以視雅輪之槁項黃馘轉死溝壑者誠所謂有幸有不幸也茲特比

而傳之且各溯其先世俾知積累有自而洪範五福以壽爲先有以哉有以哉
吳孫秦程孫傳第一百六十

吳又新字滌崖一字近亭上元人工楷書喜吟咏充乾隆四十二年拔貢性友
愛中歲幕遊江西弟銓往視之有詩云爲聯荆樹來湓浦忍別椿庭去石頭蓋
紀實也尋選授建平教諭以

高宗南巡迎鑾倍道返里觸寒成疾遽卒
銓字冰鑑一字醉竹性爽直以家貧廢讀就幕於織造署主章奏兼理稅務會
龍江關有巨商欲偷漏以八百金浼關吏賄銓銓不受且曰關務之廢弛皆爾
等舞弊之故如再以賄進必白本官嚴懲也關吏懼退於是居停益重銓代任
者皆禮聘之凡四十餘年不移席銓子本淵字春林旣補諸生卽棄舉子業隨
父入幕父卒館織造署者又四十餘年性和厚知大義雖遠族不令析居米鹽
瑣屑皆資給之又好施子親鄰有貧者必周之歲暮懷碎金至僻巷察窮乏之
家叩門與之不告以姓氏也歲歲行之至老不懈本淵子兆模字式之七歲能
書擘窠大字旣補諸生亦嗣就織造幕廉潔自持尤重然諾兆謨弟兆棠字棟

之幕遊河南咸豐初聞賊陷江甯南望痛哭者數日遂遣僕挾重貲歸營脫親
族賴以免者幾及十家兆模子榮曾字菱舟少從當塗馬壽齡遊壽齡愛其氣
質純厚旣補諸生亦遊幕河南尋以瘵疾卒榮曾妻汪舉人士鐸之女也名淑
遊幼侍父讀書好左氏傳棟水通鑑其父纂南北史補志淑遊爲檢書櫛比鱗
次皆有條貫旣適吳而寡奉姑至孝江甯之陷欲投水姑泣尼止因隨姑避居
句容咸豐六年向營軍潰賊擾及鄉寓乃投水死

孫必顯字祥之上元人居王墅村與同里周名揚商於浙名揚病欲歸委以貨
約五年陸續償本諾之三年未一償焉名揚愈來與言必顯曰吾向不諾子子
必不歸不歸病必不愈今本利具在乘人之危而利所有非夫也名揚義亦不
受乃建橋於嘉興復卽橋東海普菴置一井鐫二人名以誌之弟必揚必揚子
學端皆諸生學端字楷行號稼堂氣質和厚善屬文學端子祖瑞字嘉五號芝
坪亦諸生性孝友施予不吝嘗以節縮之餘推及宗族鄉鄰嘉慶十九年旱災
富民出貲以振官紳主持王墅附近數千家祖瑞獨任之量戶高下振施均平

事集而人不知時同村監生夏宗彝亦捐貲振施不辭勞瘁當事獎以仁爲己任額祖瑞弟瀛字葆貞號樸齋事親孝嘗侍疾六十日不解帶夜分禱神而泣既補諸生與祖瑞同受業於學士盧文昭肆力文學設會課於邨中延師講習一鄉之士彬彬如也又立宗祠修譜牒而以餘財振族之孤嫠焉瀛子肇恆道光元年舉人肇性肇愉皆諸生肇愉出爲祖瑞後宗人昌經字秉常亦諸生總督陶澍創立豐備倉昌經經理捐事一鄉服其清正稍後有念謀者字繩武一字芭泉以捐振議敘從九品階築園於方山下日雙芝圃日集賓客觴咏其中著有雙芝圃集念謀從弟念揚原名梁字顯甫副貢生性好義俠咸豐三年粵賊陷江甯姻戚多出自圍城念揚舍宅居之且供其衣食時有同縣周肇元字次薇咸豐二年舉人見時事多艱每慨然曰此豈敵飯時耶與諸生王大任王臨泰張東序張含光張和甫等居在涪化鄂村之間皆有任恤名念揚邀集共議各出私財留養城中逸出者久之費絀復按敵捐輸涪化湖熟龍都皆設局又擇虎洞精廬以居文士上元張子雲

字竹於諸生敦品立學

江甯滕昶

字樂軒性冷峭學深於易能詩

賦與弟旭俱爲名諸生旭字曦堂

等所活不下萬餘人四年八月賊驅婦女出人愈眾念揚等

乃於牛首方山增設二十餘分局六年向營潰念揚挈眾局徙蘇州資斧罄猶不忍舍去因謀於吳中撫卹局俾各得所焉既大軍復句容溧水進駐孝陵衛檄念揚回辦團練捐貲募勇屢從官軍殺賊其族長華屹立橋口奮挺擊賊賊堵賊於孫塘堰十年和軍再潰賊大至練眾皆散長華屹立橋口奮挺擊賊賊奪其械脅之降長華憤詈曰吾豈與狗彘同處哉賊怒甚剖腹截腸而死念揚時在土山聞變嘔血數升猝遇賊遂被執大罵不屈死長華從子諸生應琦聞其叔死乃投水家人救之蘇不語不食嘔血而死其他疏宗承熙字秩華咸豐二年舉人性雅靜由團練議敘知縣分發江西嘗署某縣有城守功介尊佚其名諸生平居謹恪謙遜見者輒起敬素工醫嘗爲丹藥以濟人見節義事尤喜爲表揚年五十六卒

秦朝選字信緣上元人少孤貧遊吳楚年未四十歸里以孝友睦嫻稱嘉慶三年里人創同善堂於龍王廟側以卹嫠朝選襄其事以詩紀之著有閩中餘蔭

二錄朝選既沒久之太僕蔡世松延陸長發主堂事長發字香筠上元副貢生其父錦源字道南以幕遊四方著有雲鴻堂稿長發學識明通工書善屬文既理堂務潔己守正俄而世松卒事多掣肘乃辭退且以杯酒奠世松靈默告之長發子以康字敦士諸生亦工書朝選子學誠字質存一字竹邨父教之嚴已補諸生有過輒呵斥不少貸學誠柔聲怡色長跪以請事乃解其事繼母孝教異母弟學明學純讀書成立家庭數十年無閒言性寬厚誠樸終其身未嘗道人過失受侮輒不報喜成就後進從遊孤寒之士有飲食教誨垂十餘年不受束脩者學誠子士先字開之士科字掇之皆諸生工制舉文試輒遞冠其曹涇縣朱琦宜興任泰績溪胡培輩諸山長暨布政使賀長齡均激賞之講院所謂二秦生者也居家恂恂孝友出入必告於親雖成立猶如嬰孩其弟士同得瘵疾二人親視湯藥數十晝夜卒不起哭之至嘔血生平篤於風義急人之急不以貧故而有所吝士科擅速藻頃刻成數藝年三十二卒士先益佹僚無聊未幾亦卒士科妻何舉人德昌女也夫沒以紡績供生計訓子際唐甚嚴經書皆

口授偶輟讀必朴之泣曰此汝父志也際唐九歲始就外傳歸自塾必課所業咸豐二年粵賊陷江甯從容投水死際唐字伯虞博學能文以同治六年拔貢舉本科鄉試今主鳳池書院講席與余為姻家

程慶芝字曉嵐上元人性尚義俠先是節孝旌表例由巡撫會咨胥吏索費不滿所欲即祇給扁額慶芝佐江蘇撫幕特破其弊自是得旌遂易著有湘颿吟草子傳厚字積堂道光五年舉人選高郵州學正傳厚子肇錦字伯孫諸生肇整字仲山習刑名入上元知縣徐某幕時金陵為賊據寄治溇化鎮前縣劉同纓殉節城中其子烈如來覓遺骸無知者肇整為賂賊渠親歷諸壘物色得之烈如償其所費笑而不受迨徐卸篆歸蜀無資斧乃出三百金付徐曰此君物也吾為君藏以備緩急耳徐大感謝藉以成行其任依類如此卒年三十有五孫金相字其章江甯諸生嘗司郵務局事以立節守禮之婦湮沒者多乃與同學生陳朝字步輯金陵節孝備考嘉慶十七年知府呂燕昭修府志盡采錄之當是時上元蔡觀潮字北海任志局采訪事而志書成僅五月比蒐求既備多

未及載入於是輯節孝備考補遺久之有方明峻者字翼雲上元諸生父紹庭早逝母黃撫之成立念金相之書久無續者因輯節孝備考續編又以節婦半屬貧寒無力請 旌乃彙輯一冊呈乞表揚建立總坊而禮部遂通行各直省著爲例由明峻啟之也明峻子經鋤字荷塘道光二十八年上元王鏐桂輯節孝備考三編經鋤與校勘焉鏐桂字竹樓初名世杰亦諸生父岑字渠封一字樵嵐品學皆粹以諸生肄業鍾山書院桐城姚鼐深重之著有薛帷書屋集鏐桂篤學好義尤喜表揚名節旣輯節孝備考三編甫成即遭粵寇之亂復就所聞見哀輯死難男婦若干名上之忠義局賴以傳者甚眾鏐桂弟荃諸生有文名咸豐二年死於賊著有史準發凡荃從弟金洛別有傳論曰近亭友于兄弟文采煥然醉竹輕財重義處脂膏而不潤尤難得也祥之以義激友朋而顯甫以義周鄉里可謂成始成終者矣信緣曉嵐其章諸人皆汲汲於表揚節行發潛德之幽光禮部之例以頒胥吏之獎以絕非實力講求者而能若是乎

胡周陳楊李傳第一百六十一

胡順文字漢章溧水人居仙壇鄉性友愛家素饒兄姪欲分財析居勸之不可乃自取田之荒蕪者以沃產讓兄姪而遷居江甯城中已而兄姪家業蕩盡遇有急難事必厚恤之年九十七卒其孫存福字見疇慷慨尚義尤篤念宗族雖居府城仍設義學義倉於仙壇鄉凡無力婚嫁及病沒者皆有助其貧而無後者取其近支繼之必置田數畝俾得自給與白鹿鄉杜啟洛同得睦族名啟洛字玉書門庭雍肅自高曾以迄孫曾同居凡八世乾隆嘉慶間歲或不登必捐貲以助振道光二十二年海上事平籌辦善後事宜設捐局於城中白衣菴存福倡捐八千金焉存福弟存元字殿揚事母最孝自親友下至奴僕凡有急咸助之連歲水災皆出重貲爲振費存福子立最字維純亦好施子有父風又同縣嚴肇萬字子千與弟肇象皆諸生其從弟肇初武舉人均喜周貧乏不樂進取於僻處營別墅吟咏其中著有花萼樓詩集

周恆鈞句容人性友愛兄弟分產不計錙銖乾隆五十五年吏以僞票徵糧事

發後值稅期民無輸者知縣王某就謀於恆鈞恆鈞以大義曉眾眾始納焉知縣欲以扁獎之辭不受宗人英字天秀以句容業碾者向有驢差之擾乃捐貲代役請除其弊知縣某許之立碑示禁至今未改在中字錦輝號秀廷聞金陵下關初設救生局捐貲以助之稍後又有貞儉林桂廷發銀源焉貞儉字尙樸號覺非道光中洪湖水漲江北流民至者餓殍載道貞儉爲立義冢以瘞之林桂字晉文性樸實與人無爭凡鄉里有事得其一言輒釋然頗有善人之目廷發字南英一字鶴亭嘗建橋梁修祠宇周卹貧乏不使人知慕陶靖節之爲人因爲松雲圖以見意錕字西橋工書法行草尤勁秀源字達九一字豫夫能詩詞善棋亦長於書

陳嘉珽字楚珩句容人豪俠好義喜周貧乏與同縣舉人劉翀友善翀品詣端方凡知縣初下車必延翀講鄉約於此山之龍源觀翀每推嘉珽而已佐之嘉珽好聚銅鏡分年代先後加以辯證彙爲一帙翀爲之序嘉珽子克經好施子克經孫祖灝性迂謹咸豐七年清明日以祭墓爲賊所戕其嗣本立亂後歸里檢瘞遺骸爲義冢焉

楊香祖字蘭友溧水人少孤善事繼母撫異母弟鬻祖成祖有恩嘗捐修學宮不辭勞瘁以諸生終宗人崇儒字鴻拔乾隆中旱災倡捐助振並修湖畔巨隄以利行人雲官亦諸生值重修縣志捐助巨費偶遇旱潦必施粥以振饑人廷忠佚其字武弁也倡修宗祠族中待舉火者十餘家親朋有急難極力周之卒之日弔者相屬於道稍後有名選者字殿掄諸生嘗捐修小西門城垣道光中水災圩田沈沒流民就食者萬餘人選與同縣人顏楷施沛謝崙任緯設局以振存活無算

李生勅字豐菴高淳人家富而尙義文廟傾圮募捐重修生勅以啟聖殿自任落成後知縣顧某欲獎之固辭子大年亦好善乾隆五十年大旱出粟振饑大年子有羣字占元道光中重修啟聖殿以繼祖志時高淳以善世其家者唐兆春字正國歲旱捐助義振文廟前村東圩堤壞以石礮之費不貲復捐修儒學廨宇又以境內多火患獨置水龍一具以備不虞兆春子邦華嘗捐修節孝祠

又置義冢邦晉又捐千金爲書院經費邦彥喜振孤貧與其宗人允恭允安均以善士名俞鋒字達明縣有水災捐錢八百緡以振又以田四十畝助書院費鋒子灤川亦好施子灤川子欽字秀儒倡捐永城鄉塾道光二十九年大水給族人各千錢重修仙圩石礮費千六百餘緡劉繼良字成玉亦於是年傾囊濟困不足妻周質簪珥助之繼良子勳字西銘性至孝親有所看計路遠近價貴賤必致之亦有慷慨之稱

論曰行遠自邇升高自卑世未有不義於家而能義於鄉里者胡周楊氏之孝友所爲並以好行其德稱也陳李諸人聚族而居世濟其美和親康樂之誼猶有存焉君子觀於鄉而知王道之易易其以此夫

汪楊黃藍葉傳第一百六十二

汪挺元字鑑川號晴峯上元歲貢生居泉水鄉篤學好古敦孝友重然諾凡人

有爭訟輒以片言解之傾貲救患有古義俠風上元知縣葉申靄重之嘗以風俗利弊相訪焉著有龍都風土記以續謝照之作別撰龍都山人集同縣林筠

字駿聲一字个村少孤事母戴盡孝者琴書工韻學以家貧故棄儒而醫藉供

甘旨嘗遊楚有女奔之力拒不去引佩刀自刺女驚逸歲歉捐粟以振饑年六十四卒著有雉膏集

楊士渠字景純上元諸生家素豐好施予族姻之貧者婚嫁喪葬必傾貲助之諸生王萃字立喁其受業師也事之尤謹侍師疾湯藥必親嘗病革始送之歸旣沒爲經紀其喪歲時餽問其家不絕晚年家漸落臨卒命子昇火爐至焚貸券數十紙曰恐爾與人訟逋也子德明字復初亦諸生德明子丙文咸豐二年舉人同縣王對字岳門號南溟事母孝有族人利其產常欲刺之及族人貧且死對與之屋舍衣衾及斂葬之具皆備已復嫁其孤女焉工詩歌超逸似供奉對子紱乾隆三十年副榜又陸又賈江甯人祖永宏以好義名又賈行復慷慨有王和羹妾周守義族人謀嫁之又賈切責其族人爲籌贍養之貲歐士龍久客無歸將投水死又賈館之於家乾隆五十年大荒與同縣朱希洛希灝捐穀振饑全活甚眾希洛復施棺以斂貧者希洛字揆文其父疾叩天求貸額血積

璧嘗有人借貸無以償見之甚慙希洛曰奈何以細故使人抱愧耶立召諸負者悉焚其券卒後有加息以償而其子茫然不敢受者

黃捷字登三上元人好任俠時府縣獄囚多餓斃捷爲經營粥飯每日舖之必周獄多重繫人皆爲捷危而捷一無疑畏大江燕子磯尤險捷贖賞振溺仍給葬埋之具焉同縣洪選字聖舉性至孝兼有義行嘗遊漢陽遇客舟覆溺倉猝間救二十餘人且各資以行裝呂貴祥字御卿一日早出見婦人與孺子哭甚哀問之知其夫負帑百金賣婦以償者也貴祥惻然歸罄所有才及半妻高脫簪珥以足之遂召其夫授以金且曰汝宿逋雖清而資生無具奈何又貸他人數十金以贈焉

藍嘉瑨江甯人與高安知縣丁觀堯善觀堯坐事罷官子婦相繼亡室空如洗臨沒以孤孫慶齡託之嘉瑨衣食教誨撫以成立有松江名家女姚氏者流入曲中誓死不辱上海主簿嚴某廉得其狀言於知縣葉某拔出之適嘉瑨至上海因爲慶齡請婚葉某允其請由縣署嫁出之上元徐煜嘉三君之義爲賦琴

堂花燭詞

葉宏直溧水人喜施濟以石礮溧水至江甯大道又自城南至洪藍埠亦如之里人嚴時泰恐其日久圯壞捐買近路田四十餘畝爲修補費總督黃廷桂以旌善二字表其門同縣孫志遠居儀鳳鄉嘗修石臼湖南藕絲堰石閘疏港十餘里以利溧清之圩又建孫家橋修石街行者稱便時有王承德字惟球高淳人捐建祖家村石橋費數百金眾名其橋曰多男并勒石以頌高義毛麟江浦諸生縣有百篠嶺山路崎嶇麟修葺之遂成坦途又與歲貢生蘇兆奎創立英華書院豐其膏火人以善人呼之麟子鉞字棟園道光二年舉人官山西知縣有廉幹聲

論曰一鄉風俗之厚必有倡之者汪鑑川之在龍都是也楊景純事師終身王岳門報怨以德求之近今之世蓋亦鮮矣藍嘉瑨不負人託撫孤成立且爲擇淑女以配之讀琴堂花燭之詞其高誼足以風焉

徐陳任傳第一百六十三

徐統緯字星聯上元人曾祖尙謀順治九年武進士累官江南督標中軍副將祖宏逮以蔭官至兵部主事父陞級字禹三國子生工醫統緯生有至性甫七齡父病目跪吮之不十日目復明年十八補諸生入江甯將軍幕掌牋奏兼主講官學知名士多出其門錢塘袁枚重統緯詩欲招致之避不往道光元年有司將以孝廉方正舉力辭之駐防右司管庫吏以監守自盜坐大辟統緯與從弟統綱各出千金爲贖罪凡隸旗籍者咸重焉每遇歲歉必爲粥以食餓者旋赴順天鄉試得謄錄從兄德餘欲助以貲俾就知縣統緯辭乃改教諭未幾德餘卒於漢口負重累子幼統緯躬往歸其喪年五十二卒門人私諡曰孝直著有龍池文集五橋詩鈔子國珍光祿署正國寶候選縣丞咸豐中與賊戰於三河冒陣死國寶從兄國棟字隆吉統綱子也旣補諸生從仲父統緯就駐防幕主漢文奏稿以貲爲府經歷咸豐二年部議裁汰江甯八旗馬乾銀將軍擬減三之一國棟曰裁汰固 國家樽節之道酌減亦將軍寬厚之恩聞浙省有減乾成案盍援爲例將軍乃遣國棟往錄案歸答部所減不過百之一旗營感誦

之明年粵賊竄金陵隨將軍祥厚辦防務二月初十日賊登城眾擊卻之國棟請於將軍一面速補城垣一面搜捕奸謀不得遽離險要將軍然其言旋聞籌防局以所繳首級非帶勇官至不給賞國棟歎曰當此時勢危迫重賞猶懼其遲何乃拘泥若是乎此城必不守矣是夜賊復乘梯擁入國棟與都司王世良率勇禦之於復成橋被重創而死勇目孫明德彭啟陽等隨死者百餘人事聞賜蔭卹如例

陳圻字坦園一字蘭村上元人幼穎悟能文家素貧習法家言幕遊四方母寄食於姻黨客舍中見飛鳥過庭淒然自傷爲反哺詩以見志後家居供養極歡母惜其費常斥去不食乃以金遺戚屬俾設饌饋母母聞而哀之爲加餐焉母沒設主於室出入必告朝夕置饋如生前每欲結廬墓側慮駭物聽因寫放瑩兆貌已立於前名其圖曰想廬自號想廬居士道光二年總督孫玉庭表其廬曰孝媿顏馮子寶字寶田性亦篤孝嘗刲股以療親疾妻王龍游知縣鉞之女也尤善事親寶著有孝史彤史二卷同縣管同序之

任汝霖字懋昭號原泉溧水人父濬字大川號薇埜諸生日有名學使崔某聘校試卷評閱悉當士林推學教以有成已補諸生文名噪甚母疾侍奉累歲不離憂廬墓三年知縣劉佳重之為請 旌於朝焉汝霖生善屬文性慷慨不妄取尤喜談忠節事咸豐三年賊辦烏山鎮楊令橋一帶團練旗幟器械無所出乃毀家六年賊掠烏山壇督團截擊斬殺甚眾援賊由山凹壘而死

孝友經史過目成誦為汝霖少孤貧母紡績餉左右每夕籲天乞代居壇字莘田號靜山亦諸踞江甯溧水戒嚴壇督直辦不費公家一錢及其後眾驚潰壇遂冒陣繼之卒以忠死不愧入僅有哉原泉祖孫孝忠

金陵通傳卷三十八目錄

第一百六十四冊

蔡世松 子宗茂

楊煊 何汝霖

何其興 弟桂芬

肇江 弟葆深

陸有恆 子應賓

陳榛 子嘉禮

第一百六十五冊

葉煌 子甄儀

朱實發 弟實栗

子選昌 選昌子

禪等

宗人 潘熙

金楠

安祺 從弟麟祺

恭釗

陶日新 從子汝霖

濮蘭芬 從子殿榮

陳

第一百六十六冊

周國祥 子葆元

石文溶 子楷

易長華 弟長楨 温

邢崑 子吉甫 秦彭 子維

世德 弟世溶 世溶子 士安 士安從子

江甯陳作霖伯雨纂述

蔡揚二何易溫陸陳傳第一百六十四

蔡世松字聽濤一字友石上元人事母孝周卹窮乏如恐不及而才識敏練器量恢宏嘉慶六年舉於鄉十六年成進士選庶吉士散館改吏部主事洊升郎中轉御史出爲安徽廬鳳道就擢按察使入補順天府尹以科場失察事降太僕少卿乞養歸迭主鍾山尊經兩書院講席凡敷歷中外二十餘年於鄉里諸事無不竭力以籌道光十年浚秦淮支河世松捐白金五百兩爲助二十二年海氛報警城中創行保衛世松方家居起而肩其事分段設局董以紳衿官不與聞樹柵置械募勇守禦日稽夜巡以旗燈爲號令相救相助五城之遠呼吸流通當是時坊廂遷徙一空而無劫掠之患者保衛之力爲多當事久陰爲款計而欲發自紳士世松顧江甯人非能禦敵者且承寶山屢敗之後官民皆喪膽乃毅然隨登海舶與定和議以紓鄉里之禍雖持正論者爭詬之弗恤也世

通傳三十八
松翰墨精妙嘗手摹名人墨蹟葉墨綠堂法帖所居雞籠山後土人以菽菊爲業築園名晚香莊擅泉石之勝焉子宗茂字小石生長華胄而淡素若儒生日手一編以自娛妙解音律詞有美成白石遺音道光二年舉於鄉十三年成進士選庶吉士授編修遷司業轉侍講以事降洗馬報捐道員補陝安道調潼南道就升按察使能以慈厚世其家尋卒於官

楊煊字桂堂江甯人父春字靈泉一字珍予諸生工吟咏著有榮禧堂詩鈔煊少好遊蕩春重懲之乃折節讀書舉嘉慶九年鄉試十三年成進士選庶吉士散館改四川屏山知縣復援例爲吏部郎中轉御史遷禮科給事中道光中黃河屢決東河總督張井建議由安東開河黃河即可掣低禦壩即可啟放兩江總督琦善以爲多滯礙請放王營舊減壩以期擊溜通漕竝乞飭戶部籌工程及撫卹銀兩煊疏駁之其略曰臣查減壩下游本有鹽河一道節經請項修濬預備減黃今若止爲減洩盛漲無庸先請撫卹若欲騰空河身以便挑挖下游使黃河水面落低啟禦壩以達漕船則是以全河之水盡由舊減壩口門下注

便與嘉慶十一年十六年該處兩次缺口情形無異然十一年因放壩跌塘成口十六年因下滲上漫成口固由人事失宜尙屬天災難挽其時口門下游之清河桃源安東海州沐陽五州縣田穀將熟頓付怒濤淹沒墳墓衝塌房屋比及堵合地仍水占漸次涸出已過播種之期是故災民得歸業者什不五六卽得歸業民氣亦難期驟復雖以撫振兼施費帑無算豈能必一夫之不失所哉況安東海州東境南北寬百餘里盡係葦灘迤北又有雲臺山綿亘五六十里攔截海濱阻遏黃流挂淤倒漾旬月之間雖沐陽桃源清河各縣地勢稍高去口門漸遠之處皆成澤國泛濫漫行日形頂阻上游水勢節節擡高所以十一年減壩成口之後湖水仍不能外注衝決運河東岸之荷花塘災及高寶興泰清鹽阜各州縣繼漫黃河上游南岸之周家樓溜勢上提又漫迤上之郭家防爲睢甯全境及宿遷桃源南岸村莊之害又復分溜上提漫北岸之蘇家山淤墊微湖并窯灣一帶運道十六年減壩成事之後繼漫上游南岸之棉拐山穿運成渠邳州宿遷村莊多被衝沒又逆溢上游南岸之李家樓災及河南之歸

德安徽之鳳泗江蘇之淮揚各州縣下壅上潰歷有明徵是減壩一成口門不
僅爲安海五州縣之害已也況十八年於減壩迤上二里許審度形勢補還石
滾壩之時因壩上壩下高低懸絕增做石閘三座層層擊託以資控制然迭遇
盛漲滯漕逐細較量卒不啟放者誠以鑒於前事莫敢冒險以民生爲嘗試故
也況該處虛名舊壩實係長隄兩次成事後塘深廣每至大汛加緊幫護尙形
惴慄今若於該處刷隄成口放水騰河在該督自爲斟酌重輕詳計利害出此
變通制宜之策然壩下五州縣居民百萬豈能盡喻苦衷甘從淪胥而不悔且
上游工段甚長又豈能必其不重出十一十六等年之前轍乎然而該督等非
不計及開舊壩之爲害下游與上游見險也以禦壩不啟運道不通所關至鉅
不能必出萬全是毒蛇螫手壯士斷腕之說臣請又以成案證明之十一年減
壩跌塘之後司河諸臣先議就缺口以改河道嗣見減壩新河斷難改成仍復
大挑舊河挽歸故道然而經行未久下游南岸之陳家浦北岸之馬港口相繼
潰溢其時通河清口倒灌如初自十三年以及十六年大半借黃運河東西兩

岸如干根旗杆百子堂小舟莊壯原墩二鋪王家莊白田鋪等處漫口頻仍下
河爲壑況近日河身受病又非昔比是則謂開放王營舊減壩挑挖下游河身
遂能掣低黃水啟放禦壩較爲得力者恐亦係懸擬之辭未必確有把握恭讀
嘉慶十三年九月二十三日 上諭飭南河諸臣曰從古治河皆以河決

爲患未聞有言河決轉受其益者至哉 聖訓誠當爲萬世法守矣臣於

前事見聞頗切伏乞 諭飭內外臣工從長計議務期漕艘可通民生無礙未
幾又上防河疏曰竊照東南兩河所轄河身長一千五六百里於上年六月內
經兩江督臣琦善奏明禦黃壩外河身一年之閒墊高六尺有餘本年正月內
又經前南河臣嚴烜奏明外南外北山安海防四廳境內黃河長一百五六十
里節年淤墊又於本年三月內經前東河臣張井奏明東河之蘭陽一帶河身
淤墊中泓深不過六尺又本年正月江督琦善等據淮揚道潘錫恩稟請於關
家灘等處開挑引河逢灣取直於葉家社一帶補還大隄於大淤尖一帶接築
長隄以期河道通利掣深積淤請帑六十餘萬本年二月張井於東河任內前

赴南河查看海口請以北隄爲南隄自安東二門工起至龍王
歸人舊海口使禦壩得以早啟等情各在案臣查改挑河道事
爲此請者自以禦黃壩外上下河身淤墊太甚人力難施是以
之策與潘錫恩所稟雖工程大小懸殊其爲欲使河道深通禦
船北達免盤撥之艱用意原無殊異臣竊以爲現屆五月大汛
工長費多斷非旬月所能集事卽琦善等所請逢灣取直各要
奏是否工能速竣放水順利掣溜得力俱難懸揣臣查河淤則
暢槽平則底高而容水不多底高則堤埽卑矮堤矮則形勢危
以來陝甘一帶微旱是以黃流未經盛漲而盈虛消息天道之
可抵禦臣聞和緩之方急則治標堯舜之知物求先務河病已
請飭下兩江山東河南東南兩河督撫諸臣轉飭道將廳營無
料無分兩夜梭織巡防防守旣嚴河無旁泛怒溢衝突必可刷
攻沙之計卽使未能全河一律衝刷通暢霜期之後河槽必有

廟止改挑河道
關重大而張井
爲此改絃更張
壩得以啟放長
將至改挑河道
工亦未據有續
槽平而消水不
險自道光三年
常設遇盛漲何
深汛期至迫應
分南北多集工
動底沙爲以水
變更再行相機

妥籌自本年霜降後至來年桃汛有半年閒暇自可從容疏導
壩早啟糧艘直達共慶平成也疏入皆 報聞歷至工科掌印
浙江長林鹽大使

使河防復舊禦
給事中子承綸

何汝霖字雨人江甯人以嘉慶十八年拔貢考取七品小京官
道光五年順天鄉試再試禮部不第遂補都水司主事充軍機
郎中論俸截取知府復試御史皆 記名 特旨改京堂擢內
太常大理少卿例應出直留爲軍機大臣再遷宗人府丞左副
二年元旦 正大光明殿 賜宴明年計典得上考進兵部侍
法堂尋升兵部尚書年甫六十 賜紫禁城騎馬奏事 給扶
十年其訃謨辰告皆造膝密勿雖家人莫得聞也屢奉 旨勸
嘗務爲赫赫名二十九年丁母憂歸適江甯大水首捐白金二
是兩江總督陶澍爲民食計創立江甯豐備倉以備荒至是總
價六千緡欲抵知縣某虧款汝霖力爭不得則謂之曰頃奉

命分工部旋舉
早京歷員外郎
簡侍讀學士歷
都御史與二十
卽調戶部管錢
凡直樞廷幾四
弔振災讞獄未
月兩以助振先
河陸建瀛持穀
于會辦振務倉

穀本以備荒今歉象若此汝霖不敢欺 朝廷當各爲奏上建瀛噤不敢抗乃
取以給用振局既設分遣官紳親歷災區計口授食或移舟粟就人或給見錢
代米九月後兼施綿衣全活甚眾服闋入都以一品銜署禮部左侍郎旋署戶
部尚書三十年正月受 宣宗顧命 文宗御極補禮部尚書咸豐
二年十一月卒年七十一遺疏入 詔恭親王奠醊輔國公奕湘致祭 贈太
子太保 子謐恪慎同治中入祀鄉賢祠子兆瀛字青士一字通甫道光二十
六年舉人官至廣東鹽運使工填詞

何其興字祥垣上元人祖輝字保言一字淡餘歲貢生性方直言笑不苟著有
浙粵遊草父友蘅字雲莊諸生以文名其興舉嘉慶十八年鄉試二十五年成
進士除戶部主事充貴州壬辰科鄉試主考官洊升郎中出爲衡州知府屬縣
悍民倡亂其興單騎往曉以大義逾日縛獻首謀事遂解士民感之作宜江過
化錄移守長沙累至山東鹽運使以事罷歸晚歲與耆宿詩酒盤桓極林泉之
樂總督曾國藩尤賓禮之年逾八十卒 弟其昌字正卿與其榮皆諸生 季弟其盛字茂垣後改

桂芬字新甫以諸生兩中副榜道光十五年舉順天鄉試二十五年成進士選
庶吉士授編修充庚戌科會試同考官生平淡定自持然諾必信交遊有過諍
言無隱計日所入必畫其經費無踰節故居京二十餘年無索逋者咸豐中轉
御史歷至刑科掌印給事中嘗謂大吏之精神卽 國家之元氣錢穀之消長
繫民命之安危故於吏治民生必剴切入告既而粵賊擾蘇杭上統籌東南全
局疏尤有遠識其略曰自粵賊陷金陵已十年矣前提臣向榮督兵歷數年之
久相傳懋著戰功實則未收復一城自三年以後賊分竄安徽河南江西福建
浙江等處甚而同竄湖北湖南兼及廣東廣西推原其故向榮以一旅之師駐
守金陵按兵不動攻戰時少堵禦時多以至將玩兵疲終無成效其餘各疆臣
才並短於向榮更不知兵貴神速賊則聲東而擊西我則顧此而失彼無怪乎
上年全軍潰覆蘇松常鎮席卷而空禍延浙省夫粵賊今日之勢非小弱也非
僅負隅以自固也其未遽北竄者蘇省已據垂涎浙省浙省可圖則東南財賦
之區盡歸囊括由是蓄精養銳一旦渡江徐州之匪應之亳州之匪應之山東

河南之匪羣起而應之數省之間將成瓦解雖有謀臣勇士恐亦無從措手前
恭讀 上諭命督臣曾國藩統轄四省軍務仰見我 皇上念深南

服信任專而事權屬矣臣愚以爲曾國藩忠義之心原非向榮可比必不至坐
視成敗而責任之專籌畫之繁到處掣肘所值之時更有難於向榮者今楚師
雖收復安慶而賊已竄據黃州牽掣我軍之後徽州雖捷而賊又竄據嚴州抄
在我軍之前畏首畏尾進退維艱將欲大軍南下必責成官文迅速將黃州一
股立即剿滅以清後路左宗棠帶兵赴浙必先據常玉山要隘以通江西餉道
會合張玉良之兵互相夾擊方能一鼓而前撫臣薛煥株守上海擁兵甚厚應
令其親督將士進攻蘇州以斷賊添兵援浙之眾如此則浙圍或可望解而大
軍始得由桐城舒城進謀收復廬州與水師楊載福會於東壩庶江南之門戶
可得然兵有緩速亦有難易賊挾江蘇之全力以攻浙省嘉湖已失人心震動
其勢速而易我以孤軍繞道赴浙一深入則糧盡援絕安慶以下賊匪節節堅
守我軍節節進攻其勢緩而難是曾國藩之大軍並不能遽抵金陵已可概見

既不能遽抵金陵萬一賊謀渡江其鞭長莫及更可概見爲今之計楚師固宜
力圖收復而淮揚一帶尤須處處剿防江北六合縣在天長甘泉之間天長與
清江尤近賊攻之最力守之亦最力意在牽掣我軍猶湖北之黃州也鎮江丹
陽縣上距金陵句容下接常州武進六年向榮退守丹陽蘇常賴以保全上年
張國樑戰沒丹陽蘇常因之全陷其明徵也自蘇常失守一年有餘江以南上
海之兵並無往攻蘇州之事鎮江之兵並無往攻丹陽之事江以北揚州清江
之兵並無往攻六合之事率皆苟安旦夕希圖貪天之功又不肯推賢讓能以
自代卽水師所帶艇船亦不過游弋江面虛耗錢糧並未聞向對岸開放鎗炮
至團練一節署漕臣王夢齡及督辦之龐鍾璐晏端書等並未將沿江沿河團
練如何章程如何布置詳悉入告似此敷衍了事謂足抵渡江之賊果誰信耶
豈知長江天塹只此清淮數百里尙可爲南北之限三年以後曾有防河之議
不知南河日徙久成平地江不能防未見有能防河者也河臣庚長已貽誤於
先尙是捻匪焚掠卽去若粵賊北犯不堪設想卽將該臣等盡予駢戮毫無補

於國

進兵與

飭其於

勢聯絡

甲三會

情形速

地畝陸

夢齡詳

宗棠分

賊交鋒

路統丘

兵無牽

卽克蘇

也而

以捍

則各

省一

功江

局棄

各督

可苟

按兵

而寰

金積

桂芬

年十一

無資欲爾軍門體恤耶語未畢眾皆投械羅拜泣且訴桂芬曰吾固知若輩無亂心然已紛紛若此若輩其何以辯方今劇賊皆次第平何故狂惑自取夷滅耶我今體恤爾給爾等卒歲資尙何說言際聲色俱厲眾懾其威遂散關中土宜雅片種罌粟者十居其五桂芬刊示究極其害以勸導民且飭隸役毋得伺察曰吾戒煙將以利民今隸役擾之則民未獲禁煙之利先受禁種煙之害是厲民也毋乃不可乎聞者轉相傳述遂自爲禁止又嚴懲設壇勸善者曰嘉慶年間教匪之興卽由於此此禍胎也未幾卒官著有自樂堂遺文桂芬子忠萬字子青耆古績學母胡疾刲股和藥以進性剛直人有不可必面斥之咸豐九年舉順天鄉試侍父陝安道署中佐治軍書巡撫劉蓉重其才將加保薦力辭尋以大挑知縣改教諭選得宿遷初桂芬喪歸宦橐近千金忠萬服闋卽稱父命分給宗族戚黨一日皆盡已赴官修舉教法不受諸生贄儀撰讀書勸語四箴刊布黌舍有鮑生者素任書院事廉潔不私爲人所誣雪其枉奉檄振荒必親歷窮檐使無虛澤總督沈葆楨與學使林天齡均以卓異入告加國子學正

銜於是忌者中以鄙事因騰蜚語上聞忠萬憤甚遂得心疾光緒六年會試報罷歸投吳淞海中死著有遺文一卷其婿翁長森爲刊之

易長華字子實號文江上元人少孤貧與弟長楨同攻苦家人質絮襦易米乃擁衾坐榻上講肄周禮夏夜多蟲製紙帳以供母雖極困乏然見人窮匱常解衣衣之後從同縣諸生管鏞遊學益邃鏞字西雍性迂謹工書冠必用銀頂遵會典也長華旋舉嘉慶二十三年鄉試鏞以詩勸之明年成進士補中書充戊子科陝西主考官累官至廣州知府粵俗屋上巡更以故賊每升屋投炬火發乘勢肆掠其年五日三火長華有同鄉人顧壇商於粵廉得屠狗中一人善待之俾規賊里居以告按捕悉獲患遂息民稱青天就擢糧儲道代耆府試不公諸童大譁僉曰非易青天同任我輩不應試上官聞而重之令仍攝府篆畢其事尋升山東按察使未上卒長楨初名長發字子濬號晴江初習賈年十八始棄去復從兄讀先兄二年舉於鄉道光九年成進士以編修充甲午科山西主考官未幾卒著有冶城山館詩稿長華子慶祥諸生

溫肇江字翰初上元人生平蘊藉冲和詩翰精妙並工繪事爲諸生時課讀歲得百金見鄉鄰有急率不待告而與之旋食廩餼爲諸童作保不受費曰彼猶吾子弟也忘父師之尊而與較錙銖之細其如斯文骨肉何旣以嘉慶十八年拔貢舉道光八年鄉試十二年成進士授戶部主事尋管捐納房主稿三年禁經承輩赴私宅畫稿蓋杜其送例規也其狷潔如此未幾卒官著有鍾山草堂集弟葆深字明叔少從兄讀道光元年舉於鄉明年成進士由編修循資累進至戶部侍郎中間充會試同考官典福建學政大學士寶鋆左宗棠皆其所薦士也以重宴鹿鳴瓊林恩疊加頭品頂戴太子少保銜年幾九十卒著有春樹齋集肇江子應懷官直隸按察司獄不事夤緣久於一官周郵僚友情誼尤摯應懷子繁斫字子庚咸豐十一年舉人光緒十二年進士以知縣改選松江府教授

陸有恆字靜軒上元人少負軼材以貲入爲知縣分發河南嘉慶中李文成倡亂滑縣欽差大臣那彥成督兵剿之有恆參其軍事道口之捷與前敵諸將自礮破缺口入連臂爭先提督楊遇春等以其文吏有膽略善視之後星吏議罷官同時當治罪者甚眾有恆以一身任之眾獲免以是得任俠聲交遊日廣譽望赫然以知兵稱道光中甘肅征回湖南平徭廣東禦夷諸軍務皆與行間亦時有贊畫晚年無意仕進買宅京師飾園亭蒔花竹以自娛咸豐初始卒子應賓字禹生道光二十六年舉人以貲爲戶部郎中性伉爽才智警敏練習掌故先有恆卒又六合汪鶴舉字凌雲號蔗菴性耿介微時值歲大饑或饋之粟不受嘉慶五年舉於鄉大挑得知縣分發山西先署浮山境西與滑縣接壤值李文成事起民洶洶思亂鶴舉輒發倉粟振濟飢民招募鄉勇扼守要隘人心恃以無恐旋署絳縣清積案獲土棍張真誅之捐修晉文公祠免解梁關之役復歷攝渾源及絳州事補偏關知縣卒於任

陳榛字秦木一字慕平江浦人嘉慶二十三年舉於鄉以大挑知縣發分四川署名山事春夏間大吏欲有興作役民夫榛力陳不可乃止調署墊江補彭縣會歲饑米價騰踊榛多方平糶民賴以濟尋乞歸寓江甯築亭館日以圖史自

嘉禮隨堵隨戰凡十四晝夜賊始退旋補普甯火姑復來犯嘉禮出奇兵殲之
進秩知府卒贈按察使銜龍川人建祠祀之與榛同舉鄉試者江甯周森字瞻
麓號雪香世居江甯鎮里有周郎橋歲久傾圮森倡捐董修往來者稱便已
而以教職試用檄查興化振務不辭勞瘁遇有孤獨尤加憐恤署蕭縣訓導蕭
有書院肄業僅數十人森與知縣謀增置膏火制藝親為校閱月課乃有二百
人除興化教諭未上而卒

論曰友石器量淵深大有造於鄉里而子孫式微一貧如洗可傷也桂堂謬
名重臺端恪慎溫溫謚稱其行其位不同故所表見亦異耳何易溫三氏兄弟
競爽子青剛直竟喪其身哀哉靜軒伉爽秦木循良雖未得竟其用而所莅之
處固莫不有所稱述云

葉朱那秦漢陳陶傳第一百六十五

葉煌字木齋六合人性耆學工吟咏喜蓄書籍與同縣杜巖友善有疑義必相

考究爲人急公好義時六合衛務最爲疲累快眾船多丁貧費重各快丁每
簽船報貼畏累輕生惶憫之援上元江甯成案籌捐生息永免編審運戶至今
感之援例以從九品候選著有木齋詩草款秋軒近存稿弟鼎亦能詩著有玉
韞齋詩稿煌子覲儀字棣如以優貢生舉道光十二年順天鄉試明年成進士
選庶吉士授編修歷充四川雲南鄉試主考官尋提督雲南學政常慮人才屈
抑盡心搜遺創立五華書院以教士差旋復典江西鄉試得士最盛甲辰考試
差覲儀試
律有云素抱爲霖願常懷捧日心
上召見勉之日爾異日當思無負此寄託中間入直 上書房直文淵閣事遷

國子祭酒累擢至內閣學士凡十八年涖官勤慎終始如一年甫五十遽卒生
平性情和易不立崖岸尤喜急人之急精醫善畫有名於時既沒世多惜之覲
儀子榛字雲生以供事議敘選寶慶通判分守桃花坪同治二年敵浦唐洪三
倡亂侵及湖南榛率鄉勇禦之於橫江擒斬之以同知直隸州用妖民王某造
言惑眾捕至一鞠而服會廣西大饑流民踵至上官疑爲土賊欲以兵禦之力
爭乃免屢以懇直忤上官意坐落職隨營効力復官并加運同銜焉榛從弟珩

生玉成候選從九品咸豐八年以團練禦賊守六合南門城陷皆死之

牛實發字樹泉一字飯石六合人嘉慶十八年拔貢生文辭瑰麗尤長於詩著

有尺雲軒詩文集弟實栗字竹門亦好吟咏著有竹門詩鈔西湖秋唱實發子

昌一名穀昌字稻生道光五年拔貢生著有拙修吟館詩鈔退昌子安祺字

炳士諸生精書繪篆刻咸豐中粵賊犯六合率練勇分守東門城陷巷戰受重

創與子立鼎同死其族叔聲仁亦與焉安祺從弟麟祺字臥雲年十七補諸生

即究心經世之學兼善技擊嫻武略沈靜渾穆精力過人舉道光十九年鄉試

二十二年英船內駛土寇竊發麟祺居北鄉約為團練一方恃以無虞二十七

年成進士除刑部主事治獄多平反咸豐三年隨侍郎呂賢基出辦皖北團練

時金陵揚州相繼淪陷淮以北捻寇蠡起麟祺屢單騎入賊巢撫諭得死士數

百人為爪牙淮北賊酋楊倫最兇悍與巨捻張樂行相倚角麟祺恩威並用倫

來就撫尋察其反覆斬之既聞六合有警率眾赴援至盱眙知圍已解乃入洪

澤湖搜盜淮濱一清旋赴廬州八月粵賊自安慶內犯賢基整軍禦之麟祺曰

欲守廬州必固舒城欲固舒城必扼白沙嶺此以逸待勞計也賢基因遣總兵

恆興與往一日夜馳三百里冒雨抵舒城敗賊前鋒追至北峽關而賊萬人已

據白沙嶺乘高鼓譟恆興先遁麟祺獨以數百人冒陣血戰死之年甫三十七

事聞 贈知府立專祠 子諡武毅

邢崑字禮泉一字花農上元諸生素重然諾家有緣園與隨園並稱時方承平

崑撰賓客詩酒博奕連日夜不倦同里梅曾亮深契之著有存不存詩彙子吉

甫字小尹有吏才以貲為浙江知府嘗署嘉興時府城已為賊踞乃駐桐鄉縣

撫輯災黎民頌其德後以事調省咸豐十一年協守杭州城被死之

秦澎字雁東一字飛泉六合人為諸生日有名閉戶勤學者四十年而卒困於

場屋著有匯東詩鈔 王昶湖海詩傳選其詩 子維楫字濟川一字江亭維果字子生一字

條山皆諸生維楫經理家政篤於孝友性好施予以貲為按察司經歷後舉道

光元年孝廉方正著有江亭詩鈔維果慷慨有氣節族黨間有爭論得一言輒

解嘉慶中徙建文廟總理西路捐款不辭勞怨事載文廟碑記宗人清熙字介

菴號蓮溪道光五年舉人十五年進士以庶
憂歸主旌德鳧川書院講服闋補浙江龍游
赴櫃完納不立比簿數月竣事課常最又以
火公餘與諸生講藝由是士興於學門下士
之教也俄而瀉熙有疾諸生日間視執弟子
有木天清課及最樂編與瀉熙同鄉舉者金
人談經史無偏執束身自愛不踰繩檢楠弟
芳字蕙田亦諸生性尤敏練咸豐中治團練
謂蘭芳曰事危矣爾守城死城吾居家死家
離叱之出城陷罵賊不屈死蘭芳巷戰死闔
濮蘭芬溧水人慷慨尚義乾隆嘉慶間兩遇
行號松溪少孤事母孝與兄殿颺最友愛撫
同縣唐承錦字武遷亦諸生家貧而介不干勢利極爲契合生前

議纂述旁行斜上皆有條例殿颺瑩後俱充
生蘭芬孫瑗字又遠性至孝嘗割股愈親疾
元年舉於鄉六年成進士初試四川安岳知
察民疾苦縣有大猾林元瑞多藪盜歷任不
皆散歸無備乃陰率健役掩之初出從者不知
鎗傷瑗腕然後就執縣人初聞瑗傷咸皇皇然
法上官嘉其才調補華陽親喪服闋擢簡州知
東防事方亟瑗乃徧度險阻籌水陸守禦具議
瑗慮擾民執不可而以糶常平倉之餘穀價廉
其德不勸而輸者自至瑗於暇時復進諸生而
既而警報紛來或勸徙家出城謝曰吾以此城
避者諸君其戮之人心由是益固而瑗以積勞
所不窺而不分別門戶諸子嘗侍立大樹下辯

言不散館改湖北興國知縣丁母
憂歸主旌德鳧川書院講服闋補
浙江龍游赴櫃完納不立比簿數
月竣事課常最又以火公餘與諸
生講藝由是士興於學門下士之
教也俄而瀉熙有疾諸生日間視
執弟子有木天清課及最樂編與
瀉熙同鄉舉者金人談經史無偏
執束身自愛不踰繩檢楠弟芳字
蕙田亦諸生性尤敏練咸豐中治
團練謂蘭芳曰事危矣爾守城死
城吾居家死家離叱之出城陷罵
賊不屈死蘭芳巷戰死闔濮蘭芬
溧水人慷慨尚義乾隆嘉慶間兩
遇行號松溪少孤事母孝與兄殿
颺最友愛撫同縣唐承錦字武遷亦諸生家貧而介不干勢利極爲契合生前
議纂述旁行斜上皆有條例殿颺
瑩後俱充生蘭芬孫瑗字又遠性至
孝嘗割股愈親疾元年舉於鄉六
年成進士初試四川安岳知察民
疾苦縣有大猾林元瑞多藪盜歷
任不皆散歸無備乃陰率健役掩
之初出從者不知鎗傷瑗腕然後
就執縣人初聞瑗傷咸皇皇然法
上官嘉其才調補華陽親喪服闋
擢簡州知東防事方亟瑗乃徧度
險阻籌水陸守禦具議瑗慮擾民
執不可而以糶常平倉之餘穀價
廉其德不勸而輸者自至瑗於暇
時復進諸生而既而警報紛來或
勸徙家出城謝曰吾以此城避者
諸君其戮之人心由是益固而瑗
以積勞所不窺而不分別門戶諸
子嘗侍立大樹下辯

必高於樹也始俯悉其全體今有東仰者識樹之陽曰吾盡之矣復有西仰者識樹之陰亦曰吾盡之矣所見非不親切然各得樹之一面耳羣儒之窺聖人何以異是居官凡三十年書千餘卷外無他積蓄宗族親黨待以舉火者數十家沒後涪民私立社於小河之澗歲時祭之瑗從弟琮以貲爲四川通判署仁壽知縣迴避改浙江攝龍游事族人允中古貌樸厚年九十七歲江甯知府鄭濟美禮異之瑗子文暹字青士工詩古文辭與弟文昶同舉咸豐九年鄉試同治四年同成進士文暹官刑部主事精通律例屢辦鉅案出爲南陽知府清理教堂基址民夷翕然調署開封滋事明決人稱濮青天丁母憂歸年幾七十健步逾少壯時劇談不倦著有見在龕詩文集提牢瑣記石話雜記算草各若而

卷

陳世德江甯人家小康嘉慶十九年旱官紳勸捐輸未之及也世德與弟世溶踵捐局持三千金助振侍講秦承業嘉異之世溶尤好施予每冬日必衣絮襦數襲以出見無衣者輒解一襦予之歸至家止餘布袍耳家人每歲豫製絮襦

數百至春無存者世溶子士安字靜人道光十七年舉於鄉以貲爲工部郎中羣從皆豐奢士安獨者書畫築問源樓儲之悠然嘯咏若富貴無與於己者其居京師雅好賓客同鄉人至者如歸焉晚經寇亂家遂貧因發浙江以道員用年六十八而卒士安從子恭釗字月舟善詩尤工集句家有別墅名樸園每屆花時輒與名流觴咏其間著有綠杉野屋集

陶日新字省齋高淳諸生性至孝母病三年時時顛天求代每遇水旱輒出重貲散給貧民其他平道路瘞枯骨惜字惜穀諸善舉不避勞怨如治己之私事從子汝霖字商巖少英爽爲文極敏道光二十四年舉於鄉咸豐三年成進士以知縣分發山西值粵寇犯境上官檄守太原南城簡料兵事嚴而有法尋攝蒲縣事調補甯鄉上官欲抽罌粟花地稅汝霖念民貧不堪盈取且非國家正供後必改除更張力請免之書三上而不止坐是撤任閒居清貧無以供日食乃引秀俊之士而教之文名復大噪未幾抽罌粟稅事幾釀大獄因格不行當事始服其先見委辦潞城防堵汝霖親歷各隘山谷周迴不下三百餘里視之

如掌上紋練團設局規章簡備其在
年署榮河知縣當是時勝保獲罪甘
起民心震搖汝霖申嚴守備借其子
大義禍福曉之侃侃然無懼色景
汝霖之消患未形也調署徐溝獲積
素號繁劇汝霖未二月清積案數
吏士民立碑頌德擢知解州事上官
之冤可雪矣留二日訊結百姓安
論曰木齋文學優長存心利物而
石詩詞藻麗名重成均臥雲獨以
濮高澗之陶世為望族又遷商巖
者所可同日語哉至論漢宋宗旨又
息已

周石傳第一百六十六

周國祥江甯人以武舉官至太湖營
律盡心訓練與士卒同甘苦部伍皆
文道光十二年舉於鄉大挑得知縣
爰書必覆詢罪因情罪當否或有冤
凡大獄多屬審錄累保以同知直隸
陷沒大府以工振屬之葆元乃興修
補太平婺源知縣署亳州知州皆於
所構改就教職選授泰州學正卒年
石文溶字春波江甯人性伉爽重義
總督刑曹吏義不苟取晚年負累處
其子楷曰我死之後每當歲暮親族
而來必預贈之以免舛望卒年七十

河峪口苦旱拜井出泉人尤奇之同治元
部將宋景詩欲叛擁兵至白馬渡訛言四
鳳庭及僕從二人前至渡口徑登其舟以
為之屈服遂去後卒叛於山東榮民益感
盜數人縣境以安旋補岳陽遷安邑安邑
時稱霹靂手興復條山書院勸農功懲猾
撤查夏縣聚眾案夏民間其來喜曰吾儕
如故尋卒官年六十五
如備官侍從屢典文衡儒臣之極遇也飯
略顯以部曹而邀易名之典榮矣溧水之
文儒而為能吏皆能定變於無形豈迂拘
遷之言尤發前人所未發爭門戶者可以

將時承平日久武備廢弛國祥申嚴紀
其德尋卒於官子葆元字元甫者學能
分安徽從事獄局聽訟不輕用刑每定
仍聽陳訴囚無辭讞乃定大府深重之
命升用己酉庚戌之間江水大漲民居皆
湮岸不俟春時計口受直活民無算中間
檄後留治行省事不之官以是為忌者
十有一著有皖游便覽愛日軒詩文稿
在財戚友有以婚喪乞貸者尤樂助之為
之怡然家人以曩時舊券請索償不許謂
鄰里不能卒歲者向有饋遺雖有時稱貸
言三楷字東山以家貧從事律學道光二

十二年從總督裕謙治軍浙東兩渡定海敘勞保從九品階咸豐三年隨督師陸建瀛堵九江敗歸詣欽差大臣向榮軍密陳破賊計書數上乃檄司糧臺總局事洊擢至同知加知府銜由是歷充江西糧臺提調江北糧臺襄辦及江蘇巡撫營務處 賞戴花翎欽差大臣李鴻章委辦蘇省報銷以克復各城功保知府同治六年移局回江甯兼辦金陵報銷時家鄉元氣未復條陳善後數千言上書於總督曾國藩俱蒙採納接辦淮軍報銷累保以道員用加按察使銜換二品頂戴生平實事求是總筦兩局必躬必親每至夜分不倦雖盛暑祁寒未嘗少輟且以歷荷總督沈葆楨左宗棠等知遇每接見必舉省垣利弊詳細陳之以興復崇善堂卹養創辦士子公車費為首務他如建縣學修府志廣鄉試中額元甯學額減田賦免僉快興義學設江船修水利復祠祀增鍾山尊經兩書院膏火禁開句容上元諸山煤礦皆次第獲成又自奉儉約節薪資所入倡捐積穀廣卹養費創義莊調親族知無不為為必要諸久遠即獨任勞怨亦所不顧光緒九年總督曾國荃委釐局會辦以疾不就復委辦江甯七屬保甲

適法夷擾海疆金陵戒嚴遂不敢辭明年卸淮局事俄卒年七十有二事聞贈內閣學士銜蔭一子知縣廷鑾字少山楷長子也從淮軍攻克蘇常保至知縣分發湖北歷署鶴峯知州穀城棗陽知縣有吏才未幾卒

論曰甚矣拘謹庸碌者之不足任事也元甫仕皖上游倚重頗不滿於眾口然存心愷惻肆應有方豈巧宦所敢望哉金陵紳士例以閉門卻掃為高而東山周旋當道通官民之情其為德於桑梓甚大范滂杜密二君殆近之矣

金陵通傳卷三十九目錄

第一百六十七冊

胡培子鑄 陳繼昌子宗彝 田立元子志蓮
吳官德 元藻子丙孫

第一百六十八冊

黃以旂葉怡 王芾 張樂吳湘 周鏞張基 馬啟元 江南屏
李蓮 張基子鑰

第一百六十九冊

陶桂林余鏞 楊法吳履 鍾華榮張孫 陸橘俞汝諧 蔣篔馬
葉欣 朱嵩壽 倪良珍 徐世清 翁梅峯桂峯 堯
葉鎧 紀叢筠 胡滌

第一百七十冊

汪熙高澤瀛 汪炯王家樹 張為玉 張金和田克勤 夏泉張光裕 郭
王健初

世仁 李鵬年

第一百七十一冊

蔡永仁子承謨 朱仲齡子沅 姚兆頤 沅子紹頤



七十二冊

永林

陳學 曹會炳

孫楚

張維垣

姚文暉

劉長森

潘如松

七十三冊

蕭大椿

宋必華

陳興楨

李國均

孫名時

陶樑

宗人德鍾

石泉

陸序銳

第一

陳茂桐

子慶

第一

吳文相

閔文

百餘王百

卷三十九

江甯陳作霖伯雨纂述

第一百六十七

一更字蕭卿上元人以諸生佐幕於外工詩著有冷綠軒集青溪草
 陳名立字芷君博通經史凡算法金石醫卜之學靡不精究著有庸
 箴合簫樓稿子鎬字聖基號心齋幼承母教博聞強記讀書目十行
 生從姚鼐及盧文弨遊益淹洽能閩誦十三經注疏或疑其誤令檢
 行核之悉不爽假館甘氏最久於津逮樓藏書恣意瀏覽盡探其奧
 漢宋之長尤邃於易嘗說婚媾有言曰帝王宰相任天下之事必取
 以其濟親而賢也固不嫌於用親親而非賢則必遠而用疏惟智之
 親昵之相與故南山之詩曰瑣瑣姻亞則無臚任正月之詩曰協比
 孔云承平所任之人一旦禍至而不救此索索矍矍之所由致也所
 其躬于其鄰者亦知懼於早耳懼於早則能選天下之賢以治天下

金陵通

胡陳田

傳

胡培字

傳

堂詩稿

傳

言女誠

傳

下長補

傳

書某頁

傳

治經兼

傳

天下之

傳

闇者睽

傳

其鄰昏

傳

謂震不

傳

之盡而務絕其私昵
樂常而悲將盡為凶
常為有合於聖人制
姚幫稱其似歸震川
書非驚時名者也玉
勘於瞻園巡道方昂
十餘猶日讀書盈寸
年恩賜副榜又三
官德字槐雲一字徵
疏參議槐雲古芳樓
陳繼昌字問舟號醒
然不敢犯狷介自守
薦主和陽書院講以

肅闡義醒翁老人遺
諸生學求本原不屑
性嚴峭不諧於俗故
仁新城陳用光之屬
禮圖楹聯懸之其志
就篇華嚴音義為最
逐朝天宮道士許靖
俄以冬月散粥晝夜
蜀石經殘字攷鐘鼎
刻通鑑補正識誤重
經齋稿倉山詩文存
補表丙孫父元藻字
為最多考訂印證且

之盡而務絕其私昵
樂常而悲將盡為凶
常為有合於聖人制
姚幫稱其似歸震川
書非驚時名者也玉
勘於瞻園巡道方昂
十餘猶日讀書盈寸
年恩賜副榜又三
官德字槐雲一字徵
疏參議槐雲古芳樓
陳繼昌字問舟號醒
然不敢犯狷介自守
薦主和陽書院講以

肅闡義醒翁老人遺
諸生學求本原不屑
性嚴峭不諧於俗故
仁新城陳用光之屬
禮圖楹聯懸之其志
就篇華嚴音義為最
逐朝天宮道士許靖
俄以冬月散粥晝夜
蜀石經殘字攷鐘鼎
刻通鑑補正識誤重
經齋稿倉山詩文存
補表丙孫父元藻字
為最多考訂印證且

田立元字幹廷句容人原籍深水事父母最孝兄沒善撫其女擇婿嫁之女早寡常調恤焉以成其節其姊夫賈數千里不能歸撫甥成立俾尋其父人所稱爲劉孝子長洧者也卒無子以兄立信子志蓮嗣志蓮字少敦一字沁香號隱香少有至性孩提時偶觸嗣母怒令跪牀下母假寐既寤跪如前母曰何不起曰未有命母掖之懷曰是兒何純篤若是未冠補諸生精研經訓不徇常解嘗爲喪服議云禮喪服爲人後者爲其父母降子謂所後之父母在或不在子已服過三年者則降自無容異若所後之父母不在已久而爲之子者未及服則仍當爲其父母服齊衰三年此義實前人所未及又謂四子書自當以朱注爲宗然亦有可商者如子游問孝章注云與養犬馬何異予案禮云父母之所愛亦愛之父母之所敬亦敬之至於犬馬盡然自是此章注脚况子曰今之孝者言外明有一古之孝者在古之孝者何敬而已矣予謂是謂能養十二字當作一氣讀言人子能養卽至父母之犬馬亦養之如此可謂極養之事矣然祇是今之孝非古之孝也知養不知敬何別於今之孝者乎又予欲無言章注云此

亦開示子貢之切惜乎其終不喻也予案此章神理正是子貢聞性道後默喻聖心處子曰無言子貢不曰子如無言而曰子如不言明示諸弟子子之無言非不言也如是不言則小子誠何述焉子曰天何言哉而無言之義昭然雖諸弟子已會而通之矣復旁通子史百集謂莊子而奚來爲軹注皆不明考車輻之端貫轂者爲轄轂末之小穿容轄者爲軹據此則軹字亦湊合之義也蓋許由言而子奉堯之教被服仁義明言是非正與我之道相柄鑿矣奚爲折軸來求軹於我乎史記孟子列傳不書其生卒歲月予嘗觀孟氏譜云孟子周定王三十七年四月二日生卽今二月二日報王二十六年正月十五日卒卽今十一月十五日年八十四又按譜云孟仲子名罍孟子之子也四十五代孫甯嘗見一書於嶧山道人曰公孫子內有仲之問一篇乃知仲子實孟子之子嘗從學於公孫丑者朱子注從趙氏以仲子爲孟子從昆弟與譜不同三都賦百果甲宅異色同榮注宅卽坼也易曰百果草木皆甲坼予謂太沖此語雖或不本於易然改坼爲宅字新而意亦別認宅爲坼失太沖之意矣毛詩大田云旣方旣

阜鄭箋云方房也謂字甲始生而未合時也疏曰謂米外之房米生於中若人之房舍也孚者米外之粟皮甲者在米外若鎧甲也持以解此賦則甲者孚郭在外其鎧甲之義乎宅者米粟在中其房舍之義乎家居課徒以供甘旨迨後父立元年逾九十母楊年入十五朝夕侍寢膳雖盥漱澣溺必躬伺之而志蓮年亦五十餘矣咸豐元年舉孝廉方正三年粵賊陷江甯句容戒嚴奉檄辦保衛不避勞怨十年句容陷其妻郭投水死志蓮避地於外策時事得失數千言頗中利病又仿淵明體作已矣道人茶癡子兩傳自述生平灑落有逸致同治三年歸辦善後卒年六十四著有讀書條辨綠滿窗詩鈔

論曰聖基經學渾漢宋而一之而小學精粹莫過雪峯皆嘉道間名宿也胡秉母教陳繼父傳其所承非無自矣隱香文行兼優其著述屢有存者錄之以見吉光之片羽云

黃王張周馬江傳第一百六十八

黃以旂字蛟門江甯人居柏川橋側父積家產數千金沒後五子均分而以旂以長男不與以旂無怨色事繼母孝待異母弟有恩既補諸生貧甚常爲童子師自給蓋冬無裘夏無帷者三十餘年然一介未嘗取諸人人或招飲食必堅拒逃匿須要覓牽持不得已而後至經數日輒相酬其豐腆恆加倍道光元年當事將以孝廉方正舉不果生平工詩精麻算年六十五卒著有憶書軒稿同時上元葉怡字耳山亦諸生與以旂不相知而行相似皆爲管同所善嘗與同遊城西小盤谷諸山所居僻遠家亦貧課徒所入僅足自給不畜妻子謂有室家則將求人故不爲也其遺書有燕石序詞意奇詭又李蓮字次翹號石畊亦江甯人少孤窮取與不苟與人交口不言貧爲諸生號稱博洽布政使陸心蘭聞其名周之以金力辭而後受嘗與金殿葉世槐立吟香詩社卒年八十四王芾字小石江甯人壯時嘗應試中副榜旣而棄去好大言無檢束談經書務闕大奇偉鑿空以自恣暇攜兩孫遊於常所往來者遇飯則索飲所適之富鄰欲飲之不可強持之展兩足伏地大號曰吾足痛狂走逸去家常不得菜植箸鹽中嚼箸以佐食而性好客客至必沽酒人不能堪而芾勸飲益堅屋外有隙

地芾晨往負暄有過者暴起揖坐之談不令去人驚或間道行避之然見人未嘗言貧贈之金則受者四五人而已稍多亦不受也後卒困頓以終同縣梅曾亮爲之傳

張灤字子瀾初名浩字子澣上元諸生家東園仇家灣性簡亢有才氣詩爲陽湖孫星衍所賞家奇窮而藏書盈室雖屢斷炊火未嘗持一卷貫之與顧槐三夾河而居時稱二妙嘗歲除門闌寂獨灤讀書聲琅琅益上槐三過而問之曰何以卒歲曰姑徐之又問餐未曰昨日晡時食矣槐三肅然退有頃持數金至曰此或浼爲文者請與子共之灤笑曰吾非劉叉乃攫人訣墓金耶卒謝去上元知縣伍家裕與灤有舊一日大雪中遣人餽以薪米值灤吟詩未就斥其敗興麾去之轉向鄰人吳湘家貸米以炊其介如此著有青溪書屋詩草吳湘字九帆江甯諸生性耽吟咏咸豐中避亂廣東多鄉關之思著有帆影草堂詩鈔湘弟啟驊初名濤字聽松亦能詩

周鏞字青山上元人舊居白塘生有異稟讀書過目不忘南昌彭元瑞督學江

南以建炎遺印命題鏞賦獨被賞嘗以之進呈 御覽異數也旣以諸生肄業鍾山書院總督高晉重之尋卜宅貢院側與朱某爲鄰有達官挈眷屬夜飲朱某家懼鏞言之命學官召鏞飲出兼金爲壽鏞怒叱之達官將中鏞以奇禍學士盧文弨微聞之召鏞語曰君子道消小人道長子好直言禍至無日矣我力難庇汝汝其避之鏞因奉母寓當塗鄉逾年達官罹於法乃歸生平最契者張基林潤也著有四書遵朱求是錄說經考辨十三經檢字說文張基字近溪江甯人精於醫家甚貧而恥藉以牟利年五十猶未婚聞鄒氏女賢而瞽娶之生子鏞鎬使從郭鴻林潤遊謂師道尤以行誼重也工詩著有種竹山房集鎬字子金與兄鏞皆諸生貌和粹廣交遊已雖奇窮而好與人緩急事通累山積充然不見於辭色人無貴賤賢不肖莫不知子金先生者其詩文秀逸尤工書家居課徒凡三十年學校後進多著弟子籍咸豐元年舉孝廉方正未及 廷試遭粵寇之亂卒於龍都鄉鏞子兆勳字橘人亦諸生

馬啟元字伯初江甯諸生善畫清寒自勵傲睨一世朋儕求其畫應之無所恡

通傳三十
達官富賈或以重幣購之誓不爲作一筆以是名不出里閭而品日益高
江南屏江甯市人也業賣餅人嘗從之市餅不之異適暴客強市之亦不與校
乃稍稍重之他日或見其跌坐寒潭側風雪塞途不知苦也而氣加溫就而問
養氣之術南屏徐曰夫氣暴之則蹶宛之則結徐之則和乖之則頗子亦善持
其志而已聞者以爲名言後不知其所終

論曰蛟門耳山子濶伯初儒而狷者也小石青山則近於狂矣然皆壹意孤行
不爲利動廉隅自飭其謂是乎南屏行事類有道者而言則與儒家合殆亦有
託而逃者歟

陶楊鍾陸蔣紀徐翁傳第一百六十九

陶桂林字又潛江甯諸生耆學工詩家在祈陀林有杪羅樹一株朝夕吟嘯其
下嘉慶中與同縣余鏞陶惺王克明鄧宗海江山泰馮叔度王芬橘俱爲老宿
矣著有杪羅館集余鏞字紹庭亦諸生年九十餘而神明不衰陶惺字樸菴居
杏花村性耽吟咏年七十九猶健如少壯時溧水諸生葉欣最契之欣字鑑堂

一字雲汀工書喜詩嘗以小楷寫各家詩集一冊以贈惺焉著有雲汀集又朱
嵩籌字曉峯上元諸生躬行孝友專精古學築翠螺別墅於采石以爲遊宴之
所著有翠竹江村集挹翠軒集

楊法字孝父一字己軍上元人以孝稱工草隸詩學漢魏著述甚富晚年自擇
平生詩九首刊於石曰可傳已餘悉焚之後人竊得其稿葺之爲瓠尊集同時
江甯吳履自號苦茶僧亦刪己少作僅留二十五首長沙唐仲冕爲題詞焉
鍾華榮字新田號慧香祖光豫爲江甯知府罷官居金陵遂爲上元人華榮幼
穎悟學極淹博既占籍爲諸生幕游江淮間晚歸以詩酒自娛著有補梅書屋
詩鈔其孫鼎字履之諸生銘字冕之咸豐十一年舉人四川候補知縣華榮同
時以游宦入籍者張瑟字拜菴陽城張敦仁之孫以江甯諸生爲南昌典史鐘
鼎篆隸各體書皆高古

陸橘字井香江甯人居西園六朝松石畔與吳珏田友最善家無儋石儲而唱
和不輟其詩人競傳之同時俞汝諧字鶴亭一字子和江浦諸生貌魁梧尋常

言語俱含美刺工詞章構市隱園於江濱中有看雲樓則其讀書處也著有友樵詩集

蔣質字楚亭上元人居江浦性豪宕好吹簫工畫梅善詩詞精行草兼及篆隸生平喜遊覽足迹徧江浙筆墨不苟作勢宦要求不得也晚年猶日作草書一幅年七十無疾而卒著有求純集翠羽山樵外集瀟湘館詞女瑤又名隸字貞石一字裊雲喜吟詩工畫蘭江浦諸生馬堯年之妻也著有豆花館集堯年字石樵博學工書尤肆力於繪事詩亦拔俗著有藤花館稿時江浦有名者葉鎧字介夫號小山少游吳楫之門以文行著充嘉慶十八年拔貢歷署如皋寶應沛蕭諸學教職工書好用淡墨娟娟楚楚瘦硬通神自署款爲髯道人其弟子拱景年字玉樵亦諸生能傳其楷法

紀叢筠字竹吾句容諸生性孝友舉止嫺雅工詩善書并精醫術著有蔬香齋稿同縣倪良珍字席儒廉介寡欲耽吟詠精奕棋年二十餘妻亡不娶治家有法著有奕餘集又胡濛字旬樹高淳諸生家貧好學與知縣霍瑞堂爲詩友無

所干求人服其介節焉

徐世清字冰陽號石根六合諸生性至孝家貧遊山東作陟屺圖以見志自題其上語意真摯又有東道篇云黃塵滾滾入東道六月炎天禾盡槁江南此時暑氣多我母眠食今如何東道友朋互徵逐珍羞羅列醪醕綠我本江南寒薄兒家有老母還啜菽有扇不能爲母揮有食不能爲母遺遠道之苦苦如此母兮生我欲何爲婦亦能將母何如我進酒孫亦善扶持何如我應手嗟乎愁莫愁於作客身危莫危於白髮親每逢歡場淚暗滴知我心曲能幾人未踰年卽歸母年八十猶矍鑠也其詩名夜吟軒集

翁梅峯桂峯佚其名江浦人孿生兄弟也讀書不應試皆能詩梅峯咏梅桂峯咏桂詩各百首故以字焉嘗言死後當合葬及先後卒家人如其言門人張于東爲墓銘志之

論曰陶楊諸君刻意爲詩而已軍尤爲矜慎其足傳也宜哉蔣氏一門風雅施及館甥致足羨也石根東道諸篇可附陟屺之後梅桂昆弟二難競爽原本孝

弟三百篇之遺意其未墜乎

二汪二張夏郭李傳第一百七十

汪熙字庶平上元人年二十餘卽代父治家事未嘗取一非分財雖匱乏而供膳必豐時物非奉親不敢先嘗母有故疾侍視左右弗避穢褻母卒與父偕臥起父性嚴偶有忤輒長跪以謝性又好義族人婚喪則經理之無告子女則撫字之年七十二卒遺命葬親墓側子度字鄴樓諸生工書法同縣高澤瀛字蓬仙家貧傭書將母母陳毅女也老而病風臥牀蓐者十餘年澤瀛年四十未昏炊爨澣濯以子而婦無倦容生平好許氏學下筆皆遵說文故不利於場屋惟鶴山馮啟綦亟賞之

汪炯字朗園一字也樵上元人居雞鳴山麓父冠字雲暉諸生蚤卒炯事母孝終身不娶恐婦不能順母志也母亡服闋衰絰不除人有稱其孝者流涕被面晚號白門歎漢子著有桃花村人詩集同縣王家棚字子餘亦少孤善事母操履謹篤事不問長者不敢行旣補諸生沈潛於學以勤瘁得咯血疾懼貽母憂

諱不言及母卒痛益深旣免喪遂卒年三十二貧不能娶故無子

張爲玉江甯人性至孝母盧病痿不離牀蓐浣洗之役皆以躬親一日偶出聞鄰家火奔歸則火已及門乃冒煙入負母出以免家貧而狷介嘗拾得李某錢夾追還之贈以貲不受惟日繪扇售之俱甘旨費暇則說稗官家言以娛母聽與兄弟相處亦極友愛焉

張金和字介夫句容諸生父春堂字夢柳工畫金和事之甚謹會天寒父欲御裘則爲其兄某所竊典乃密爲贖歸轉置他籠以獻父後微聞之欲爲其兄弟析產金和曰兒不願弟有餘而兄不足也乃止同縣田克勤字翰臣亦諸生妻張富家女而知大體克勤兄某以奢侈蕩其產克勤夫婦無怨言張乃貸於母家助夫經營業以復振兄某衣食皆資之死復爲撫其孤焉

夏泉字玉亭江甯人少孤貧事母孝教兩弟嚴而有恩嫁女弟二竭力贈奩以博母歡苦志力學嘉慶九年舉於鄉選六安學正未上卒同時上元張光裕字小渠四歲失父母王撫教之長補諸生性方嚴義不苟合家貧奉母能得歡心

爲文苦思常廢寢食年三十二而卒又王建初佚其名亦上元人父早卒事母及生母皆孝爲縣學生課徒以養衣服器具或潛送質庫中供甘旨費暇則嬉戲於母前如兒時兩母忻然並忘其貧建初子庭字硯香亦諸生

郭世仁字端四句容人國子生出繼從父爲後見嗣父年尚壯請其納側室許之已而所後父卒庶母有遺腹未生欲以身殉世仁泣請曰母孕若男兒借奉母若女兒獨事母不使母饑寒也尋果生男世仁撫以成立良田美宅悉以歸之而已取惡焉年六十六卒

李鵬年句容細民也居揚州與弟鵬高鵬萬皆事母孝母每當夏秋間輒患利七八十日鵬年晝夜抱負上下侍沐浴梳洗滌穢垢積年無厭倦鵬高在城中爲需次者廚役每日必再歸以新美食遺母鵬萬爲倚虹園園下灑掃亭間分遊觀酬直市甘旨必厭母意兄弟三人皆未娶有養挾重貲欲以嫁鵬萬鵬萬曰彼來能爲我善事母乎若不是得妻而失母也不可有姊嫁殷氏而寡鵬年迎與同爨未幾鵬年鵬高相繼沒鵬萬以照料園事侍奉或不時遂上鋪昇轎用力爲養然贍給殊未減鵬年鵬高在日也鵬萬者酒醉則與人詬詈唯聞母呼則止及疾篤乃告其姊有錢三十千以半治發送留半備老母後事語畢而隕蓋母年八十有七矣

論曰今世之以孝旌門者半皆割股毀身聖人之所不取也是篇所錄諸君或侍養於生前或盡哀於身後或奉事庶母以慰死父之心或掩蓋兄愆以盡友于之敬無奇節詭行以邀名而至性烝烝非人所及殆古之所謂孝弟者歟

蔡朱傳第一百七十一

蔡永仁字壽昌溧水人居江甯以賈起家本縣宗族甚眾永仁倡修宗祠置祭田遇歲歉出貲以贍族道光三年水災輸千金助義振二十二年海上事起款議既定捐銀八千兩爲善後經費焉子承謨字星來亦好施予道光季年水災捐貲助振咸豐中避寇江北戚友相依者眾值歲大旱斗米直銀數兩乃貲田易糧飲食與眾共絕無吝色眾皆感之承謨弟旅平以歲貢官海州學正

朱仲齡字景初溧水人居江甯性孝友以父命習賈佐弟炳泰讀遂與從弟仲

德協力經紀家漸充裕好施予戚郇緩急率倚賴之下至負販皆翕然稱爲長者道光中江甯數患水又值海上有事屢出私財佐公家用議敘布政司理問銜待人寬恕不求自益嘗戒子弟以學奧虧三字晚喜讀朱子綱目年九十卒子沅字芷江少好學酷嗜購書補縣學生願淡於榮利年三十後遂不應鄉舉從父炳泰當出繼大宗父欲畀以己產萬金猶未言沅亟贊成之南城外舊有三忠祠祀宋楊邦乂文天祥明李邦華邦華尤有功江南吳鍾奇修祠時獨去之後金鼇考而復之重新其祠沅乃捐貲以助焉咸豐初選淮安訓導時甫遭粵寇之亂家業煨燼公服至假之同僚會有欲介一言通知縣者願奉百金爲壽峻卻之嘗與教授蔣錫寶請祀朱陸秀夫於學宮又舉山陽舉人潘德輿附祀鄉賢尋以憂歸遂不復出棋樽坐對蕭然若世外人年六十七卒沅子紹頤紹頤字子期家富而好讀書與江甯姚兆頤友善人稱二期以兆頤初亦字子期也兆頤美姿容顧影矜飾猶不免豪華氣而紹頤自奉極儉衣冠必故而後易年十九補諸生尋以粵寇之變與妻甘氏同赴水求死而已遇救獨免遂矢

志守義賦孤鴻篇以自況由是鰥處終其身性篤孝侍母疾不解帶者五十日居喪哀毀柴立時父年已高乃同處一室父常患脾泄每夜奉父數起衣履偶沾餘穢必親滌拭之不令父知也及病篤服勤一如侍母時宿苦次盛夏不懸帳蚊蚋嗜膚輒以塵尾揮之曾歷署邳州海州學正悉以俸餘爲季弟紹琦營婚宦而囊不名一錢至是兄弟將爲析箸計自顧無家室累固讓遺產不受仲弟紹亭泣以請弗從乃以養贍自任焉紹頤素畏俗擾嘗入浙江學使者幕徜徉禹穴嚴陵山水間自此益厭家居遊廣東者載餘光緒二年與紹亭並舉於鄉復館金壇二年遂入天津戎幕俄以微疾卒年五十一紹頤長不踰中人頭童若老僧狀面藹然多善氣夙弱於顏遇生客訥訥似不能言然義所不可凜然難犯與人交有始終規過勸善嚴而以婉出之人咸目爲畏友早年好唐四傑文及吳梅村樂府與兆頤相切劘故所作皆沈博絕麗晚歲變駢爲散每以韻語間之絕不作八家以下體詩乃句奇語重逼真昌黎兆頤所不及也嘗爲涇縣洪汝奎校正開元禮分修上江兩縣志著有挹翠樓詩文集兆頤又字友

梅後紹頤四年以拔貢生領鄉薦年五十卒撰述皆散佚

論曰蔡朱二氏皆以貿易寄居省垣而家業日大其義行之篤均足垂裕後昆宜其令名至今不墜也子期爲予至契又申之以昏姻故傳較他人爲詳然自信其非阿所好云

二陳曹張劉潘傳第一百七十二

陳茂桐字嶧陽上元人精堪輿術嘗慨然曰形家詐人率以一家利害立說而陷人不孝何其傾也以是戚友之匿獲葬者多所居在燕子磯側見黃天蕩風濤最險乃邀集同志設紅船以救生兼購義冢備施材額其堂曰順安武進湯貽汾有詩紀其事同時王永林字廣海亦居觀音門側世務農家有餘貲輒輸順安堂以助經費不署名氏人有以急叩者必立應而諱其事咸豐中避亂遷徙益勇於爲善及歸故里橋梁道路圯敗者修之未幾卒赴弔者多哭失聲茂桐子海仁字靜夫浙江候補知縣

陳榮字卓夫高淳諸生性孝友撫弟姪若己子持身廉正重然諾足迹不入公

門然事關利病亦不肯默然嘉慶十九年旱作救荒謠以諷世人心感動遂樂輸以助振全活者多狀貌清癯至老色澤不衰見者以爲神仙中人能文工詩著有聚星堂草

曹會炳字淑燦高淳人固城湖東起羊石屢破行舟術者謂去其磯頭者必死會炳日舍一身以濟眾厄吾願足矣乃與同縣夏鼎班倡募削平之而身亦卒無恙高淳南塘圩周四十餘里隄甚薄欲就河灘取土培築而鄰圩不聽有孫趨者字曰蟠奮然曰圩不固則國課民命交敝何以家爲以利弊呈大府屢勸乃允趨之貲產盡矣鄉人至今頌之

張維垣字位中號紫庭六合人善居積兄弟謀析產維垣取其禿瘠者踰年歲歉兄弟疑所擇不精請更析維垣不與較凡三易始定嘉慶十九年大荒維垣捐錢數千緡振其鄉道光中大水頻年捐錢倍之又獨掉小舟沿圩堤拯護立育嬰堂收棄兒種德堂施藥材積善堂恤嫠婦皆各捐數千緡爲倡母節孝入祠葺新其屋宇與同縣姚文暲所修之忠孝祠丹雘相望丹徒朱鐵臣天長崇

家蓄以乏貲不能之官維垣皆以千金資其行年七十二卒姚文暕佚其字平居孝友任卹無疾言遽色治家儉而數十年水旱災禔與弟文暉文昭捐貲數萬修祠共一事也與是役者李光輿茅式如皆六合人式如後殉咸豐八年城陷之難

劉長森字卓堂句容人父祚潤字雨亭諸生恂謹自守長森家素饒裕每屆冬月佃者輒借事不償租長森亦聽之豪於飲客至必堅留客或辭問家有急事不曰無他惟逋負尚無出耳長森卽代之償後他客屢以辭飲誚長森而長森不疑也嘉慶十九年大荒知縣某邀紳民勸捐眾相顧莫敢先長森卽署助錢五十萬貫眾愕然不知其所從得長森乃賤鬻其田而以直入官如所署之數晚年貧甚爲童子師以自給又號鐵崖以諸生終附祀鄉賢祠

潘如松字盛之六合人業賈好施予道光七年創種德堂於上新鋪留養疾病無歸者湯藥必親檢視歲飢收養幼孩又置義冢數十畝埋瘞暴骸知縣雲茂琦嘉之贈以爲善如愚額卒後予慶餘復經紀各堂事尤周至道光二十九年

大水買舟巡視圩民無食者振之浮棺無主者葬之咸豐二年繕修城垣六年旱荒助振皆樂輸無吝色知縣溫紹原以承先樂善額獎之粵寇陷城諸堂盡毀慶餘子炳業貨產興復之循舊章焉

論曰嘉道以後時久承平風俗純美閭里之士莫不以古誼相尙陳曹以下諸人非以任俠自表者而爲善孳孳歷世不倦亦行乎心之所安而已矣豈不懿哉

吳蕭宋陳李陶閔石陸傳第一百七十三

吳文相字志書江甯諸生遊揚州性耿介嘗有假人白金五百者請文相居間金已償而券未退金主據券索金已償金者曰若但問吳君果吳君言未償卽如命金主意文相困甚議以半爲酬乞其一言文相不可券遂廢揚人皆重之蕭大椿上元諸生性慷慨鄉里義舉必躬親之嘗司水龍局事會督署西李宅火起李鉅富也大椿率眾護救傷骸李德之贈以醫藥費力拒之曰救火而受賄他日貧家有灾人將觀望不前矣卒弗受眾莫不欽其品識

宋必華字子銜江甯諸生性謹慤嘗拒奔女於旅店同輩益重之與妻弟顧人龍友善一日過其家塗得票錢十餘千持以與人龍曰君貧甚聊以相濟人龍正色曰何自待厚待我薄乎必華謝曰戲言耳試君守也復往塗中候遺者至予之里中稱長者焉

陳興植字兆祺江甯人性孝友好施予與同里陳鐸字振民道光二十四年張舉人辦善舉如其私事

士鳳字西哈尚字少每歲捐貲於三藏殿設幼孩局冬收養之春融始散膏

攜杖頭錢出游遇貧者即給之年七十家人欲稱觴為壽卻之曰與其費酒漿不如行善舉也遂捐錢數百千修沙灣至南門石路行者稱便晚年寄情詩酒修香山故事為九老會卒之前一日召素所借貸者集於家出其券焚之曰毋貽後人口實也子松齡字靜齋有父風工書法家藏圖籍甚富

李國均字君燦江甯人居南郊牧龍亭幼喪父母比成童兩兄又沒獨奮起寒微中中年獲小康性伉爽與人言聲殷牆壁鄉曲鬪辯得其一言而定訟獄以簡生平急人之急類古任俠所為黃思永避亂時嘗留養於其家後舉 廷試

第一人服其藻鑑年七十九卒子春華英華皆諸生又孫名時 向涪諸生與人周旋一秉直道嘗云人貴率真耳何虛文為人有不合輒面折之遇公事不避嫌怨焉

陶樑字玉為上元人居杜桂村家素豐周急濟屯得鄉里心道光二十五年卒粵寇之亂人多思之宗人德鍾字月波生稍晚補諸生性亦孝義咸豐中避地養母散家貲以贍族戚之罹難者身處空乏晏如也病篤時屬其子善事祖母言不及私遂卒

閔文昭字潛庵上元人居孝陵衛道光中民物滋豐衛民多以織絨為業文昭獨者學補縣學生與其師杜寶田及同學蔣恩元王紹裘王芝田創建鍾靈文社由是數十年中領鄉薦者踵相接也驛道旁有因路斃地主受累者文昭偕同里李鏡江鄭鳴岐設生生局暨義冢置莊田於靖安廠為棺木用已而鏡江等沒文昭復與諸生王鍾華繼為之粵寇亂平乃併歸城內救生局經理焉石泉字紫巖句容人居臨泉鄉道光中偕同志宋訪節孝為請彙 旌又以赤

山湖關江甯水利輯赤山湖志四卷

陸序錕初名鈞字蘭芷上元人道光二十年舉於鄉豪邁有膽智二十二年夏英夷就款大吏主和議者觴夷酋於正覺寺與序錕居相近序錕出觀之則供張之華侈上下之祇奉唯恐不當其意序錕竊憤痛發違言隸人呵之序錕奮然曰汝曹無恥乃禁人言邪敢再呵斥吾徒黨滿前即執夷殺之敗爾款局指顧間夷酋至序錕趨前阻路眾不約而從者幾千人環酋洶洶聲塵盈合酋大懼某官哀之始聽去由是俠名震一時
論曰吳蕭宋三君徑徑自守皎然不汙殆古之狷者流與陳李陶閔為善於一鄉石泉留心水利較之獨善其身者進矣序錕義憤填胸有觸則發雖未盡純然其俠氣實不可及焉

金陵通傳卷三十九

弟作儀參訂外甥周寶森校字

金陵通傳卷四十目錄

第一百七十四冊

姚錫華 朱彥華

方俊 郭長華

潘鐸 陳立

第一百七十五冊

葉聲揚 弟觀揚 鄭北杞

薄彭齡 王延長

蔡琳 朱恩海

第一百七十六冊

羅鳳儀 兄鳳藻

唐治 許垣

陳士全 張熙麟

張學權 劉嘉桂

戴鼎元 恒

朝元

巴光誥 朱鵬翥 張鵬程 光誥弟廷誥

馮毓璋 束春瑞

李瀛

第一百七十七冊

章印福 錢大勳 周正義

李廷揚 束裕 鄭文謨

陳景元 子雲 許長華 包廷芳 海成龍 江繼勳

張攀

龍 凌慶元

達成榮 李祥和等 王金禮

徐綸庚 杭益進 王維城

夏定邦 毛國祥

陳紳

李長慶

馬殿元 子天驊 公驊

馬嘉善



金陵通傳卷四十八
姚錫華字曼伯號適益上元人父先立字樹棠好施予鄉里稱善人錫華少好學嘗從汀甯陳授遊尤習於易并通孫子夏侯諸算書律麻天文各志及梅氏叢書舉道光十二年鄉試二十一年成進士以知縣分發山東歷署新城長山等縣清釐積獄為多兼革私押換票之弊尋補安邱縣民完糧向以錢一千八百代銀一兩是歲市價銀每兩易錢二千有奇秋稅解庫虧銀四千餘兩父老詣署請增價錫華謝曰官有去時銀有賤日安可使賦自我加無已其完銀乎民僉以為便時境內多盜錫華起舊捕劉楠用之厚其工食又多設保卡巡警宵小遁迹有奸民魏凌雲創無生老母會以惑眾錫華訪獲之寘諸法調任齊河嘗謂州縣不可一日不坐堂官之於民准此時可聯以情而地方之利弊風俗之厚薄亦每於此覘之旋擢桃源同知會豐縣河決檄勘濟甯一帶水災監

金陵通傳卷四十八

姚方潘陳傳第一百七十四

江甯陳作霖伯雨纂述

姚錫華字曼伯號適益上元人父先立字樹棠好施予鄉里稱善人錫華少好學嘗從汀甯陳授遊尤習於易并通孫子夏侯諸算書律麻天文各志及梅氏叢書舉道光十二年鄉試二十一年成進士以知縣分發山東歷署新城長山等縣清釐積獄為多兼革私押換票之弊尋補安邱縣民完糧向以錢一千八百代銀一兩是歲市價銀每兩易錢二千有奇秋稅解庫虧銀四千餘兩父老詣署請增價錫華謝曰官有去時銀有賤日安可使賦自我加無已其完銀乎民僉以為便時境內多盜錫華起舊捕劉楠用之厚其工食又多設保卡巡警宵小遁迹有奸民魏凌雲創無生老母會以惑眾錫華訪獲之寘諸法調任齊河嘗謂州縣不可一日不坐堂官之於民准此時可聯以情而地方之利弊風俗之厚薄亦每於此覘之旋擢桃源同知會豐縣河決檄勘濟甯一帶水災監

放振務錫華出入風濤中屢瀕危險不肯少休與同縣朱彥華齊名咸豐三年升廣東惠州知府俄進廣西左江道以留辦防務未赴粵賊擾劉家口上官令署曹州府事堵禦甚嚴賊不敢渡就除山東督糧道督辦德州軍務以父憂解任服闋授雲南糧儲道轉按察使時滇省漢回交閩錫華與臨安知府方俊皆建議撫之謂回民亦有善良萬無盡誅之理回民頗忻悅願備資裝聽調遣而練勇藉詞報復襲之於江右館錫華嘆曰回性多疑今又不使之信地方從此多事矣十年升布政使乞歸僑居濟甯卒年六十七著有怡柯草堂詩文集朱彥華字文卿爲文敏瞻道光二十三年舉於鄉明年成進士官嶧縣知縣奉檄辦振操守廉潔人舉以擬錫華曰江南二華錫華子延福字介生以軍功官臨朐知縣縣境田無溝洫令掘井以備旱野蠶成繭致以造機具紡織民始獲耕桑之利邑志二百年未修延同鄉鄧嘉緝蔣師轍續纂之著有滇遊記山左日錄

方俊字伯雄上元人父奇瑞字碧田性誠慤有客主其家遺金而去奇瑞追之

不及久之客復來出金還之緘如故又撫嫁疏屬孤甥女二人戚黨稱之俊少好學工詩文尤喜誦離騷太史公書道光十四年舉於鄉明年成進士選庶吉士散館授編修咸豐初 記名御史請采買穀石以實倉儲三年補山東道監察御史時江甯揚州鎮江相繼失陷官兵攻圍不下俊奏三城人民未遷徙者十居五六誠恐克城之後兵勇馮藉聲威乘間肆虐請飭下各路統兵大員務須申嚴紀律於城垣垂克時曉諭三軍限以一二日進城搜捕仍於城外紮營一面派廉幹文吏老成紳董妥爲安撫招集流亡其被虜婦女迅招親屬領回毋致流離失所以廣 皇仁又附奏蜂蠆有毒困獸猶鬪上年永安州之事可爲寒心請 諭統兵大員防賊橫溢四出或仿古人圍師必缺之法設伏遮截又奏己革總督陸建瀛奉 命爲欽差大臣赴九江上游迎勦聞總兵恩長失利既不奮往應援又不嚴行防禦單身連夜逃回金陵自此一逃而小孤山安慶及沿江防守之兵無不潰散賊由楚破皖旬日間而金陵鎮江揚州相繼被陷向使該督在九江不走但能力拒一二日則向榮卽已赴援必能使賊不得

東竄向使該督不能禦於九江而退守小孤山率亦不能過安慶向使該督一同金陵卽與祥厚等能遽行破城乃始則閉門三日不出繼則挾祥厚與爲掣肘致祁宿藻發憤嘔血殞命祥厚等徒殉死是恩長祥厚霍隆武之死死於陸建瀛也江安也昨者欽奉諭旨陸建瀛於十廂地方遇賊被失城亡與亡之義陸建瀛著賞還總督銜卽照總如無前此九江之逃而登陴誓守城破自裁則爲戰臨陣捐軀亦可爲城亡與亡今於十廂遇賊爲得附於城亡與亡之義也該革督九江一逃關繫甚生無可貸死有餘慚皇上寬其已往憫查抄之家產已屬至優若復與死事諸臣同邀廟行間之士氣而慰恩長祥厚霍隆武忠魂伏願

撤銷以爲天下後世誤國殃民者戒又奏豐工而老弱轉溝壑丁壯散四方現在河南江蘇賊氛未里該處民情素稱強悍求生不得待振無期中有臣思山東江南二省皆可召募民兵以充卒伍牛糧俟軍營有缺考驗充補擇其技藝出眾勇敢當其有功再加升賞較之客兵糜餉迥不相侔至於離情殊可憫擬製鈔票數十萬兩發往被災省分拘銀錢米麥聽其交局按照市價以官票償之仍卽由各州縣運赴軍營仍酌留十之二三於本地卹毋令失所疏入皆報聞俄掌貴州道歷署陝建白皆關天下大計未幾授雲南臨安知府臨安桑局以課民會滇中變作不得竟其事俊嘗以爲亂知縣郭長華死之長華字文泉江甯人道光十

將弁協力拒守向榮赴援賊協力同心籌固防守賊亦不爭糾參之恨守城事宜在在忠忱僅能激厲駐防盡節以無數士民之死死於陸建瀛言該督雖經失律於前嗣下自例賜卹臣愚以爲該革督敗亡與亡該革督如與賊決戰所害是欲逃而無可逃不天下大局誤國殃民莫此爲其一死賞還總督銜并前恩卹恐無以服天下之人心皇上將陸建瀛卹典

洪徐充二府之民蕩析離居靖距被災之所皆不過數百桀驁之夫恐不免率眾從賊照鄉勇之例每日支鹽菜口先者拔爲勇頭聽候調遣俟老弱婦女不能從軍轉徙流未被兵州縣設立官票局無給一分之利此項銀錢米麥備振遇有過境災民多爲撫西江西道事凡入彀十月所土宜委而民不知蓋俊設蓋惜五年彌勒奸民鍾道人作九年舉人事聞俊奉檄防堵

阿迷州數月而罷納更土司龍氏死其妻貪代辦權將不利於妾子勾結莠民謀叛俊廉得之置其妻於法而以妾子襲職嘗曰吾政尚寬以法殺人者止此一事然土司多梗頑失此不治恐擾奪劫殺無已時也時漢回之釁甫萌俊上書督撫援林文忠公治永昌故事止分良莠不論漢回欲以持平服人心而漢紳多憾回民每爲異議以沮之是歲俊攝迤南道事仍駐臨安八年回眾圍府城俊守禦甚嚴三月而解以功擢道員加按察使銜賞戴花翎遂補迤南道丁母憂奔喪於陝西韓城服闋移疾不出主山西宏運書院講同治三年歸江甯總督曾國藩延主采訪忠義局月致廩餼後乃自號枕善巢老人與里中高年爲文酒之會閒參內典講息心養靜法年七十五卒著有諫垣存稿暖春書屋雜著及詩刪

潘鐸字木君號振之江甯人少貧不能讀父母互教之鐸事親孝調僕有大志道光五年舉於鄉十二年成進士選庶吉士散館改主事擢御史居京師見甕齏忽痛失聲或叩之答曰幼見吾母恆以齏汁佐飧今適觸於懷耳其至性如此俄除湖北荊州知府屬吏有以墨餽者知其詐卻之江南水災捐五千金以助振轉江西糧道升四川按察使獲幅匪蔣頂帽誅之累擢至河南巡撫潘賈畧河躬自履勘四十五日而工竣調山西巡撫以事降按察使咸豐二年轉湖南布政使時粵賊犯湘境鐸聞命倍道抵長沙城已閉總而入蒞事後晝夜巡防坐臥皆在城上信賞必罰傾府庫犒戰士不足以私財佐之眾感奮賊兩穴城最後城崩數十丈磚石飛滿天當者輒糜萬賊蠹附而上總兵鄧紹良率鎮軍兵三百人過其衝血戰竟日賊乃退因以棺實土塞缺口又礮斃傷西王蕭朝貴賊氣奪夜遁凡守八十一日城卒完鐸急馳書大帥謂當邀諸隘殲之毋貽下游患大帥遂巡賊遂東下明年鐸乞病去吏民爭舁鐸行街衢且徧送者塞道拜者跪者踵相錯日夜走數十里至於舟臨崖猶不返啼呼擾攘萬口一聲曰公行矣如吾民何則皆哭鐸亦哭尋以四品京秩召入都門庭闈寂且典質爲生讀書圍棋悠然忘歲月要人或納交焉不答獨慨念時事憂形於色謂家人曰朝廷倘再用我當以身許國耳同治初 詔以二品銜署雲貴總

督當是時滇亂已極被命者輒相弔鐸既受任同鄉餞於都門相對皆惘惘或
歛歎不能仰視鐸慨然曰吾年七十受 累朝恩厚愧無尺寸報茲役得死所
矣諸君當賀我毋戚戚也飲啖談笑如平時瀕行從者僅八人過西安問滇事
於方俊俊陳入策一宜先赴黔與提督田興恕統勝兵南下二查失守地方具
奏三查官員下落四早除曲靖叛將何有保即手戕鄒五解散野練六大理回
酋杜文秀罪在不赦宜剿迤東回眾在澂江者本由避難聚集曾經投誠宜撫
而用之七收利權於上八清查絕產試辦屯田鐸皆嘉納之入川總督駱秉章
素重鐸欲留辦防務鐸笑曰是規避也又欲以兵從鐸亦不許兼程抵滇總兵
馬如龍懽鐸威望具囊韃出迎諸營肅然鐸又訪獲賊酋劉紹武等寘諸法同
民畏服有歸順者由是積為巡撫徐某所忌二年正月十五日練總馬榮以赴
臨安為名突至省踞五華書院城中賊應之鐸知事變親往撫諭責以忠義賊
黨相顧動色榮語益悖鐸怒斥之遂遇害身受二十七創而巡撫竟無恙事聞
贈太子少保謚忠毅賞騎都尉兼雲騎尉世職 敕建專祠並入祀鄉賢光緒

十五年

今上親政復

賜祭一壇

陳立字卓人號默菴句容人始祖文瓌宋乾道中來知縣事遂家焉地名陳武
莊立生而穎悟讀書過目成誦稍長隨父輔客揚州從江都梅植之受詩古文
詞得其義法江都凌曙儀徵劉文淇授以公羊春秋許氏說文鄭氏禮立兼通
之道光十四年舉於鄉與姚錫華同歲成進士以庶吉士散館改刑部主事洊
升至郎中先後受事皆刑名總匯處立處以詳慎於喪服變除宗法淆異多能
折衷協於禮律未幾 記名御史授雲南曲靖知府請 訓時荷清慎之 褒
以道梗不克赴留川北軍營差遣同治元年移疾去官主山西錦山書院講席
三年歸辦江甯勸農局務復幕游楚浙保升道員生平甘淡泊恥干謁與人交
懇款惻怛寶應劉棻冕稱之曰君學為通人位為大夫而起居節儉同於寒素
語言謙樸疑於不文忘賢與勢於君今見之論者以為知言年六十有一卒著
有公羊義疏其書上溯何鄭博采唐以前公羊古義及白虎通疏證義主條舉
扶微而不事辯國朝諸儒之說擇精語詳凡七十六卷舊聞暢隱
駁凡十二卷爾雅舊注凡二 說文諧聲孳生述其論古韻分十九部本願江
段孔四家析其分溯其合擊

駁凡十二卷

爾雅舊注

凡二

說文諧聲孳生述

其論古韻分十九部本願江
段孔四家析其分溯其合擊

究於聲之通轉以釋說文諧聲之字凡三卷論句溪雜著凡六卷

者謂比於姚氏文田聲系一書尤為精密云鄧文憲公附其家傳

論曰雲南一隅遠在蠻服咸同之際擾亂實深吾鄉姚方鄧潘四公先後與於是役而適益伯雄獨得免難者其時同擊之變始露萌牙巡撫重臣尚未敢明目張膽與為表裏至文憲被戕而隙乃莫解矣忠毅受任於萬難之日不計成敗直冒險危督撫中之僅見者也至於卓人受官不能蒞任超然遠舉僅以著述終焉則又官溘者之異趣也已

葉薄蔡傳第一百七十五

葉聲揚字賡廷江甯人幼穎慧讀書至夜分不輟父母憫其勞戒使早息常以絮被蒙窗蔽燈光閣誦達旦道光十二年舉於鄉十八年成進士選庶吉士蕭山湯金釗主教習館課兩冠其曹兼充武英殿纂修性耿介自持恥入流俗不妄與人交朋儕有過必面警之人或憚其嚴正而終服其直諫也是年八月假旋卒於雒縣旅次年未四十時論惜之著有汲古軒文稿弟觀揚字敏修少承兄教善古文詞於音韻訓詁星算金石兼通其旨尤究心經世之務舉道光

十九年鄉試以大挑得教諭歷署淮安揚州泰興學篆同治二年除高郵學正既上興義學勤月課躬自評隲監修珠湖書院又捐築州人孫吏部宗彞祠宇召其裔守之會清水潭隄決檄襄振務因條上典牛章程當事從其請俄以助國防捻功保升知縣久之卒於任著有求放心齋文集金石跋隨筆醫學通神錄蓮因居士所見集子文翰字墨林光緒五年優貢考取知縣八年舉於鄉俄卒文銓字仲衡光緒十四年舉人十六年進士由庶吉士改主事復改知縣丁母憂卒觀揚同歲生鄭彤書字偉士亦江甯人先世以業鹽居儀徵父兆杞嘉慶十五年舉人十九年進士彤書由舉人考取太常博士俸滿得同知分發浙江借補嘉興通判生平坦易無城府好藏書購至五萬卷終日展玩官舍如水時人謂之吏隱云其子嵩齡字芝巖同治三年舉人七年進士以編修兩主河南鄉試轉御史擢給事中放浙江糧道卒官

薄彭齡字仲默號訥菴江甯人六世祖有德字聿修以進士官翰林侍讀學士高祖海字圖南康熙五十一年進士由編修歷至太常卿從高祖岱字啟東雍

正八年進士官至甯武知府曾祖明字公鑑祖履清字以階雍正元年進士官至袁州知府彭齡爲人品端行潔仁孝出於天性舉道光十五年鄉試二十四年成進士除兵部主事居京師不逐逐於聲利公退一燈宴坐淡如枯禪每日必自課功過見人輒問曰近日曾作善行否有過失者必婉勸之人或謂其迂則一笑而止弗與辯也未幾乞假歸省適江南大水當事者延主下關粥廠每日必三更起徧嘗之然後啟柵老幼各別無擁擠患自城至鄉徒步往來不乘肩輿凡六閱月弗懈事畢入都至固安卒於旅次年四十四無子人多傷之又上元王延長字少崖道光二十六年舉人歷官至江西南康知府嘗辦淮軍報銷局與石楷籌措江甯七屬公車費前此所未有也後謚命年續增之總督左宗棠復補其不足而延長實爲嚆矢焉

蔡琳字紫函江甯人博學者古爲名諸生科歲試及書院肄業數冠其曹咸豐二年舉於鄉三年春應禮部試甫至京聞粵賊陷江甯以母在城裝未解卽回車星夜抵金陵望城而泣百計籌所以救母出者日往來於鷺洲小航近城地以數百錢置少食物僞爲出賣者漸得入賊卡遇城中人出因得母耗又百計以迎之始得脫當是時江甯人多陷賊中丈夫或死或逃惟婦女艱於行自必死卽其夫若子亦無能畫一策以救之自琳出其母乃競以智力財賄各迎其眷屬脫者以萬計皆由琳啟之也琳旣免母難旅食江淮者數載九年始成進士除刑部主事升員外郎提調律例館京秩清苦安貧守正義所不可凜然難犯以勞瘁嬰疾乞歸弟子朱恩海見其羸弱欲躬送之琳不可則謬謂當歸省附舟同行琳卒於清江浦恩海慮舟人知之內慰琳母夜則與琳並衾臥如生時濟江而後發喪琳無子以家宅爲祠母居之終其天年所撰述多散佚僅存菽華館詩藁數卷恩海字月楂上元人父以均字梧生歲貢生性和介舉止嫻雅恩海以國子生應順天鄉試從琳受業旣葬琳畢復返都館大學士朱鳳標家喘病如琳自知不起猶課徒弗輟處分諸事如平時坐化而卒鳳標太息以爲古道難再得云

論曰嗚呼天之厄文人也甚矣葉薄蔡三君皆以諸生通籍不可謂不達也而

皆道死其所成就果安在哉然賡廷耿直仲默淡雅皆能見重於時紫函脫母於難而鄉人效法之謂非錫類之仁乎不惟此也自人各迎其眷屬而城內外消息始通湘鄂諸從賊者亦各為去計賊氣大洩即謂琳有間賊之功可也

羅唐陳張戴巴馮李傳第一百七十六

羅鳳儀字威伯一字亦凡上元人少沈默好學從同縣諸生徐學易字雲階朱蘭

芝字佩遊長豪宕不羈已更斂抑舉道光二年鄉試公車將發值兄鳳藻病甚有

問行期者泣然曰兄病若此是行即穩撥進士吾亦不忍也遂不赴鳳藻字抑

書以諸生終著至十六年始成進士除滎陽知縣未上值河決開封奉檄防護

城垣時水已薄曹門居民惶駭鳳儀請庫帑十萬上官訝其多鳳儀曰省會重

地倘黃水一滴入城倉庫錢糧皆不可保後悔何及此非惜費之時也上官然

之乃募得千人馳行泥淖中不避危險竭力堵禦水始稍退調赴祥工局清釐

宿弊無絲毫染指而收取物料皆優給價值曰城中貧民甚眾不如此恐劫掠

生事也以合龍功加知州銜既蒞滎陽會陝甘用兵差徭絡繹鳳儀慮為民害

乃編列合縣車兩為一冊以次輪派民不知疲而事亦辦性明決案無留牘民

間有神君之稱巡撫鄂順安奏保以直隸州用二十七年二麥歉收貧民請借

倉穀向例借穀必有田之戶鳳儀以乏食者眾議令大戶具領狀一律均散俟

年豐時有田者按畝徵還無田者大戶代還以抵捐振眾從之遂借倉穀五千

石民以無饑夏亢旱鳳儀禱雨日三次或勸以節勞鳳儀泣曰令不德天怒及

民敢以僕僕為苦耶秋災成日與委員查振而鳳儀以辦保甲先悉其丁口生

業故得無浮無漏於是極貧振粥次貧振銀其章程為河南州縣最尋以散振

至須水觸冒風雪感寒疾歸民間之焚香代禱者幾及萬人及卒婦女乞丐皆

來哭弔踰年復建祠肖象以祀以其從子榕配榕字石林鳳藻子諸生工鳳儀

居官以廉勤自勵歷任不孛家累子衍緒生九歲尙未識面每歲寄家止百金

而贈戚好者無所吝著有尺蠖集濠游楚游汴游諸草

唐治初名沂字魯泉句容人道光五年舉於鄉以大挑知縣簽分安徽初試桐

城值歲大水治先期請帑勸捐誓於神不沾一錢亦不假手吏胥延縣中公正

士主之按口振施民得實惠而須髮一月盡白明年復大水治益拮据振濟當是時江南北被水州縣以百計惟桐城鮮流殍之民方大東縣中名儒也窮老家居前知縣某疾其直以事誣之治下車卽白其冤事以師禮俄調祁門修故東山書院延大東主講席創義倉積穀數千石以備荒嚴緝盜賊獄訟希簡咸豐三年粵賊據江甯皖中大吏置安慶不問改省治廬州治上書陳利害不見省徽州素以富名賊久覬覦之而祁門無兵依山爲城甚卑陋所募鄉勇不過百且無以給其食署中幕友星散治朝粥暮飯公私蝟集皆一身經理之四年正月賊自樸根嶺入犯祁門治率鄉兵守半日城陷被執勸之降不可凌虐之亦不屈乃復以禮遇之終不食賊告以黟縣知縣率民進金事治發怒戟手大罵遂被害事聞 贈知府銜建祠予世襲祁門將陷之夕治召從子桓謂之曰吾有官帑千金寄鄉民某某家汝速去寇平後獻之太守後桓卒言之徽州知府解交藩庫人以是服治之清而桓之能體其志也治死之後四年粵捻二寇合竄盱眙盱山縣無城與祁門同知縣許垣率眾禦諸境力不敵亦死垣字

培之上元人又江甯張貴善官望江典史寇至冠帶坐獄門破戕妻賈自經死陳士全字純齋江甯人居孝陵衛狀貌雄偉精力過人事母孝少補諸生其師死士全攝館事三年所入脩脯悉以供其孀孤家故赤貧弗恤也道光十七年舉於鄉以大挑知縣分發北河初署雄縣策驢赴官門役拒之探懷示以委札乃內之尋補望都廉明慈惠暇輒攜僕巡歷四鄉詢民疾苦知境內舊有十一泉皆湮塞以故常患旱乃捐俸疏濬得四泉農民便之政聲達於畿輔年未五十卒望都人建祠祀之同時官直隸者張熙麟字仲明亦江甯人先士全二年舉鄉試謁選得容城知縣愛民勤事廉善自持熙麟中年多病又性迂緩人疑其不耐繁劇及蒞政乃更精敏未二年遽卒容城人哀思巷哭祀之於三賢祠

三賢者楊忠愍鹿忠節孫夏峯也

張學權字稚儀江甯人世居浦子口父鎔年五十八始生學權學權有孝行道光二十四年舉於鄉以知縣簽分直隸署安州知州州境窪下苦潦學權請疏十二連橋之水以洩之時粵賊陷深州據連鎮相距僅百餘里學權防禦甚力

民恃以無恐補固城知縣界連山東地瘠民悍夙號難治學權滋任七年官民相安擢大名同知尋卒子敦敏字古愚咸豐十一年舉人歷金壇教諭海州學正當賊擾深州時屬縣安平亦被圍典史劉嘉桂字一山上元人從知縣登陴固守城中乏糧母陳在署饗飧不給嘉桂得聞省母母怒訶曰汝雖末秩正効命時也念我何爲杖逐之去又檢敝篋出衣物以充賞以是捍禦益力四旬圍解縣人感之爲立遺愛德政碑

戴鼎元初名鼎亨字守銘上元人祖啟賢字思齋父恩字雨亭皆諸生鼎元舉道光十九年鄉試選授陝西安塞知縣調署藍田以擒賊勢熾將犯境乃截留解省火器募土兵練習之賊知有備竄去旣而同捻互相勾結藍田復戒嚴鼎元督練守隘以通西安餉道並使士民登陴鄰縣避寇者爭赴之尋轉永壽知縣以助軍餉功加父恩二品銜花翎未幾乞養歸與鼎元同榜舉者六合慎朝元署四川榮昌知縣調雅安縣距大渡河二百餘里粵賊石達開臨流欲濟朝元率練勇與官兵會勦敗其眾追至山谷生禽之以功升同知題補岳池知縣

加運同銜旋引歸卒於家

巴光誥字種芝六合人與同縣葉覲儀張鵬程皆歲貢生朱鵬翥之高弟子也鵬翥字筠坡少者學夏夜讀書畏蠹置燈帳中頂皆熏黑性純粹與物無競生平足不入公門知縣雲茂琦重之嘗夜造廬就談理學漏數下始去著有惜陰堂文集光誥博學多通舉道光二十年鄉試咸豐三年以防守功保知縣分發江西歷進賢興國瀘溪諸縣在任以養士爲急務每月課文必親加評定公餘進諸生講誦之折獄平允民無冤抑未幾卒弟廷誥字禹卿幼穎悟家人以貧故欲令習賈痛哭不願乃復學艱苦不倦六峰山長蒯成照聞而異之邀與講誦數年學大進旣補諸生縱橫百家尤精算數咸豐二年卒葉覲儀自有傳張鵬程原名李字又蓮世居程駕橋素工吟咏舉道光十四年鄉試二十年成進士歷官雄縣望都正定安平知縣深州知州某邸有寵奴怙勢作威福吏不敢捕鵬程親謁某邸禽之寘於法又以直隸多盜每夜率眾巡緝兩載無倦卒之日囊空如洗同官爲經紀其喪著有斯未信軒文集又蓮詩集

馮毓璋字聘侯溧水人道光二十九年舉於鄉選授遂安知縣時粵賊自江西擾浙陷開化壽昌地均與遂安鄰毓璋以兵守馬金嶺其山徑皆使民自守賊不得逞調補秀水旋攝蕭山值杭州失守隔江烽火相望毓璋請提標兵五百守西興鎮海鎮兵二百守聞家堰復邀集紳富諭以助餉激勸民團補兵不足賊夜渡翁家埠江迎擊敗之每日必赴要隘處巡視慰撫眾爭自奮會提督張玉良克杭城賊四出奔竄毓璋益嚴防守半月須髮盡白以軍功擢温州府同知旋卒於官毓璋同歲拔貢生束春瑞字閬仙句容人就職得安徽泗州州判駐半城咸豐八年捻氛急春瑞日夜巡防以守要隘必資火器乃令其子請於某都司營假礮六尊相地布置賊不敢犯光緒五年乞歸卒於溧水著有桐蔭軒詩稿

李瀛字仙洲號蓬樵六世祖士杰官御史自滇遷金陵其後遂爲上元人父宏坤字厚菴國子生工制藝金陵文徵采入之瀛性廉退敢於任事初官河南李青巡檢轉按察司獄調永城縣丞遂攝本縣事旋署虞城時捻寇充斥瀛練勇守隘井爲修築城垣民恃以無恐權知睢州俄補南陽會所屬賒旗鎮以權釐齟齬司筦者誣民爲叛大吏已遣兵在途矣瀛甫由睢赴任中道力尼之單騎往諭鎮民皆奉約束徵收如故同治元年粵賊倉卒薄城瀛適在東鄉堵禦皖捻其子兆霖率眾守陴瀛聞急歸與城兵合擊之賊潰走未幾復來攻圍凡穿地道十餘處瀛皆察破之楚軍救至圍立解明年寇又大集竭力攻城死守十數日城卒以保以軍功累加運同銜直隸州知州賞戴花翎旣而黃河決口檄瀛督濬惠濟河勸民捐辦睢民感其舊惠爭自輸納凡爲繕錢二百四十餘萬刻期而集一年河成舟楫通利豫省故有江蘇會館積樁縱橫幾無餘地公所地久爲鄰寺侵瀛一一釐正之旅櫬分三等有主者歸無主者葬其有主而不能遷歸者限以年寺僧侵地亦於是歸焉光緒四年河北大荒瀛奉委振粥亢村驛經費紕勸捐濟之薪水悉以佐振又請於大府得撥東漕米三千石躬自轉運至秋後始資遣難民以去俄補熒澤知縣承奇災之後壹意撫字上游督徵急輒以應扣留支銀墊解民氣頓舒尋卒於任年六十有八

論曰抑凡循良之譽播於中州而純齋次之其諸西漢之吏治與魯臬才堪治劇而丁時多難以節義著聞蓋所遭之不幸也張戴馮李從事兵間而皆奏功績其時命通焉至種芝之治縣儒雅之風猶有未盡艾云

韋李陳張達徐夏陳二馬傳第一百七十七

韋印福上元人豆癩著面而豐下嘉慶中以行伍隸督標獲妖人方榮昇補千總嗣因屢禽紅胡教匪積升提標中營守備擢金山營游擊道光二十二年英夷入犯隨提督陳化成禦諸吳淞口戰方酣忽中礮死叢葦中先是句容錢大勳爲廣東提督關天培司文案兵敗並遇害又周正義亦句容人爲湖南連陽營外委與印福同力戰死

李廷揚字步墀句容人以武進士積功至柳州融懷營守備道光二十七年湖南賊雷再浩起新甯廣西巡撫鄭祖琛遣廷揚往覘之猝與賊遇時所率卒僅三百人或謂廷揚君奉命覘賊耳宜視可否進退廷揚不顧而戰賊壘已據高阜仰攻之自辰至午矛傷右目猶手殺二賊中槍殞於陣祖琛以詩哭之時有

東溶者廷揚同縣人官雲南都司捕鹽屢有功廣西洪秀泉事起從軍至粵道光二十九年賊犯全州力戰死又鄭文謨上元人以千總代父赴九江軍營咸豐二年十二月師潰死之

陳景元上元人官督中營把總以老退休子澐由行伍升城守右營把總咸豐三年粵賊逼金陵澐奉檄守南城念親老子幼謀所以位置之而已誓以身殉景元叱之曰我家世以武勇著萬一不虞當城亡與亡汝誠誓死而妄希老幼偷生耶澐泣曰諾城陷澐急歸訣父母而率勇巷戰矢刃蝟集澐攘袂大呼手殺數十人以眾寡不敵遂被害人走報景元景元淚涔涔下有頃曰已矣兒不負我矣我必爲厲鬼以殺賊乃夜啟後戶與妻余投水死時年七十一癸丑之變同縣武弁死節者眾包廷芳安徽潛山營守備也以病乞歸賊氛急奉大府檄治團練其子某官儀徵遣僕迎養使三返卒不往城陷遇賊於故衣廊賊脅降不屈大罵縛之於柱罵愈甚遂被破腹支解死江繼勳字建廷城守右營千總也家貧事母孝有鄰嫗以米饋母卻之繼勳承母志益自刻苦菽水之奉融

融如也城陷巷戰力竭投竹橋河中死許長華字瀛洲城守左營外委也檄造火藥勤於其職城陷愀然曰火藥烏可資賊不如焚之舉火焚局聲如雷長華體皆燼獨餘一骸以戰鞞識之其父克斌弟長貴從子朝義皆冒陣死母馬投水以殉海成龍武舉人也亦於城陷時戰死其父定國與弟從龍避居六合六合俄告警知縣溫紹原請定國守西門以從龍管帶親軍隊屢破賊遂署六合城守營千總定國乃辭守事咸豐八年六合陷從龍巷戰血灑襟袖皆溼力竭死定國後亦殉蘇州之難焉

張攀龍字凌雲上元人以武舉爲把總有膽識道光中夷酋泊龍江關當事欲撫之遣攀龍齎書往夷酋飲以紅色酒拔刀貫肉連陷之攀龍談笑無懼色凡三往而撫事定積功至蘇松左營遊擊署京口營副將咸豐三年十一月由鎮江螞蟻窠水營登岸破賊次日復生禽其渠奪賊馬乘之窮追至五接橋中鎗創甚猶手殺十餘賊而死時有凌慶元句容人與同縣邵氏累葉以武勇顯人稱凌家箭邵家刀咸豐初慶元以武舉爲六合千總勦賊不勝而死

達成榮六合人世習同教

達馬常王四姓居六合南北門者土人呼爲教門人

雍正中其先有子敬者

以拳勇名梁宋間後有達五雷公者習其技成榮其子也故又號雷公達八云生而偉軀幹高顴巨鼻膂力絕人有奔馬逸蘆洲中數月野性如虎豹人近之輒傷成榮令眾譟逐之身伏大樹旁馬奔過飛一足洞馬腹斃之淮北鹽梟白三婦某率其徒輦私錢十六車過境羣少要諸途其魁頂骨被削以死眾號救於成榮成榮約眾毋前持流星鐵杖獨追之眾聞刀杖錚然有聲遙望則見白光如輪十六人者環白光攻之炊時許一人中杖倒婦搖手呼曰止止君非達八雷公耶吾夫屬過六時候君起居妾忘之傷君兄弟妾之罪也指兩車錢曰留此爲君兄弟養傷費耳成榮旣以勇名遠近又頗敦信義然諾不欺城鄉有盜警知縣以禮致之輒禽獲其渠道光中以捕私梟功爲潛山營外委久之病歸咸豐三年粵賊踞金陵渡江來犯知縣溫紹原謀之成榮爲捍衛計倉卒得壯士百餘人成榮率之冒雨禦諸龍池橋士民操楫從者如堵牆成榮曰第扼此橋賊未測我虛實不敢逼也眾易賊少譟而進麾之不止進則墮賊伏中圍

數重成榮與宗人敘疇掄彝及周錫堂繆長庚繆長酉等揮刀步鬪手殺數十百人而我戰士死者亦九十餘人成榮刀折復以鐵杖擊賊大呼曰男兒報國正在此時諸君勉之賊大至鎗子中成榮肩磨其墻李祥和曰汝去我死此矣與敘疇等五人皆死賊退後眾收掄彝尸腰間賊首猶纍纍也是役以百餘人抗賊酋林鳳祥萬餘眾自辰至午殺賊過當賊徘徊不敢進紹原得以其間集鄉團斷橋守河副都統德崇阿亦率馬隊至遂乘火起大破賊城卒完成榮既死李祥和與達掄英達掄富達保康分領其眾及八年八月六合事急保康逃而祥和掄英掄富守小東門皆以賊地雷炸死時有王金禮亦六合人習拳勇好以禮貌與士人接初安小東門礮位請於紳士徐翦願自備資斧守之積功至六品階從知縣溫紹原登城樓覘賊賊放火箭昨謂紹原速避之而身受火箭死

徐綸庚字少白高淳人以遠祖一范蔭得雲騎尉世職道光季年爲江浦營外委千總性情嫻雅有儒者風咸豐三年賊陷江甯與江浦僅隔一江綸庚督理城守昏夜巡緝必以身親之六年三月賊撲城防軍遁綸庚忿然提刀至北門遮逃者曰此城南北咽喉棄而不守將朝廷命官守土與徵餉養兵何爲卽督同麾下堅守賊至隱城隅忽大呼突出賊大驚因手刃十餘人眾寡不敵遂自刎死從死者勇丁王長貴江浦人綸庚同縣杭益進字一清有膂力善刀槊從江甯知縣王某於秣陵關以軍功得六品階有沈獸醫者洩內應之謀以媚賊者也適自城出益進遇之咤曰是殺張炳垣先生者執而鳴諸官殺之及向軍潰益進同高淳結團禦賊賊大至偵其勇購得之欲脅令降益進叱曰我前在金陵殺賊無算使今日作賊亦何面見諸忠義於地下言訖大罵賊乃剖其腹斷其首烹其肝肺死爲最慘焉又王維城亦高淳人武生也多力善射自備資械管帶城勇咸豐十年城陷巷戰死其子定國爲鋒凱勇隊長隨提督鄭魁士勦賊南陵亦力戰陣亡

夏定邦字治平六合人以武舉官督標右哨千總性嚴重每校所部技藝鞭撻不少貸咸豐三年奉檄守六合禦賊於梁塘鋪東溝屢捷四年九月賊結木籬

築壘穴礮於其上將以下竄定邦要諸八卦洲焚其籬乘勝奪九泐洲賊營擢守備五年三月督水勇斬沿江鐵練六年正月巡撫吉爾杭阿規復鎮江檄六合勇助勦定邦因率所部往甫安營而賊至他營皆閉柵自守定邦獨展旂出賊見六合幟闕而走遂平其壘壁上觀者咸懼伏尋隨總統張國樑歸援江北克江浦進平石鼓山土賊補江陰守備八年正月再攻江浦身先陷陣爲諸軍冠升都司加遊擊銜賊圍六合急定邦與同縣毛國祥朱金標王金鼇劉訓等死守城中糧竭繼勇下城奪賊糧以進有勸城帥溫紹原突圍走者定邦不可曰兵勇不皆孝子順孫脫出城星散吾屬爲虜矣城陷自刎屍不仆賊疑其未死也猶鎗擊之毛國祥夙負膂力幼時嘗貸於戚人不之應則提其人鼎舉之已爲壽州營兵以捕盜功累官千總因事革職贊善徐鼐方督城守事素知之檄守西門骭麟使氣與人多忤賊圍城時屢手刃梯城賊城陷巷戰死朱金標字劍臣以武舉充練勇左隊長咸豐五年施橫江鐵鎖於黃天蕩防賊下竄當事檄金標守之屢卻賊舟至是退守六合亦死王金鼇武生從定邦領頭起練

勇大小百餘戰屢破賊積功至千總城陷迎戰受重創流血及踵猶手刃三十餘人力竭死劉訓亦武生年七十一聞變與諸生劉昌齡昌言等十人八品銜達鳴鵠等十人會戰於東城磯焉

陳紳句容人咸豐初爲蘇右營把總駐崑山十年粵賊犯崑山紳率民兵禦之勢不支退至石牌招集義團屢破賊未幾與其子雙福並冒陣死時上元李長慶以武生爲海州把總調防旌德襲賊於孫村大捷賊整眾復至遂力戰死馬殿元字義峯江甯同民也家素貧後忽恥爲布衣乃發憤習弓馬爲武生同輩多凶很或庀囊倡樓私齶雅片之屬以自肥殿元恥之一無所染設茶肆於報恩寺爲生計樂與文人盤桓咸豐初避亂種菜於葛塘寺子天驊公驊皆以武生從總統張國樑軍十年軍潰皆死

馬嘉善上元人有膽勇咸豐中粵賊踞湖熟爲堅壘三面布礮後背河防稍疏提督虎崑元督師攻之嘉善求見曰賊營極固攻之徒傷士卒請由後路進某居此久與鄉團稔熟願說令獻浮橋以濟師崑元大喜從其計夜踰河攻賊壘

破之將賞嘉善以官嘉善曰民苦賊久矣吾特藉官軍驅除之耳何功之有固辭不受後不知所終

論曰 國朝至道光之季幾二百年東南承平日久將士皆不識兵戈壬寅海氛猝起當之輒潰韋周錢三君之死忠義之先聲也金田伏莽鬱為劇患流毒徧海內而踞金陵為窟穴李張陳包諸君先後殉節死於其職無忝厥官矣六合彈丸小邑支大敵者五年敵愾同仇謂非達夏諸君之力耶自時厥後弁勇皆習於武事雖捐軀隕首亦所時有而運籌決勝豪傑間出馬君功成辭賞尤高不可攀云

金陵通傳卷四十一

弟作儀參訂甥周寶森校字

金陵通傳卷四十一目錄

第一百七十八冊

王金洛 從兄獲從子琮璧

朱琦 葉宜素孫際雲

柴沂 管子書

蕭人官 劉紹曾

第一百七十九冊

黃鍾沛 陳自超史佐廷

湯鎬 程教文

朱嘉彬 楊鑿

葉德鈞 陸葵 柏宜崑

徐振毅 許晉錫司徒沛

丁鵬 王掄

林中芬 葉琳左宏

田萬青 趙鴻楊自超張玉成夏鈞章

第一百八十冊

俞恩綸 弟恩綬

俞松 鄭學海顧長庚

汪兩年

汪星垣

楊邦杰張景箴 王仲德 劉世揚

馬生

楊萬善

葛鏞 葛志文朱德昭

高熊舉 姚兆鳳徐以謙

顧長庚

蔡順 張三錢大文

第一百八十一冊

昌法 通雁

疑空

炳炎 印川

金陵通傳卷四十一

江甯陳作霖伯雨纂述

王朱蕭劉傳第一百七十八

王金洛字蔗鄉上元人年十六七學爲督署書吏與縣人王章交始習詩章勸爲應試文遂棄吏閉門四十日出應試遽補諸生乃縱覽古文辭操筆倣之多能彷彿然素跡地好談諧軀幹旣偉復習拳勇願獨不飲問之則歎曰吾恃氣好陵人醉或肆非所以自全也其矜慎又如此旣以壯年無聞鬱鬱不得志於是益作狹斜遊且精於度曲每夏夜秦淮水嬉夾岸女閨臨流張燈月上簾開簫鼓間作金洛箕踞舟中攜所狎妓自挽髻簪茉莉歌呼嗚嗚憑闌諸倡皆顧之笑由是人愈以爲狂而聞人老宿寓公之才者如侯雲松包世臣湯貽汾諸人皆知其倜儻慕與交桐城方某家蓄聲樂參軍蒼鶻無俟伶人金洛旣與狎嘗招集裙屐少年粉墨登場備極情態或規之金洛曰戲耳人生不百年何自苦且士有可恥甚余所爲者莊其外則可欺余安能以彼易此哉咸豐二年冬

金洛居布政使祁宿藻幕中聞粵
敗歸闔署門謝客賊至宿藻登陴
歐血死金洛經紀其喪未幾城陷
凡焚十有二人一賊驚去金洛度
大呼復歸以詩書壁適遇一悍賊
詩文集從兄濩字楚卿亦諸生好
春秋吾將薦汝主史事倘見用吾
豈為賊屈者賊怒殺之濩從子琮
炮烙之琮壁大罵遂遇害

朱琦字偉君上元人幼孤貧讀書
所居城北與雞鳴山近朝暮登嘯
工畫然以好怒罵醉尤甚出入人
方春花時深夜月出甚或大風雨

若顛或忤之則酌而嘗不擇於眾
語嘗夜入佛寺出而貌為鬼白衣
平然年已三十餘矣初補縣學生
館揚州王氏凡四年揚之人士若
親於廷颺則慕其學為大小篆隸
佛與人言循循儒者與前狂氣若
師歷河南山西而歸咸豐二年粵
不能殺賊闖允可恥城陷賦絕命
恥七尺身軀付之流水與妻楊同
命詞者有琦同縣葉宜綦及江甯
子也年十四遇賊不屈囚馬廄中
認前身劫遇紅羊問水濱不入污
死柴沂字魯泉道光五年舉人當

賊陷武昌為畫守禦計明年督師者自九江
以守金洛從觀欲戰兵又不滿堞宿藻憂憤
金洛洞開所居門踞几挺劍賊來即叱斬之
其必復來乃盡驅家人赴門外陂塘中繞而
金洛手持之與入陂塘同死焉著有蔗餘軒
春秋左氏傳嘗著春秋發凡賊知之曰子善
為鮑叔牙矣濩罵曰爾輩賊耳安知史且吾
望年十六陷賊中與張繼庚內應事謀洩賊
略觀大意與人交無貧富少長不合輒舍去
曠覽烟樹俯循陂塘片石寸草動有感悟遂
百避之琦自知不合於眾則日肆飲必極酣
雪手偏提步臨街衢行且飲破帽敝屣望之

咸憎之不顧暮喜孤行墟莽間呼墓鬼與
用駭路人路人驚則大笑未幾悔之氣漸
交王章習為詩以貧困故詩多憤激語既
文洪吳廷颺程慶燕皆與游而與慶燕尤
搜討鐘鼎款識秦漢碑版頗能與廷颺仿
人矣向嘗避去者皆慕與之交尋遊食京
圍江甯琦輒張目植髮曰丈夫浮沈斯世
日讀聖賢書粗知義理死雖無補生益可
陂塘死妻大埵女也知書亦能畫時賦絕
沂孫際雲管子書諸人葉宜綦舉人紹庭
間逸出題詩葉文忠公祠壁云曇花一現
猶有幸好留清白報雙親遂投復成橋下
陷日立門外見人以絳帛識衣疾趨過其

前詰之則曰以此爲信得免死沂大怒叱曰鼠子敢從賊奮欲擊之其人跳而免沂憤入室手一械使其子持報其兄某發書則詩二章也詞曰素志不可奪儒生致命時甘心輕一死何必後人知生未報君恩死猶圖殺賊兒孫篤忠貞繼志須努力其子奔歸則沂已縱火自焚矣從死者凡四人孫際雲性方嚴以諸生援例爲訓導歷署贛榆安東高郵儒學教士必以禮法咸豐二年家居助城守事變作具衣冠痛哭賦詩云幼讀正氣歌臨危志不磨全家甘蹈死之死矢靡他遂闔室自焚死管子書世居下浮橋與子近仁近忠輩皆諸生時年已七十餘矣賦詩云生不食賊粟死當噬賊肉生死無足論名節不可辱因自經死近仁等從死者凡三十一人子書弟子榮僑居蘇州咸豐十年蘇州陷復罵賊不屈率家人十一人投洞涇橋下死近仁弟近修字琢堂以進士歷官大興知縣易州知州順天東路同知卒於任

蕭人官字唐卿上元人少貧不能讀性好方技貧甚則賣卜言多中怒其所得少去爲醫好神其言人以爲誕率火其方不敢藥嘗與王章朱琦遊故亦能詩稍稍爲應試文遂補諸生然年已逾三十矣人官貌短小衣不蔽骭而氣磅礴喜論議聲若洪鐘每大笑冠纓索絕由是人又斥爲狂年四十始有婦遊揚州數年境仍貧然不至不飽人官歎曰丈夫不能取富貴僕而能飽日月逝矣知我其誰復取黃帝書鉤抉幽隱日求精其術終以貧無信之者粵賊陷江甯與妻皆自經死著有啞科三卷

劉紹曾字書田上元人博學工詩喜畫梅道光十七年舉於鄉晚歲家居與湯貽汾侯雲松王金洛諸人相唱和極觴詠湖山之樂咸豐初粵寇變作盡焚其生平著述冠帶投甕水死從死者七人

論曰王朱蕭三君少皆狂逸爲迂謹者所屏斥然卒能死難者古來有氣節之士率非繩墨所能拘也三人之中蔗鄉尤豪而死亦最奇烈風雅如書田相與友善孰謂安居同其樂者患難不能同其憂哉

黃湯朱葉陸柏徐丁林田傳第一百七十九

黃鍾沛字鑑涵上元人與史佐廷陳自超皆居仁孝里以課徒爲業金陵城南

近市塵城北學舍尤多弦誦聲相望而鍾沛自超二人友最善俱工制舉文爲名諸生鍾山書院山長王煜極賞之鍾沛言貌溫溫退然如不勝衣性好施子道光二十九年水災以所積學俸二百金購米麩絮衣給鄉人之貧者卒諱其事而不言咸豐二年粵賊陷江甯鍾沛義不苟活率家口十五人投水死史佐廷字定夫亦上元諸生品學端粹賊將至其壻居鄉以車來迎佐廷怫然曰城若失安所逃甯義死毋倖生也壻曰盍使幼孫出以存宗祀乎亦不聽城陷衣冠抱孫端坐縱火自焚死陳自超字軼凡江甯人家貧躡屋以居性耿介恥求人嘗館某氏不合拂衣去曰吾豈媚人者耶坐是益困飭粥不給泊如也至是聞鍾沛死慨然欲從之會賊脅之擊柝曰此向可以偷息人世乎痛哭投水死母潘及妹均從之

湯鎬字振之上元諸生與涂煊程教文友性方嚴不諧俗輕薄者多詆笑之金陵陷後隨母卜率家口十五人赴宅後池水死涂煊自有傳程教文字博夫江甯諸生江甯舊有明道書院後改爲祠祀程子程氏依之以居教文其裔也粵

賊變作教文率家人聚哭於祠男女少長以班同縊死

朱嘉彬字步曹號雅堂上元諸生性安雅喜愠不形而介特自勵家赤貧未嘗以緩急告人或欲周之則惴惴焉恐其不受金陵城陷日其父崑溶謂之曰汝爲秀才忍降賊乎不死何爲乃以火爇屋全家燼焉時以死勗其子者又有楊鑾母金鑾字鳴之江甯諸生母聞賊將入命鑾舉棺於庭曰盍斂我鑾不忍母遂絕粒死鑾殯母已命諸子婦以次死或自縊或投井井滿更投甕既皆畢命而後與妻羅對縊以殉凡死者十五人

葉德鈞字敬和江甯諸生事親以孝聞家貧授徒自給每日必歸省母雖寒暑弗輟也初聞賊警語同志曰諸君視今何時祇須痛飲耳人訝其言城陷徧覓之不得人愈疑越數月或汲其家井有物礙縷驚視之得德鈞屍衣冠完好如生再索之復得其兄德華弟妻丁子維新三屍面目皆可辨焉

陸葵字少韓溧水人世居江甯其大母杭年二十七而寡子湘甫四歲卽葵父也杭忍死撫孤冬衣一敝緼每夜湘罷讀就臥杭不解衣而寢或拳曲臥足後

不問地方事城將陷終日公服坐聽事或問之曰免臨時倉卒耳賊入與妻汪從容同縊死又左宏字又思江浦諸生一貧徹骨不因人熱時稱有守之士咸豐初賊掠浦口與蘇長華俱被執皆大罵不屈死長華字眉生善爲文咸豐二年副貢生

田萬青字江峯高淳人道光二十三年舉於鄉制行高潔學業精純與人交和而不流家無儋石儲而口不言貧咸豐中高淳戒嚴與辦團練從容鎮定綱舉目張未嘗以賢智先人十年城再陷避地僻鄉人或餽以十金萬青知其不義堅辭不受有請其致書權要蘇夙逋者許以重賄萬青曰食糠覈死儒者本分耳我手可斷此書不可作也未幾永成鄉相國圩起義拒賊往依之圩破遂殉難於青雲菴側著有來青草堂詩稿時同縣多死節者趙鴻諸生也品純學正時聞發先正格言勉人爲善性復至孝母卒水漿不入口友力勸之乃進勺飲三年中號泣無時咸豐六年高淳初陷時賊突至迫降不從遂潛匿母墓旁涕泣五晝夜絕粒而死楊自超事親亦孝好施予鄉間有溺女風倡育嬰救溺會

全活甚眾至是爲賊執敲朴無完膚卒不屈逾月而死張玉成字斐然事繼母孝與弟兆達終身不析產及賊至謂賊可化以正言責之賊怒割其耳越日死夏鈞章字克優嘗刲股療母居喪廬墓有白鼠長尺許繞墓悲鳴後亦遇賊死論曰自黃湯以至林田皆敦品立行之儒平時讀書講道足以坐鎮浮俗臨難從容節義自見孔曰成仁孟曰取義諸賢殆近之矣

二俞二汪馬葛高蔡傳第一百八十

俞恩綸字南坪江甯人世居上新河父昌言字恕堂以優貢官訓導性孝友重然諾恩綸與弟恩綬皆補諸生咸豐三年二月賊撲上新河恩綸不及遷徙與弟謀曰事勢至此夫何言予兄弟半生讀書愧無實用惟一死全節或可見先人於地下舉室然其言乃題絕命詞於壁手白金付其僕江二曰此足活汝如見吾從子輩幸告之僕掩泣去遂鍵前戶積薪舉火而合室赴水死凡十人後有過其故居者見壞壁上題曰旣破我家又劫我身彼何人斯是爲莠民蒼天昏昏大劫斯存人誰不死先哲爲鄰又曰水所以潔身也火所以明志也餘皆

剝落不可識矣

俞松亦上新河人故無業賊將至土人乘機劫奪競邀松往松恥之與弟二松三元言曰從賊不義攘食亦不義不義莫如死母聞之喜曰若言吾志也遂閉門餓死其鄰有鄭學海者聞之與妻汪謀曰死賊手與死於水火孰愈妻誑之曰君無子吾聞賊令嚴不敢犯婦女當忍死爲君延一綫何遽死已而以釵環令易米學海出逾時無所市而歸則妻與女皆縊死鄰人勸學海行曰毋負死者志學海泣曰始吾與婦謀死所而婦誑我婦死而我獨生可乎入戶自縊眾將救之忽爆竹聲大作遂駭而奔爆竹聲者其鄰顧長庚之所然也長庚向業爆竹賊誘之曰命汝造火藥不汝苦也長庚諾而入猝舉火火發千萬爆竹裂聲如雷燒賊須髮驚竄去而長庚乃急挈妻投宅後陂塘死

汪兩年字松崖江甯人工畫性伉直不自損下粵賊圍城炊粥擔飯以餉守者時守城軍士不時食甘之如飴及城陷兩年積薪樓下驅其妻妾及子登樓而焚之火發自投水甕死女適童氏聞之亦舉火焚死

汪星垣字漁邨上元諸生習靜於清涼寺當城陷時寺僧報曰賊至矣星垣危坐不動遂被執僧急呼曰是吾寺中供糞除者賊將釋之星垣曰否我秀才也賊以刀擬其喉僧又給之曰是有心病星垣厲聲曰我無病賊壯之曰吾視君非凡人髮頽白矣猶困諸生方今天下大亂盍變計從我乎星垣大罵曰吾所以困躓者不肯變計耳況從賊乎遂被害氣垂絕猶自呼殉難者上元廩生汪星垣也家屬聞之皆自焚死時罵賊死最慘者楊邦杰江甯諸生也素多病聞城陷嗒然不食亦不言向晚忽大聲罵賊家人勸之罵愈厲時賊來往戶外如織家人恐賊聞累鄰人也以被覆之邦杰氣息僅屬罵賊聲猶喃喃遂死王仲德上元人賊至將殉節具衣冠祀其先適有賊排闥入見而惡之舉刀相擬仲德回顧大罵賊斷其鼻血涔涔下因大笑而去仲德從容禮畢赴水死張景箴字尙文總督書吏也性和易謹守法城既陷賊縱剽掠景箴憤甚積薪階下欲自焚爲鄰人所尼會有賊入其家景箴持械格鬪勢不敵執見賊酋命之跪不跪罵不絕口賊怒割其耳鼻罵愈甚又斷其舌猶模糊有聲遂支解之其弟希

載與弟妻王皆投水死劉世揚居仙鶴門聞賊至曰我遇賊必痛罵以死比被執絕口不言賊疑其暗誘之終不言乘間赴水中大罵之而後沒世揚族兄世科字海霖性樂善好施予咸豐十年和營潰走匿深山中曰吾不願見賊也遂不食死著有紫屏閣詩文集

馬生佚其名上元武生以販牛爲業城陷慨然謂其弟曰吾與若皆匹夫殺一人而死足以償殺二人則償有餘矣因詭迎賊入使其弟守外戶乘賊不意殺之投尸於井賊續至復殺之日殺四五賊以爲常既而曰殺賊而人不知不武榜賊首於門兄弟皆遇害時同縣武生有楊萬喜者當城未陷時爲團練局勇目每夜縋下取賊首繫腰間纍纍然天明守兵以繩上之如此者十日比賊入跳而免後向軍至應募爲隊長咸豐六年戰死

葛鋪字芝山江甯瘍醫也居高井術精而不喜交富人遇貧者施藥予之酬以錢不受賊據金陵求良醫急令居民部送民將以鋪應之鋪素嗜飲無子女獨與其妻周居是夕益行沽召鄰叟與別昇二棺於室鋪夫婦坐棺中坐鄰人男

女左右雖不能飲者亦強之釀曰吾夫婦老而無子行且死願諸君埋其骨坐中人泣不能仰視而鋪夫婦無少戚遂偃臥不起趣掩棺鄰人不得已乃昇棺瘞之宅中同里醫士死者葛志文居鄉間賊至其家疑爲官縛大樹下以小刀割其腹故緩之志文罵曰賊子殺即殺耳何徐徐爲時方盛暑越兩月屍如生而朱德昭爲僞王醫日以毒置藥中事洩賊束綿絮蘸油焚之名曰點天燈死狀尤慘烈

高熊舉字渭川江甯人以貲得從九品階城既陷謂家人曰吾義不可屈汝曹能從我死乎皆曰諾乃散貲給僕婢令各散去有廚者蔣福泣請從死熊舉曰汝勿死當留瘞吾骨次日令福移巨甕入於庭置水令滿鄰人訝其所爲熊舉給之曰備賊縱火耳比暮率家人冠服祀祖徧飲家人酒復手五十金付福曰此贖西鄰某屋直若爲償之部署畢自投甕中子德豐德升德豐妻謝及女孫三人皆從死鄰人聞而奔救爭破其甕熊舉氣息僅屬猶瞠目語鄰人曰公等勿強我生生不如死也遂絕謝之死也問其夫德豐曰吾父母家何在德豐指

之謝再拜曰女從夫家殉難不得辭父母矣謂其幼女曰一家人皆飽食不可
餓汝乳女畢乃赴甕尤從容云熊舉妻兄姚兆鳳字聖儀亦江甯人初與熊舉
約死節既聞其已就義乃偕從兄岐鳳赴赤石山下池中遇救不得死皆歸而
自縊焉又同里徐以謙與弟以諧謀自焚以謙妻姚先自經語家人曰吾死後
倘母家人來當以帶示之其弟聞而趨往哭拜火焚其帶後其地有血影如人
狀云以諧女字高氏熊舉次子德泰婦也以諧謂曰汝已字人可毋死女泣曰
在家從父父死敢獨生乎遂闔室皆死德泰字子安能詩賊平後痛其家之殉
節纂江甯忠烈備考

顧長庚

與上新河業爆竹者同名非一人

字星伯上元人當賊破城時奸民預傳凡門書順字

者賊入不屠一時多為所惑長庚門獨不書鄰里以為言對曰生值 聖清更
將誰順萬一不幸亦決不相累於是寄子女他所閉戶積薪自焚子雲後入吉
林將軍幕府主長順為請入祀忠義祠也

蔡順江甯人為中城地甲勤於役所隸無盜賊城陷賊掠之間富戶所在順曰

無有官乎順曰無賊曰他地甲皆有汝何獨無順不答拂衣起賊怒曰汝何往
順曰我 清之地甲豈為賊供奔走者我將還我家耳賊益怒支解之同時有
張二者布政司書吏錢大文僕也城陷大文與眾謀死法張三大言曰等死耳
毋以屋與財予賊莫如自焚大文曰諾舉火賊趨救錢氏男婦已燼矣惟三在
賊怒問誰舉火者三應曰我也遂拷掠之有舊識者為賊充書算憫之潛問曰
汝非錢氏僕耶汝何姓三須髮怒張大言曰汝何人向問我姓耶汝讀書識字
乃從賊向問我姓耶主人之舉火我勸之毋以財與屋資賊賊今日不殺我我
必焚所居若輩燼矣罵愈厲賊亦支解之

論曰金陵癸丑之變天地晦冥從容殉節者比戶皆是上自士大夫下至輿隸
有不可勝書者焉茲特錄其尤著者其紀載之詳則有忠烈備考在
六異僧傳第一百八十一

昌法字華雨一字偶然上元人初居鷺洲觀音寺喜吟詩詩皆哭其母既而菴
圯於水乃去為焦山司客山故冠蓋遊覽區昌法視之蔑如也獨愛某生才罄

所有供之道光二十二年洋船抵焦山羣僧皆逃獨昌法措持其間寺以無恙
後歸棲報恩寺之禮塔軒與松竹堂僧通匯善嘗結諸名士爲冷落交通匯字
一蠡號觀潮二十九年江南大水金鼇居桐樹灣諸名士之一也水沒居廬無
過問者通匯延館諸精舍茗蔬皆供給之昌法有徒曰覺明性耿介善蒔花冬
夏一破衲旣菴爲水圯道士朱嶽雲其鄰也餽以錢米覺明受米返錢水退鋤
屋後地種之未幾粵寇亂不知所終

凝空天界寺僧也露頂赤腳過午不食人目爲風和尚道光二十七年三月肩
一牌書天降紅雨四字往來坊口如織人問之則曰一人兩眼三日後馬巷火
延燒數百家二十九年夏大水豫揭水勢示人人不信後果然始驚爲神嘗語
某生曰君讀書人知釋家禪定即大學之定否定生靜靜生動我入定至五更
時照見城中吉凶瞭然往年水火劫皆定中所見願猶小也三年後大劫又至
矣惟積善者乃可免耳咸豐三年正月初聞賊將至集眾僧上殿各予錢五百
令散而自積薪樓下召執爨者曰火我遂登樓大呼曰舉火舉火執爨者不敢

違火之未二十日而賊至寺爲墟矣

炳炎臥佛寺僧也精戒律城陷語其徒曰生民遭劫佛力亦窮寺其殆哉今當
與城同燼不可使賊汚佛地積薪殿上高丈餘炳炎緣而上跌坐誦佛號命舉
火寺與之俱焚焉時有印川者居武定橋普靖寺夙有膂力聞賊旣入城登樓
去梯憑欄罵賊誘之上賊以什物累而登印川急砍之凡殺十餘人賊大至印
川拔窗躍墮河中死

論曰昌法等三僧篤行能文敬禮名士釋而儒者也凝空所行若涉神怪而其
論靜定有推墨附儒之義焉卒與炳炎印川皆不汚賊大義凜然安得以其爲
方外而屏之與

金陵通傳卷四十一

弟作儀參訂甥鄭謙校字

金陵通傳卷四十二目錄

第一百八十二冊

嚴雋鴻 賈謨 彭玉琨 徐承業 陶正琮 劉鳴岐 邢德序 任厚安 鄭宏業
 劉斌 汪達 楊廣森 楊廷倫 丁存桂 芮步青 吳文錦 張慶枝
 科 劉錫 夏超羣 仲有義

第一百八十三冊

周浴 翁鯤 從孫長恩 李錦 胡象賢 華如楠 業金焱等 蕭用仁 徐啟王
 楊召伯 張本彩 張世衡 吳必正 朱世德 賈寶瑚 孔廣貴等 高世珍
 張繼鵬 徐大鏞 宗人必球 李馥

第一百八十四冊

劉承炳 孫應奎 王兆蘭 黃國鎔 李允恭 談春池 周廷榜 夏毓萊
 汪長清 王鶴齡 陳樹槐 朱廷碩 田錦春 雷春圃 楊懋昭
 方文湛 宗人便 彭會安 萬其相 葉鼎森 李萬有 巴某
 武君榮 薛體元

第一百八十五冊

通傳目錄

施濟 從子肇名等 諸林芳 宗人一春等 馮必有 閻大 范二 魏德

俞士永

金陵通傳卷四十二

江甯陳作霖伯雨

嚴賈陶任楊芮張仲傳第一百八十二

嚴雋鴻字順之江甯人大父良鰲字吟仙兩廣總督鄧廷楨之遠姻伊犁良鰲從之出塞三年歸廷楨諸子深德之咸豐三年良鰲慕游由長江東下金陵戒嚴鄧氏將遷避欲挈雋鴻偕行雋鴻時年十八已為僧生性復至孝聞之愀然曰吾祖母以次皆在城忍舍而他適其祖母某氏父家祿母蔣氏皆死於賊良鰲後聞家盡破亦憂鬱以賈謨上元諸生居攝山側咸豐五年鎮江賊出竄其母寓東陽鎮謨迎母時人皆避賊而西或尼之謨曰豈有置母不顧者乎比至母已得之扶以歸則賊已塞途矣謨指而叱之曰汝輩皆良民何苦從賊一賊怒以洋鎗擊其臂達於脅猶大罵不絕賊舍之謨忍痛扶母行藥毒發伏地泣曰兒今不得奉母矣願母勿哀兒也匍匐道旁死時年

通傳四十二

案述

也廷楨成

管西粵賊

悟能文

小城陷與

也

請警急往

悉他所迹

賊然之

甲數里火

鄉以孝

友死賊者又有彭士琨字玉美其家祠在村中賊欲毀之或勸士琨出避士琨曰祖宗者子孫之根本吾不忍偷生而視其毀也揮其兄玉賢使去玉賢亦願身任之會賊至士琨直前詈賊賊怒羣刃之身被十餘創猶罵不絕口羣賊怪而環視玉賢得不死祠卒不毀士琨次子國義後亦死於賊徐承業字紹基其母夏遇賊被戕憤奪賊刀刺賊不中被賊剖腹死潘玉書居柰村與弟萬里友愛無間年皆七十餘賊執萬里將殺之玉書泣請於賊願代弟死賊竝殺之陶正琮溧水人父瑩諸生從軍於孝陵衛咸豐十年大營潰瑩被執正琮號泣請代賊不聽皆殺之同縣諸生劉鳴岐家貧以課徒養母是年賊逼溧水鳴岐負母逃粹遇賊以兵劫之使棄其母鳴岐不忍釋告以母老相依爲命觸賊怒俱被刃死邢德序居儀鳳鄉有至性聞賊將至徒跣負祖母至十餘里外復歸負母或告以賊已入村不可往弗聽疾馳至家則母方闔戶以待負之行遇賊脅降不從母子皆遇害趙茂有居思鶴鄉年十六母患病適賊至族人呼與偕逃茂有曰母病在牀安忍他去卒不行賊掠之至村前推賊墜水奔赴母側賊

怒追及之以鎗轟其背死

任厚安六合人咸豐八年賊陷縣城父載揚爲賊戕厚安奮起徒手搏賊賊斫之仆地死忽兩手作攫拏狀賊復斷其右臂去同縣鄭宏業母丁爲賊殺宏業僞附賊懷利刃將以刺賊酋事洩磔死其妻劉亦支解焉劉斌業賈而孝賊將至母命速避斌不忍離母及遇賊以身蔽母而號賊怒一揮刀母子皆死妻女亦殉之汪達科年十五見賊執其父跪給曰父老矣不能執役吾願從請舍父賊許之父去已遠乃大罵賊被殺劉錫隸人也賊至負母出城一夜行數十里母恐累子伺便投於河錫亦躍入水死

楊廣森高淳人事母孝咸豐四年賊掠高淳鄉廣森以母濮陽氏臥病不忍離側母不堪賊擾與廣森同聲罵賊而死時同縣楊廷淦母年八十二賊入其室廷淦以身蔽母身中數刃忍痛負母并攜三歲子德善而逃賊追至殺其父子母得脫去丁存桂亦有至性賊向其母索財欲拷掠之存桂求以身代被支解死夏超羣事母素孝與妻邢出入扶持母或命之跪不敢起遇賊脅之去號泣

請歸侍母賊怒殺之

丙步青高淳諸生敦品力學咸豐十年賊陷高淳步青負其母匿遮軍山中賊搜獲之欲殺其母步青請以身代賊不聽步青痛憤大罵賊並殺之同時吳文錦字雲衢亦諸生性誠篤以節義自持不妄言笑賊據高淳以箍腦法索富人金錢一日拘文錦父珣去年七十矣文錦慨然出見曰吾父老不堪若辱願以身代況家政自我操父何能知財帛所在今家資已盡請就死賊置之獄拷掠備至百二十日終不吐何死又諸生魏福博學能文賊竄其村福侍父疾不忍離賊迫之去福大罵被殺其衣帶中有讀聖賢書所學何事八字眾乃知其蓄死志久矣

張慶枝高淳人其弟慶寶於咸豐六年爲賊所掠慶枝憐弟幼不忍逃遂貌爲癡向賊乞食乘間挈弟逸去賊追獲之剜心刮舌而死同時有張孝友句容諸生善拳勇弟爲賊殺孝友親入賊境手搏殺弟之賊反縛樹上剖其心以祭弟賊眾至持械奮鬪死王泰溧水諸生居石湫壩咸豐十年賊至其村與兄繼蘭俱被執泰願以身代兄賊不允憤恚力爭賊怒以刃刺其胸死問繼蘭從否曰弟死兄何獨生賊又殺之

仲有義六合人居泉水仲村性孝友歲時伏臘借弟有德有能奉觴爲母壽愉愉如也嘗曰吾田舍子無他求但博家人歡足矣咸豐八年賊掠六合鄉有義率團練出禦有德有能皆戰死有義負創歸哭弟病臥賊入舍之去忽大呼曰賊殺吾弟吾何生爲遂自殺逾月面如生

論曰 國朝功令凡孝子例皆得 旌况以身殉親尤難之難者也嚴賈以下諸君皆能以篤摯之行遇倉卒之時刀鋸鼎鑊甘之如飴其有功於名教也不亦大乎

周翁李華蕭楊吳賈高楊趙李傳第一百八十三

周洛字西瀛上元人道光十七年舉於鄉性豪邁不羈咸豐三年粵寇犯金陵洛與弟諸生邵募勇團練城陷率眾迎擊於五臺山不勝兄弟皆被重創急歸火其居偕家屬十八人投陂塘死僕某藁葬之事畢亦殉焉

翁鯤字竟堂江甯諸生粵賊告警奉上官檄募勇四百人巡西北城儀鳳門地道發城崩鯤率眾助官兵堵之悍賊緣梯上鯤手刃數人回顧勇盡潰乃退至雞鳴山麓集餘眾慷慨言曰今日要當共決戰不可走食頃賊蠶至鯤與其從兄模導從子大椿大純皆受重傷死從孫長恩年甫十三聞之賦絕命詞四章持報其外祖管子書痛哭不絕聲是夜遂自經死

李錦字雲裳江甯人慷慨有膽略晚年幕游揚州咸豐三年揚城陷於賊官兵圍之錦與丹徒人鄒錫炎倡眾爲內應射書大營約期舉事謀洩與錫炎同遇害又胡象賢溧水人居金陵夙負膂力張繼庚謀翻城結爲徒黨嘗與張仕義等登城殺賊將開神策門以迎官軍不果被獲支解而死

華如楠江甯人居東善橋最驍勇咸豐三年賊踞金陵四鄉之民所在結團東善橋距南門止三十五里如楠糾村民堅守設卡於馮口村大小數十戰皆捷四年八月陰雨累日賊夜乘之團眾遂潰如楠手刃數賊以死善橋之南有元山團則諸生業金焱率之與秣陵關大營相犄角賊由東善橋撲西善橋元山

十村戒嚴設偵探二人得賊消息卽馳報大營得預爲備是月知賊將自元山襲秣陵金焱與監生張旭書布衣姜開業李宗一李大廣李大和集議家出一丁火藥丸彈則資之大營議既定眾益奮持械者幾二千人而葛塘寺之三十餘村陶吳鎮之四十村咸受約束相援應賊屢至敗之斃千人旣而賊由破塘口繞團眾之後眾始潰金焱等皆死之其西南鄉朱門團則距城六十里所謂三十六村者也其地險其民好獵精火鎗每與賊戰發必中賊深憚之六年向軍潰團首陳士勤扼賊於五畝地賊圍而殲之無一脫者

蕭用仁一名濟時溧水人治團練於南門外咸豐六年粵賊陷城至其家見旗械詰之用仁厲聲曰將以殺賊耳賊窮其黨答曰今雖潰散旦夕引官軍至且磔汝輩矣賊怒殺之并屠其家與用仁同時死者徐啟玉居五里牌當賊初至邀里人三十餘與賊格鬪被害

楊召伯溧水人居豐慶鄉性任俠咸豐七年賊踞縣城縣人徐大鏞赴大營乞師總兵傅振邦率兵至溇城急攻賊由湖熟開泰村繞道爲外援召伯首倡團

練得丁千人堵要隘與賊鏖戰不敵眾潰召伯屹立高處不少卻賊圍之身被重創投水死其友張本彩最驍勇屢破賊亦力竭陷陣死時同縣張世衡居廣嚴村以團練拒賊敗歸懷刃伏草中賊至突出殺悍賊二賊眾厲至力盡被殺張繼鵬居孔鎮有膂力率團勇五十餘人與賊戰力不支而死是年官軍復溧水徐大鏞以鄉導功得六品銜俄而避居淮北築土圍以居八年捻寇至大鏞守禦十數日圍破被支解死

吳必正江浦諸生辦理城北團練咸豐八年江浦再陷必正率眾巷戰冒陣死妻蘇聞之與二女皆將自經賊毀門入乃急開後戶赴水死時有朱世德者上元人生平守正不阿金陵陷避居江浦之湯泉倡立鄉團及賊陷江浦入其廬搜得衣冠及勇丁冊詰之世德厲聲大罵賊以刀刺之不殊急投水死年蓋已七十五矣

賈寶珊字鐵珊上元人咸豐十年與諸生戴榕及伏世堯設團練於梵惠寺屢拒賊聞三月大營潰爲賊所執脅令指富戶不答掠之死榕世堯亦被害當是時賊氛甚熾蹂躪漸及溧水孔廣貴居儀鳳鄉繕守自衛賊至與黃起炳黃慶源劉錫源劉錫根等各持農具大呼擊賊以眾寡不敵皆死

高世珍句容光里廟人有勇略咸豐六年提督張國樞復句容檄令團勇守神塘山適賊由李相廟撲大營世珍當其衝大破之七年正月助官兵焚賊營斬馘無算賊欲道下蔭橋達鎮江近橋民團結世珍爲援世珍移守朱家邊兼護光里廟屢創賊賊畏之戒其下遇黑旗勿與戰別攻大祝廟世珍分眾禦之賊遁又攻之於包家窯賊大困五月遂復句容時上山岡民團巫氏等素以敢戰稱至是益與世珍併力攻高山廟蔡圩賊皆有功九月大兵會攻鎮江檄世珍守金子堰防援賊鎮江既復世珍移營墳頭十年二月和營潰世珍護民團歸句容與官兵謀城守官兵聞賊至先走眾隨之散乃奉知縣杜可貞居江上四葉洲爲恢復計與八社七總十六邨聯結團眾而潛入城覘賊爲賊所覺被執不屈死

楊應南高淳武生善擊刺咸豐四年賊犯境應南集壯丁數十人隨官兵勦賊

東壩戰敗被執脅之降大罵不屈賊殺之是役同殉者有楊廷召年七十八與賊力戰受重創投河死三日面如生

趙彥賓高瀆武生與宗人必球皆居唐昌鄉兩人性剛直幼相善也咸豐六年六月賊陷東壩掠梅塘邨搜括淫擄無得免者彥賓必球憤甚率族姓數百輩驅逐之殺賊十三人越日賊眾大至欲得二人而甘心焉彥賓必球慷慨言曰苟全一族萬死不辭請縛獻我二人以紓禍爾等卽赴建平請師復仇可也賊擁二人去囚之復索餘人眾見事急求救於建平大營縣人曹獻龍導師行遂復東壩高瀆賊亦遁彥賓必球已拷掠無完膚矣不數日死眾義之立祠以祀焉

李馥字尙周高瀆諸生性謹厚事親孝咸豐十年賊陷高瀆大肆淫掠相國圩起義殺賊馥與同學諸生沈登魁實主其謀經營籌畫日不暇給人咸倚以爲重弟彬亦諸生善奇門告馥曰金有破聲此必不利馥曰吾非不知但勢已如此義不忍獨生耳圩破罵賊被殺子昭墉投固城湖死

論曰 國家承平二百年東南久不見兵革軍興之初所謂團練者直兒戲耳而周翁二君率先死難得不謂之烈丈夫哉迨賊據已久諸鄉起義相爲聯絡官兵往往倚爲鄉導雖斬木揭竿軍容亦可觀焉庚申一役土崩瓦解殉節之輩指不勝屈錄其最烈者數人以見食毛踐土之義云

劉周方雷巴傳第一百八十四

劉承炳字紫藻六合人與弟榮炳俱性剛好面斥人過人敬而畏之道光二十六年舉於鄉咸豐初治六合團練事以軍功議敘知縣揀發廣西道遠不能赴榮炳亦由諸生保訓導八年賊攻城急承炳議以火箭燒城外民居及察地道所向水灌之皆格不行料知事必無濟痛哭於明倫堂題絕命詩一章城陷偕子簪桂仗劍學宮前大罵賊賊斫之榮炳至賊又斫之家屬殉焉時縣人與團練者多諸生今彙次之如左孫應奎字節音精練明決勇於任事守城六年功稱最至是偕家屬自焚死王兆蘭字映庭性誠慤不與外事以寇急始協守北城賊登堞挺刃力戰賊斫其顛去黃國錫守北城以功得從九品階城陷登高

阜指揮練勇殺賊賊攢刺之兄國楨亦諸生投水不得死後自戕李允恭字光興工詩司東門盤詰事賊圍城時年已八十猶晝夜登陴小東門陷禦賊受重創死家屬亦遇害談春池字澗南工書年七十餘率練勇巡警不懈卒與同學生戴文泉俱死汪長清年八十守東城徹夜露立後巷戰死王鶴齡字晉笙見賊攻急告其父增曰城必不守將若之何增奮然曰以死報國耳毋多言城陷鶴齡受重創歸增不納痛哭至明倫堂自縊增亦諸生終不屈死陳樹槐字蔭三城陷先數日與同學生陸沅字仲湘孫彭年字繼篋者集諸生於明倫堂曰寇深矣吾儕當努力則皆哭各題絕命詞於壁及賊入均率所團勇巷戰死而陳氏一門死者尤多又朱廷碩字蘇生以江陰訓導家居分守北城除甯國府經歷不赴願終城守事至是亦遇害

周廷榜字蕊元六合人祖文昇字振遠慷慨好義嘗偕同里董春江徐治光創立同善堂以施棺槨父濤踵而行之復募修南門外大道積數年始成廷榜性純厚淹貫經史爲名諸生亦與縣人厲式瑄魏之樑創行諸善舉咸豐三年知

縣溫紹原檄治南城外團練事四月賊犯龍池廷榜率民丁隨官軍禦之賊燬廷榜請錄死事者以聞於是達成榮等十餘人得旌卹又籌款埋戰骨辛勤六載不避勞怨八年浦口營潰賊圍漸合乃赴北鄉招土團事甫集而賊又分股自揚州入廷榜率眾倉卒迎拒戰於甘泉之桃花山勢不敵廷榜身被重創稍退從容書絕命詞衣帶間復進陷陣死時同縣有夏毓萊字蓬壺年七十素方正亦赴北鄉集團勇八月由盛家岡督練丁援城至練水壩而賊已渡河北擾迎擊之與諸生董籌等均冒陣死籌父翊清字鑑潭亦諸生好學能文著有鄉黨圖考詳說籌字鶴田行耿介尚氣節著有音韻叢錄大有山莊詞

方文湛字實華六合北獨山人與族人便督西北鄉團禦賊屢有功以諸生得六品階便字時安亦保至從九品他團長或恣橫文湛則恂恂老書生也咸豐八年八月浦口陷文湛與便率所部陳於屏山下書大旗曰同心殺賊爲官兵援適有賊竄至西曹欲會攻六合脅土人曹上林爲鄉導上林以北獨山練方嚴陣待賊誘之往便率眾擊敗之賊怒磔上林回至西曹殺其家二十餘人既

而賊自桂山營犯巴山文湛迎戰一晝夜殺賊無算火藥竭退守堡塢嘆曰六年之功潰於一旦吾有死而已賊追至與弟文泮子輔率三百人血戰死之便亦冒陣而亡全村殲焉時四鄉之團多爲賊屠有諸生彭會安居大營集其先世克惠以舉人官中書克寬官知府均爲鄉里矜式會安植品勵學好談忠義與弟諸生會明會康辦本鄉團是年賊至集會安率眾禦之力竭死族人同殉者凡四十二人萬其相與宗人大觀皆居廣福寺以六品外委治團眾稱精練賊至大觀率所部迎戰於張家堡力竭死其相痛哭誓眾復擊之於王家渡鏖戰竟日與團丁萬錫齡等數十人俱殲焉田錦春武君榮皆居竹墩錦春習吏事善治軍書以辨團積功得六品階君榮有善人之目六合城陷之年君榮率眾與賊戰於破山口被執不屈死明年賊至竹墩錦春力戰被害薛體元居青龍鎮辦本鄉團勤於事積功得布政司理問賊大股圍六合體元率練眾馳援不及城陷後猶督鄉團爲恢復計未幾賊犯鎮體元力戰於祠山下冒陣死又葉鼎森者團丁也戰潰受創逸至家伏積草中昏瞽際聞馬蹄聲忽大呼殺賊賊搜殺之李萬有者西鄉團長也素善戰見勢不支僞降賊於魚子塘謀焚賊巢事洩賊剖其腹死

雷春圃六合人國子生果毅有爲嘗治雷官集團練以城陷而潰咸豐九年二月官兵將收六合賊出拒之春圃復集眾要擊鏖戰數十次被執賊齣割之時有國子生楊懋昭亦倡義於大營集是年七月總兵李若珠帥眾攻六合浦口賊分股來援懋昭於半道截之力戰而死其子允成等七人先殉八年之難焉巴某佚其名世居巴練山以治團雄長一方咸豐八年賊將犯六合畏巴練山土團倚其後乃先攻浦口營進據江浦復北陷天長盱眙東掠甘泉儀徵圍遂合四鄉皆在陷阱中賊以其間併力攻巴練山土團眾潰賊無所忌大焚掠鄉民挈妻孥負釜甑循河西走施官大營諸集時捻賊方踞滁州來安全椒三城在六合之西而東南北三面皆粵賊眾之西向也以其非粵賊冀少紓禍至則搜掠更甚鄉民泣且憤巴某乃倡言曰殺賊與爲賊殺等死也不如先之於是令丁壯居前老弱婦女後築壘三以褻勸爲兵誓必死捻賊游騎至殲之次

日復殺其步隊百人越一日黎明捻眾麋至先以馬隊蹂後營盡殺老弱婦女哭聲震天前營返顧捻賊步隊乘之鄉民操白梃力戰兩時許殺捻數十人而敗眾皆盡是役也死者凡二萬雖嬰兒無不飲刃者

論曰六合以斗大孤城逼近賊巢而相抗者歷六年團練之名震於天下賊百計圖維而不得逞最後取遠勢作長圍乃克取之而城鄉諸團莫不視死如歸至巴練山之眾屠滅無遺其事之慘烈蓋有不忍卒書者已

施諸馮閣俞傳第一百八十五

施濟字道宇溧水諸生父鎧直隸州知州兄濂國子生皆以好善聞鄉里咸豐中粵賊陷溧水濟遇賊脅之不屈強曳以行乘間赴水死從子肇鎮濂子也賊執之授以筆令充書算罵賊不爲用賊斷其十指死族子肇名字嘉錫豪放者飲賊將至時居民洶洶驚避肇名獨酌若弗聞者或勸之行不肯去曰盍飲酒吾有利劍何畏乎賊至使執役肇名乘醉怒罵賊裸其衣以繩繫兩拇及左右趾懸梁間鞭之以馬箠且問曰汝今欲從否肇名甘受拷掠絕而復蘇終不屈

翌日乃死其子基洪亦以罵賊被害肇名族弟肇峻與兄肇崐均爲賊戕肇峻妻毛年二十一倉卒匿舍後聞賊既去始出見夫斷頸臥血泊中亟持其首以髮辮繫已髻上奔出門外血淋漓滿面衣襟盡赤賊見之錯愕不敢近遂赴大西門河下投水死

諸林芳溧水諸生性慷慨好施予道光中嘗倡捐助修城垣及歲稔勸募義振全活甚眾賊至聞其名脅授偽職不屈而死宗人一春一康居石臼湖濱賊船由金柱關內擾同時拒敵見害一湖一濱于麟均以遇賊不從被殺又同縣姚廷祿農民也賊脅令負擔廷祿怒叱曰何物鼠賊敢役乃翁吾頭可斷吾肩不能爲賊任也賊砍之廷祿奪刀不克被亂刃死

馮必有溧水人業染布有技勇年六十八猶矍鑠聞賊將至戒村中老幼匿徒而約壯者共殺賊已率十餘人伏屋後俾眾截村口賊甫入必有之眾遽起掩之賊驚走村口伏亦起雜糅之斃悍賊數人次日賊大至勢不敵被擒入賊寨倒懸楊樹上至死罵不絕口

閣大

各執

亦揮

俟賊

役使

俞士

出難

論曰

迹者

非略

金陵

金陵

第

蔣鼎

第

姚璋

第

傅遇

王

第

吳繼

王

第

孫文

金陵通傳卷四十三
第一百八十八册
第一百八十九册
第一百九十册
第一百九十一册
第一百九十二册
第一百九十三册
第一百九十四册
第一百九十五册
第一百九十六册
第一百九十七册
第一百九十八册
第一百九十九册
第二百册
金陵通傳卷四十三目錄

金陵通傳卷四十三

江甯陳作霖伯雨纂述

蔣徐汪朱傳第一百八十六

蔣鼎字調梅溧水人父天中字道源歲貢生鼎性耆學工詩古文詞與同縣于鳳飛齊名亦以歲貢生終著有仁壽堂文稿弟璽字御章少孤兄鼎授以讀終身敬如嚴師為人坦易無城府道光十二年舉於鄉知縣劉佳延主高平書院講訓導周詳鼎子政清諸生成豐六年粵寇陷溧水政清帶佩利劍欲伺閒以殺賊賊脅以偽職不從舍之去時官軍駐蒲塘橋政清供億軍儲率村民助築營壘以軍功保教諭未幾積勞瘁卒

徐大文字質甫號賁園溧水柘塘人兄大綸道光十五年舉人大文先兄一年領順天鄉薦賦性孝友力學能文尤工於詩其言情處委宛曲至客京師三年以不及臨所後父喪哀毀骨立有自訟篇數百言往復詰難以深明已罪由是益多哀怨之音

送兄北上云二月春風楊柳思一天晴雪夢莪情哭友云死不
能甘知戀母生何太瘦久愁君自遣云詩豈能工聊當哭酒雖

時飲不
澆愁未幾卒

汪傳縉字笏齋一字紫綬六合人性剛直有所不合義勃勃見眉稜然自誠敕亦嚴峻畫所言論行事夕必書爲功過格課徒以孝弟爲本歷三十餘年不稍懈兵後歸里興復集善堂及振粥散衣諸務同治九年卒著有養和齋語錄瘦峰詩草宗人世錚字棕亭諸生行端學粹屏棄聲華世錚孫達元字掄秋事父及繼母以孝聞爲文敏速舉咸豐元年鄉試第一入都應禮部試聞江甯失守出關後卽兼程歸省是時縣辦防堵達元襄理局務以勞疾卒

朱啟鑑字鏡秋上元諸生事親孝嘗客蘇州繪頁米圖以寄意蘇城延醫必備重貲貧者多不能具啟鑑夙工醫有求療者輒爲人診治不責謝也著有羣玉山房詩稿江南春詞三百六十闕弟啟鑽字雨岑性剛直然諾不苟嗣母王卒於蘇亟往奔喪母藏借券一束悉於匱前焚之

論曰蔣徐汪朱四君學皆純正調梅質甫鏡秋內行尤篤笏齋孳孳爲善暗室不欺所謂躬行君子非耶

姚唐陳張顧傳第一百八十七

姚璋字半農號蘭坪上元人邃於經訓補府學生性簡默口未嘗言人過衣冠言動雖造次必循禮法望者識爲眞讀書人晚年避寇居浙或贈以百金不受曰予雖貧尙無憂衣食安用此爲其狷介如此平生矜慎不著書緒論多佚其說黻冕云周禮玄冕服僅刺黻之一章論語言黻冕卽玄冕也獨言玄冕者舉下以該上猶下文言溝洫亦舉少以該川澮之大績溪胡培翬采其說焉年八十八乃卒

唐階字莫生高淳人性耿介不妄交遊博通經史而尤精周官義疏以經證經賅贍詳明多有發前人所未發者以諸生充道光二十九年拔貢自廷試報罷歸杜門不出益事纂述咸豐中避粵寇之亂猶背負官禮數種不釋曰此吾一世精神也卽無力付梓且將釀酒祭之卜居淨琴寺日與二三同志飲酒遣愁醉卽慷慨長歌以寄孤憤未幾鬱鬱而卒同縣蔣珍字連城亦諸生好讀書尤工詩以困於場屋目失明無以自遣撫琴嘯咏而已著有詩經精義時有江

浦諸生金孟占性耽靜穆築室定
一張手挈書數卷流離客死又尋
詩詞靡不精究居長千里賊至避
所終

陳暘字子瑄江甯諸生不屑屑於
有算學啟蒙算學重差俱燬於兵
尺書亦不存存者屈子生卒年月
種後避亂太湖又與吳縣馮桂其
天元代數學者惟暘一人而已
張寶德字容元上元人咸豐元年
蓬萊閣雙鉤漢司徒劉愷殘碑
孫氏集本加以陳宗彝朱緒曾註
於小市得之冬以畜火故以名其

韻會賸其女以古琴寶德每於
中人著有六朝編類十四卷

顧遜之字子異江甯人操行不苟
石之學遜之獨棄去究心經史與
雄視一時涇縣朱琦主鍾山書院
嘗云子異於制舉文可謂入其室
徙河南以歲貢生終子大昕字時
袁樹之裔也既占籍補諸生與管
釵珥布政使賀長齡重其文行亦
試卷既藏事揚州知府李璋煜遽
不爽聞閱自袁先生吾願識之其
有禹貢翼傳便蒙孔繼周字復元
小咸性方正而接人以和以諸生

謝以未敢問世并工詩不以偃蹇場屋而有怨詞卒後始選清河訓導著有竹
賢堂集

論曰半農經學與楊雅輪齊名而皆困頓以老莫生經亂抱所著書不釋可謂
顛沛必於是矣子璿究心算數時西學始見萌芽使至今不死有不爲眾所宗
者耶容元考据金石卓有所見其一門清福尤人所難子異窮老流離而其孫
璜瑗等以河南籍甲榜釋褐應可以稍慰於地下云

傅王丁崔王徐侯傳第一百八十八
傅遇年字靜延江甯人少孤而孝母疾篤刲臂肉療之而愈尋舉咸豐元年鄉
試十年成進士以知縣改選蘇州府學教授會蘇省新復撫卹流亡每一府屬
難民上官專委一人治其事以賊之餘糧養贍而資遣之遇年於江甯有桑梓
誼尤盡心焉年五十八卒於官光緒中被旌從祀孝弟祠子鑫字貢三諸生
著有校邠廬叢說鑫從子繩祖字松生亦諸生好施予嘗助江甯救生局以修
船費又開築堃文塾以經古課諸童之貧者惜卒後而遽廢

王肇元字善之上元人少有至性年十一母蔡病甚顛天乞代嘗糞驗差否而
愈既補諸生歲以所得脩脯具甘旨非義不取嘗館上元縣署有覬覦訟事者
願具百金爲壽峻拒之母有姪懋鏞負雋才家貧足跛肇元承親志教之學間
日過其家爲講畫而卻其贄課徒不求速效執經者戶外履滿道光二十六年
舉於鄉一上禮部試不第或勸就揀選門弟子具裝以請肇元泣然曰祿不逮
養吾何官爲遂不赴二十九年水災與縣丞王恩培釀金購餅餌以食餓者暑
潦中躬棹小舟悉心振救晚年遭亂境益窘賊平歸里無一椽之庇猶勤業不
輟年七十有五卒蔡懋鏞江甯人後舉同治六年順天鄉試又江甯鄭鏡清字
海秋幼孤育於嫂氏及長事兄芝極友愛奉嫂如母敬之終身以崇明訓導舉
咸豐九年鄉試卒於官子維翰字季申光緒八年舉人十二年進士浙江卽用
知縣工詩文

丁淑高涪人事親孝以諸生課徒每日雞鳴起侍母盥漱畢然後赴塾晚歸則
爲母滌脲補褥無日以怠母卒哭於墓者三年待弟殿華尤友愛人稱孝義先

生同治中以孝旌
其身不衰尤好施予
愈篤愛異母弟如己
也其婉順尤非人所
崔文杰字漢三江浦
父紹源強之食始進
甘旨以奉父食盡則
遲父怒令文杰夫婦
敢起也其恭謹類如
字與齡亦篤孝早卒
甘旨之供必擇時羞
哀毀滅性不數年遽
久而弗愈母謂替由

水噴其口用舌舐去
哀號辟踊欲從死父
於難處之中愈見其
好義靡善不爲光緒
微疾卒年甫三十餘
王景芬原名學淵字
恬皆孝友父病危景
豐三年粵寇據金陵
乘夜移出別葬之亂
七十卒景琛本名國
葆恬字子愉諸生時
母孝母卒於城中妻
葬之懼爲賊毀遣報

謝氏瑩哀毀不勝未免喪而卒其子樹昌字子木諸生爲繪負骸履險圖徧徵
題咏以紀其事

徐建中字在吾溧水諸生性至孝嘗侍父疾目不交睫者累日咸豐六年賊擾
溧水負母李夜走山谷足盡腫及母沒營葬如禮以毀卒同縣張儉端亦善事
親母劉疾剖股以進母卒廬於墓所及賊至仍守墓不出遂餓而卒又楊茂林
高澹諸生也同治初負母避難金寶圩母卒因號泣以殉焉

侯克昌字惇夫江甯諸生少時避地蘇州父卒藁葬於虎邱亂定亟治裝如吳
求得父骸家赤貧力不能具匱乃以新絮裹白骨負諸背徒步數百里而歸人
尤悲之性狷介不受無處之餽不詣要人門居恆宗仰理學沈默寡言笑嘗在
旅邸秉燭作書有鄰女潛窺之因何指甲脩乃爾明日亟移居焉年七十七卒
遺命不諷經不用哀啟行狀子異等遵之異字健伯光緒十四年舉人
論曰傅王丁崔王徐侯七君皆儒而孝者也鏡潭梅溪在吾惇夫遭際亂世葬
親如禮不改其常非有定力者能若是乎至家庭之難處則漢三紹南爲最甚

云

吳楊李陳王傳第一百八十九

吳繼曾字啟期晚號癡仙上元人性曠達博覽羣籍爲諸生有名妻亡不再娶
好獨遊山水嘗徧躡蔣山幽險處手搦南宋人摩崖題名而歸與其師朱緒曾
考證所藏金陵掌故書記詩亦超逸絕倫館於同縣許鳴九家鳴九契之謂其
子庚曰此君不事家人瑣屑乃清淨根也汝善事之咸豐三年粵寇之變鳴九
卒於城中庚間道出繼曾感鳴九相待意厚飲助之鳴九名鶴年以字行與庚
俱工醫名動公卿而不事干謁弟子竊其術者或反以軋之鳴九不愠也庚字
星垣以諸生選授震澤訓導遭亂取所藏借券千餘金悉焚之尋卒官

庚有妾張昭城
中間關負木主家譜
以出人尤以爲難

楊得春字柳門上元人性謙沖潔清自好爲諸生與金和周葆濂姚必成齊名
詩學中晚唐尤工駢文嘗屏居一樓劬羅古器物金石彝鼎暨磚瓦若古錢漢
之魏之且周秦之斑駁陸離亦間及荒怪得春則甚樂也以故儕類罕所接比

接之則故和易無他腸而友愛殊甚嘗與鄉舉三試畢其二弟忽病篤遂屏不入或勸終之得春日科名何物卽得亦儻來夫兄弟者一失不再得吾其以區區易乎其至性如此咸豐中遭亂旅居改名曰後旋卒子葆炎諸生善畫溺死於高郵湖金和字亞匏亦上元諸生性兀傲工詩賦著有秋蟬吟館集周葆濂字還之江甯人詩才清麗嘗陷城中與張繼庚內應事謀洩得脫出後選授寶應訓導卒於官著有且巢詩存姚必成字西農溧水人居江甯數世矣其季父文英字子含諸生能文工繪事嘗游浙歷閩因泛海至琉球道光中海氛不靖復從軍臺灣議敘得縣丞著有壯遊紀略必成資性方嚴不苟同於俗充道光十七年拔貢生選授崇明訓導未赴經亂轉徙無定南望鄉關輒隕涕發爲詩歌以寫憂同治三年卒於上海卽江甯克復之日也著有吳門詩存袁江小草李榘字石耕溧水布衣也居江甯城南之南宮坊無子塊與寡女居宅西有老樗一株虧曦蔽景榘架木編茅爲亭與蹇道人等談燕以爲娛樂嘗因白蓮盛開結詩社榘句有云洛妃豔不緣紅粉君子交非無白衣上句調蹇道人下句

謂坐客不盡文士也蹇道人亡其姓名亦溧水人業染工而能詩其佳句有以君清淨法洗我舊染汚頗饒理致同時高瀆胡正寬字星垣幼習書史笑傲烟霞有逸趣精圖畫工醫不受謝人尤高之

陳大鉉字古陶號少蒼上元諸生性浩落舉止矯異與許宗衡王章倪自求友善同縣陳崑玉官山西知縣招入幕以國士禮之顧意少不合輒襍被去慨然曰知己誠難得然醴酒不設則穆生行士不自重而怵怵倪屈己從人亦非所以副知我者爲詩文極速日未移影輒數百言道光十九年鄉試報罷遇心疾自經死著有蝨我廬詩三卷存其弟大鈞家大鈞字子韶候選訓導倪自求字益堂亦上元諸生口吃訥於言辭每當朋儕飲宴將散必毅然曰樂不可極其肫摯尤非人所及云

王章初名搏霄字兩嵐上元人幼負宿慧三歲時隨父夜步中庭仰視月俯而自顧其影乃背誦舉頭見明月低頭思故鄉之句父歎曰兒之故鄉何在豈生有自來耶然詩語非吉恐無世福旣長補諸生耀而短視家貧遠於學不屑爲

句讀師已而應荆宜施道陶某之聘爲記室沂江而上歷彭蠡渡洞庭徧覽湖湘之勝歸而詩益雄駿兼具眾體復務爲班馬韓歐之文辭無不賅而骨尤簡秀與許宗衡友善嘗謂之曰吾詩於古人無不似此吾之病也故三十以後吐納萬象隨手設施具有造化於是不復似古人乃益似古人焉制舉文亦中尺度而困於場屋俛得而俛失由是益無志進取憔悴放浪好與不類者遊顧性耿介不輕干人其名不出里閭工書善畫并精度曲咸豐中避兵蘇州憂傷佗際之色時見眉宇每獨行荒陂叢葦間出袖中橫竹而吹聲烏烏然有來聽者輒大笑引去遇故交必圖山水小幀題句於其上以贈之未幾窮愁以卒年五十二時同里能詩者又有馬功儀何詠焉馬功儀字棣園上元諸生性伉爽幕遊吳越歸得蔣士銓紅雪樓故址於雞籠山麓修葺之與弟功儼嘯咏其中功儀著有倚雲亭集功儼著有紅雪樓集何詠字梅屋江甯布衣也性高簡客遊揚州與江都符葆森相唱和而不輕見要人著有思古堂集

論曰癡仙柳門少蒼雨嵐皆以清奇之才而遭際時艱憔悴以死其詩亦不盡

傳文章憎命殆謂是與至石耕星垣傲睨一世人莫不羨其高潔云

孫氏傳第一百九十

孫文川字澂之一字伯澂上元人少敏悟者讀書尤工詩賦爲諸生試輒冠其曹滁州王煜吳縣馮桂芬先後主惜陰書舍講席皆激賞之咸豐二年粵寇據金陵以計奉母間道出復與張繼庚謀翻城應外兵終日芒鞋手一筐如丐者狀奔走附郭近賊地不避風雪得賊中曲折具以報大營官兵屢捷事垂成而泄五年上海道趙德輒聘理權務於滬滬上爲外國通商地因究心互市事件洞悉其情僞議皆中肯綮同治元年欽差大臣李鴻章督師至適英人李泰國奉 朝命購火船七助勦賊旣乃索費鉅萬多要挾至不受中國進止而賊眾數十萬環伺吳松間前巡撫薛煥所募美國人白齊文督常勝軍者亦有他志泰國勢益張將赴總理衙門逞其欲鴻章夙聞文川才薦入都陳利害盡發泰國陰謀先事豫防 朝廷遂以其事咨英國公使褫泰國總稅務司職遣兵船同國事得解六年英人換和約所要求皆爲我心腹患當事無以難也南洋大

臣曾國藩再薦文川入都文川知英國有最不便者數事稱所施以報英人氣
沮乃不換約以功保知縣進同知候官沈葆楨督兩江延入幕府交涉事必以
屬建平民燬教堂奸人交構其間幾釀大釁葆楨據理折獄戮奸人以徇法國
無異言文川贊助之力也葆楨屢薦才可大用 詔擢知府戴花翎文川終以
母老不出治官書畢必歸省視暇則招集賓朋以考證金石自娛久之卒於家
年六十一著有讀雪齋詩集弟文友

文友字會之幼跳盪好刀槊咸豐初金陵城陷被賊脅至汴乘間逸出投僧邸
營自効以列校從征直隸連鎮山東馮官屯之役皆在行間旋調赴湖北克德
安馳援江南復瓜洲入揚州圍攻江浦擊退石積橋援賊并奪菱塘等處賊壘
遂收江浦渡江會鎮江軍克丹陽積功至山東沂州協副將 記名提督起勇
巴圖魯抵沂後追勦任賴股賊討平雞山崗幅匪躬冒矢石所至克捷光緒二
年夏旱徐州盜起文友時已病猶力疾越境會勦禽其酋王五等尋以勞卒文
友勤於緝捕鉤距四設專破窩主嘗謂外盜非土賊不行土賊非官人不容詞

察誘致破賊于計又謂將卒離心胥由餉蝕在軍潔己恤士故能得人死力山
東巡撫丁寶楨奏為綠營中將領第一年僅四十有四事聞 賜祭葬如例
論曰自海上事起賢人君子迂其言盛其氣高視闊步者至以洋務為詬病而
沿海無賴之徒稍識外國語言文字詡詡然自以為解人人益鄙夷之澄之以
博雅之才懷經世之志講求西學雖犯不韙而不辭其攘夷之功事關機密非
草野所能知然波濤疊起瞬息皆平帷幄運籌之略概可想矣會之乘事機之
際戮力戎行飲至策勳名登上考兄謀弟勇即謂之二難也亦宜

金陵通傳卷四十四

第一百九十一冊

周有全 周保龍 王慶餘 王永勝 劉得勝

第一百九十二冊

張恆順 薛如松 王錫蕃 沈樾 陳煜 李志鵬

第一百九十三冊

吳清江 吳復成 胡恩燮

程紱 湯裕昭 楊暄 趙明融 朱發聯

任宣 薛榮

李標 張殿元 趙雲鳳 侯名揚 何邦謨 張鏞基

周鎔 錢壽昌 張永清 鎔孫國棟 李臣霖 徐燾

第一百九十四冊

李長春 弟錫琳 劉兆瀛

李銓 鄭耘 羅笏 子震亨 師軾 蔣永齡 程雲 周大恩 子

嘉樸 陳霞

第一百九十五冊



翁以巽 叔父模埔

侯甲 瀛 父大桐

通傳目錄

金陵通傳卷四十四

二周二王劉傳第一百九十一

江甯陳作霖伯雨纂述

周有全字福卿江甯人父國樑性勇悍有膽畧咸豐三年賊自長江東下警報日至當事以土塞城門而毆市人助守陣國樑與其役歎曰此兒戲也不十日城陷其妻蔡先自經死國樑殊不哭獨持矛出巷戰中重創仆地有鄰人夙與至契負之闖城出一日夜奔至祿口視之已僵矣乃哭瘞而去有全痛父母殉難思欲殺賊復仇適嘉魚創造礮船乃以從九品職銜投効湖北巡撫胡林翼派充管帶扼守洞庭湖面旋調武昌統領健捷副營巡防江上於攻拔小池口克復九江府等處迭著奇功遂率水師入漢猝遇捻逆大股竄撲樊城襄陽陸營隔岸不能兼顧有全時方募食吐哺而出揮令礮船密排江心連環轟擊而親率銳卒登岸先據要隘出賊不意短兵相接無不一以當十鏖戰移時鎗斃賊目並悍賊多人賊始潰去樊城獲全守陣士民歡聲雷動而有全名以大著

既而援南陽克河口拔鄖西收興安救石泉大小數十戰莫不身先士卒未嘗稍挫逮移屯茶鎮扼由秦入楚之道賊屢欲回竄而不得逞江漢以安累保至知府道銜尋攝陝安道事被劾以對品武職改用仍帶水師駐防鄖襄一帶盜賊息警又督濬荆關小河催運陝西振米冰天雪地墮指裂膚凡三月蕝功全活無算久之除鄖陽鎮總兵以勞卒於任事聞 賜卹廕如例

周保龍溧水人咸豐三年從江甯知府趙德轍爲隊長率領民團屢敗賊於土山西善橋以功擢把總管帶江甯城守左營兵十年隨大軍克松江得五品銜同治元年收青浦解松江圍功最保龍遇敵每裹創力戰奮不顧身未幾以傷潰卒於軍

王慶餘字瑞庭六合人業鍛咸豐四年投効京口水營時賊踞金陵設攔江鐵練以阻水師上下官軍屢擊之不克慶餘以策干大帥乘大風雨單舸至江心以火鍛鐵練遂燬之大軍繼進追賊至三山生禽其渠由是屢爲軍鋒先後攻破東西梁山賊壘銅陵蕪湖等城同治二年復會克江陰累功至海門營左哨

都司加花翎參將銜久之卒

王永勝字榮春六合人少孤負大志思殺賊自効咸豐十一年投安慶大營爲哨官以功保把總進守備同治元年隨欽差大臣李鴻章至上海委帶開字左營開字營者提督程學啟所統精銳之師也而永勝實爲選鋒由是會合諸軍連克柘林奉賢南匯川沙金山青浦等城並擊退虹橋竄賊敘功擢都司遊擊銜花翎旋復嘉定解北新涇四江口之圍進攻崑山下正義鎮克新陽永勝則屢設疑兵斷賊歸路我軍因以大捷二年六月將攻蘇州先以計燬花涇港同里賊壘轉戰三晝夜吳江震澤賊棄城走遂於十月拔會城論功升參將進副將以總兵 記名並加提督銜適浙江來乞援統帥程學啟命領開字全軍前往攻克平望鎮九里橋黎里賊壘乘勝復嘉興禽僞榮王廖發壽轟斃僞挺王劉得功捷聞以提督 記名尋補江西南贛鎮總兵當是時江蘇各軍會攻常州不下檄永勝濟師永勝至則身先士卒獨當礮石最重處肉薄登城生禽僞護王陳坤書奉 旨賞穿黃馬褂常州旣克復回擊浙江賊奪長興取湖州進

收廣德蒙 恩給雲騎尉世職四年冬淮軍勦捻檄統游擊之師往來於豫東蘇皖之交枕戈待旦無一息安六年秋捻逆平得綳僧額巴圖魯名號明年始赴本任報効積年欠餉二十餘萬兩請廣文武學額上元江甯縣各五名六合縣六名永著爲例尋坐事罷歸光緒九年法夷不靖北洋大臣李鴻章調赴直隸委帶護軍等營扼守旅順口黃金山礮臺昕夕儆備鎮定不擾復派送朝鮮李昉應回國其君臣深敬禮之歸汛後傷疾作未幾卒於軍年甫五十有四事聞 賜卹廕如例附祀淮軍昭忠祠

劉得勝六合人同治三年以列校從征常爲軍鋒由上海進克南匯奉賢嘉定蘇州等城功皆最及圍常州雲梯已布眾顧望不敢前得勝奮然先登賊以矛刺之右足重傷礮復洞其右脇不稍挫仍騰躍而上賊眾披靡大軍繼之城遂復嗣充武毅軍幫帶官隨勦直東捻寇戰於樂陵左腕受矛傷肩中鎗彈猶裹創力鬪殲賊幾盡累保至副將 賞戴花翎給進勇巴圖魯名號二品封典十二年傷發卒於軍

論曰同治紀元以來 聖王建中興之業掃蕩廓清繫湘淮二軍是賴周有全馳救樊城民幾潰而復聚室家無恙至今猶尸祝之王慶餘鎔鐵斬練疏通江路亦水師之傑也王永勝勇銳剽悍常州一役憤不顧身而劉得勝佐之爲諸軍倡誰謂南人柔脆不足備干城爪牙之選哉

張王沈傳第一百九十二

張恆順字錦坡上元人居東陽爲諸生有文名性情樸質不趨炎勢寡言笑鮮應酬少與江夏陳鑾友善及鑾攝兩江篆召之入幕託故不至道光二十二年海氛起鹽猾乘機劫掠東陽屢有訛言乃與句容薛如松謀設保衛局於鎮聚市之無賴者團練之境賴以安及咸豐初粵寇陷金陵恆順已卒如松復倡團練以捍鄉里與賊戰屢有斬獲未幾卒

王錫蕃字晉卿號蓉渠句容人世居甘泉里少補諸生勵志進取好與績學者遊道光二十六年與同學生趙弁朝李川陳範王坦等釀貲立華陽書舍月再會文錫蕃必先期至設筵以待課畢考究性理以暢餘情凡十餘年不懈經費

或緇輒以己貲助之咸豐初粵賊告警奉檄治南鄉團練以軍功保教諭凡金陵人士來相依者數十姓錫蕃各贈以資斧賊至以鄉兵守淤鄉河口相持半月俾居民得以遷徙賊無所掠提督張國樑嘉之奏保藍翎十年賊由溧水來犯錫蕃勝之於天王寺既而賊眾大至跳而免遂避居江北以鄉人流離於外出貲振濟議敘加同知銜未幾卒年五十八

沈樾字蔭溪六合人世居卸甲店素行謹愨慎言語淡營求道光十五年舉於鄉咸豐初賊犯六合知縣溫紹原檄帶水勇防江面屢敗賊八年入清淮軍營掌牋奏非所好也未幾赴京補國子監丞乞改教職遂歸卒後選丹徒教諭同縣恩貢生陳煜性端直家貧力學工行草書賊據金陵當事檄辦程駕橋團務竭力籌畫不避勞怨暇即默坐宴如也已而避地江西亂定歸卒於家著有瑣言居家求是錄李志鵬字雲槎亦歲貢生性嚴毅能斷大事以治團功選授宿遷訓導時捻賊充斥出沒不常志鵬襄辦防勦不廢弦誦漕運總督吳棠將以知縣薦辭不就卒年七十有五著有崇正堂文集慶餘堂詩草志鵬弟志遠諸

生亂後嘗捐貲修路行人便之

論曰錦坡高尚蓉渠文雅蔭溪沈潛皆儒者之良也而治團拒賊在在知名仁者必有勇信夫

二吳胡程湯任薛何張周徐傳第一百九十三

吳清江字一峯上元人居近東流驛驛道有平橋山水溢每沒路行人病之清江捐築石岸半里許眾以為便道光二十七年與同里吳雲章鍾有海籌建義倉積穀備荒規制甚善知府吳葆晉深獎之咸豐初粵賊據金陵清江年六十餘與辦民團事五年賊掠石埠橋清江躬率練卒迎擊於攝山下幾瀕於危會提督張國樑師至乃解尋卒於家明年大旱鄉人食倉粟者莫不曰此吳君之惠也

吳復成字蔚堂行六上元人性慷慨好任俠行賈於粵最久咸豐初始歸粵寇陷金陵與人語多不辨惟復成解之以是為賊所信因說賊渠曰金陵緞匹甲天下宜設機杼以資用賊從之招機匠十萬人文弱者多借以藏身未幾賊驅

機匠爲兵又說賊渠曰曩日柴薪刈諸洲宜設船數十隻以供運取賊大喜稱其能由是婦女嬰孩乘舟以遁者六七千人又嘗假賊裝出城令童子僞爲服役者至郊縱之去其拯人危難類如此既與張繼庚謀內應事洩奔赴大營欽差大臣向榮不之重也浮沈其間者數年同治初兩江總督曾國藩克安慶欲謀賊中虛實或以復成薦乃令蓄髮入賊中得賊曲折輒以告已前軍總帥曾國荃圍金陵僞忠王李秀成自蘇州載炸礮來援城賊潛掘地道出攻長勝營營蓋最衝要地也其夕復成偵知之密報大營國荃乃調勁旅千五百人併守前營火藥倍之四更賊至地道發我軍死者六七百人卒不動賊實草填壕緣而上鎗礮不及施傾火藥數千斤焚之賊死者相枕藉遂大破賊秀成亦退俄以金陵克復保至縣丞自謂非泄官才仍行賈如故以好施負累數千金終不悔也光緒二年乃卒

胡恩燮字煦齋江甯人咸豐三年粵賊據金陵與張繼庚等謀內應微服入賊中屢瀕於危卒不克母陷賊中以奇計脫之世所傳雪窖尋親圖是也嗣以軍功保至知府亂定歸里築園奉親鼓琴命酌極天倫之樂母卒哀毀得風痺疾未幾卒著有愚園草患難一家言後入祀忠義孝弟祠

程紱字澤雲江甯人居上新河以市木爲業咸豐二年冬粵氛日逼布政使祁宿藻謀以木筏橫截江流紱罄所有木輸之及提督向榮軍至又以木製雲梯造浮橋助官兵克鎮江皆不取直同治中巡撫郭嵩燾嘉其義以儲材報國額獎之子貽孫字子笙以諸生官吳縣訓導

湯裕昭字君藩上元人世居北侯村父志英性好施予裕昭能承其志道光中江水泛溢有圩田數千畝患澇裕昭田僅數十畝在其間歎曰此吾責也乃相度地勢以迤西河道爲橋所束旣狹且淤非濬不可因重建大橋增三壘爲七河遂通流凡費千金有奇農田賴之咸豐三年粵寇亂向榮大軍餉乏裕昭先後輸銀逾萬兩城中避難至者衣食資斧皆周之後奉檄轉餉糧臺累保至同知銜候選通判以勞卒贈知府階年僅三十有四時同縣楊暄字曙村亦居鄉其親族自圍城出相依者百餘人暄無德色遇窮途告貸者雖囊中無所有必

宛轉推解之卒以貧乏終李豐年字雲潭上元諸生夙敦友誼聞楊某避寇出城天寒無衣風雪中徒步四十里贈以羊裘一襲而去著有陶復堂詩集朱發聯字洪遠江甯人以懋遷起家性仁厚避亂居句容之天王寺凡自城中逸出者必爲設饌行者厚贐之感其惠者甚眾焉趙明灑字溥源句容人父玉書性孝友兄弟四人終母之世不忍析居明灑尤慷慨避兵於外凡同鄉至者必厚爲贈之

任宣字瑞五六合人父茂林以計然術治生至宣而業隆隆起性好施予咸豐二年粵寇告警知縣溫紹原屬以捐輸團練事宣勤幹廉正能和於眾六年賊踞葛塘集紹原率眾禦之宣曰兵勇數千人日需錢千緡事急眾商且走匿安所得錢一日缺餉眾譁且亂乃親署券眾商貸錢萬六千緡密儲之既而紹原與提督張國樑連破賊於龍池藏軍營盤城集克復江浦浦口凡築壘犒軍之供資用不匱是秋大旱蝗斗米銀十餘銖桶水錢二十宣請於紹原發銀千兩鳩有力者釀金買穀賤價糶之民遂不飢立借材局骸骨得不暴露設育嬰堂

棄兒得以存活其所設施多類此時宣已以保衛功得直隸州同銜戴藍翎而習勞如故以是得肺疾卒人多惜之

薛榮字華亭江浦諸生慷慨有智畧能排難解紛遊淮泗間凡任俠者爭欲識其面咸豐初溫紹原守六合諭榮才檄委籌捐濟餉榮悉心區畫俾軍食得供以軍功保知縣游至同知六年大旱榮出家財糴米麥以濟於嫠婦尤加意矜恤時漕運總督吳棠駐師淮浦與榮有舊貽書招之以疾辭未幾卒同縣李標字有高具應變才咸豐初聞賊警飢民思亂標出倉穀數百石振之一鄉獲安又張殿元溧水諸生事親以孝聞咸豐六年大荒人乏食黠者將謀劫掠殿元商諸藏穀之家開倉以振貸境內遂靖

何邦謨字陶菴高淳人商於浦口六合舉人陸玉書家貧乏會試費恥借貸邦謨厚贈勸之行報罷歸次科值大挑期又贈之以是得官稱循吏咸豐三年六合知縣溫紹原集團練守江口邦謨輸布數千疋號衣旗幟賴以辦紹原嘉其義欲保獎之辭曰願假舳舨船二張水師旗以濟難民北渡則拜賜多矣紹原

允其請活人無算江北人至今稱之

張鏞基江甯人世居南鄉鄂村商於汴道光中河決開封城幾沒鏞基請於官躬佐兵役挑土撤屋材築堤捍衛爲眾人倡官酬以獎敘不受自是凡有公舉必以屬而鏞基捐貲襄事無倦容無德色焉咸豐三年粵寇北竄過汴江甯人被脅者沿途逃散多爲土人所執鏞基力爲保釋集貲收養復給以路費由是得還者甚眾又爲同鄉客死者每歲以船送其柩返葬至今猶踵行之

周鎔字范亭江甯人寄居鳳陽好文章喜賓客家素饒裕遇戚友以困乏苦施舍不吝咸豐三年賊掠臨淮家業蕩盡凡金陵人有避難至者猶衣食之偶假貸不責償時上元錢壽昌江甯焦光俊江浦金步鑾張永清皆旅寄淮南每值佳辰輒招飲賦詩未幾捻逆擾蒙城避至盱眙相隨而行者舟車不絕於道後轉徙至寶應之泖水鄉卒年七十有一錢壽昌本名械字樸之初從軍揚州得保縣丞工詩善書後幕遊皖北咸豐七年賊陷天長被刺死著有淮南吟草張永清字畏知諸生性和易後避亂至六合之新集成豐七年突遇賊投水死著

有選青書屋詩文稿光俊步鑾皆附其家傳鎔孫國棟字浦雲性敦篤嘗從軍鎮江游幕淮揚之間援例爲鹽知事每節縮傭書之資歸三世五棺於故土不足其妻陳典贊珥助之兄蚤卒撫其遺子女如己出爲力營婚嫁焉卒年五十五有五

李臣霖字春泉世居溧水思鶴鄉年甫十三以父某積勞致疾願習藝以養親遂至秣陵業織作眾悅其勤手相羅致母病且殆聞耗奔歸藥弗及嘗邊視舍斂抱憾終身時時作孺子泣焉咸豐初賊據金陵道路荆棘臣霖護持居停出入兵衝完其重貲不受千金之謝辟地如臯度時量物財乃大豐江甯旣復流亡甫歸窘於生計臣霖輒罄所有以濟親朋清節堂爲官養養婦之所其居卑溼臣霖過而憫之出私財爲拓窓櫺且代籌度歲貲他若修宗祠焚借券施藥療病除道成梁鄉里莫不推重生平以失學爲恨課子甚嚴好誦先正格言脈訣方書竝有心得中年以後楷法平原能作擘窠大字者儒名宿皆與納交竝親見其子保亮得光緒丁酉拔貢焉卒年七十四

徐燾字英才江浦人浦口有石蹟橋爲南北通衢粵寇亂後橋闕盡毀行者易致傾溺燾作磚闌以護之並疏通橋甕使山水暢流又重修鎮南小橋人皆便之後有侯名揚易木爲石尤足以垂久遠焉燾同縣趙雲鳳邨農也粵寇至借其田主奔避葦蕩中賊追將及前阻溝田主倉皇無措雲鳳負之越而過得免酬以金堅辭不受時雲鳳年已七十餘矣

論曰吳胡程湯任薛諸人皆能竭力輸財爲國殺賊而蔚堂煦齋出入賊中以策保護遺黎其爲德於鄉尤大張周跡寄異鄉亦復拳拳桑梓失路之人咸得所歸不我肯穀之譏吾知免矣春泉以賈起家仁心俠術有士君子所不能及者徐侯於賊退後繕治道路亦善後之急務安得以其爲小善而遺之哉

二李鄭羅程周陳傳第一百九十四

李長春字毓嵩上元人與弟錫琳皆諸生以家貧同學律幕游皖豫之間長春性清介嘗客潁州知府才某延聘之時皖北捻氛充斥長春佐治守禦井然有法事急時才某令其出圍城暫避長春不可曰安樂則同患難則去余甚鄙焉

遂與才某同登陴賊未幾亦退才某由是益重之以軍功得教諭並給藍翎尋卒錫琳字碧園咸豐三年其家殉難於金陵而已以在無爲州獨免凡親友避兵來者皆仗助之晚年訓其子錢曰人見幕友子弟不才必云祖父有遺行子恆以是爲懼故遇事必求慊心而後已家雖貧慎勿再習此業也能讀書立品奚患貧耶其志趣如此同縣劉兆瀛字亦仙亦習名法之學時館固始縣署中於江甯戚友率爲之料衣食費曰人皆不足我獨有餘此正天假手於吾以活諸人耳故所入甚豐而家無餘財焉

李銓字子衡號蘭亭江甯諸生平時敦孝友重然諾尤喜扶植故人子弟中更亂離留心時務垂暮返里不問家人生產陟山汎水蕭然物外其子泰封嘗以所著種桑條議上諸大府總督曾國藩采用其言置局勸民銓聞之喜曰於桑梓可小補也晚年自治斂具衣衾皆以布不用洋製年六十四卒泰封字東園習錢穀之學佐幕江蘇并知醫

鄭耘字如農上元諸生性迂謹多戚少懼望都知縣陳士全其戚也聘爲記室

通傳四十四
佐治政事最相洽咸豐中避亂江淮閒眷屬既多生計益窘有童子泣於門乃
浙人而與家相失者耘留之教養如己子後其家人來訪遂歸之酬耘以數百
金力辭不受已而入旗營爲諸協佐司筆札營中號爲端人將軍魁玉與談詩
悅之以厚資聘不就謂其人曰詩以道性情因利而棄舊好吾不爲也玉益重
之卒以貧困而終

羅笏字心魚號寶山上元人家極貧篤於內行而性倜儻既補諸生常留心經
世學咸豐九年避兵蘇州上復六合策明年杭州陷上防湖策皆不用乃赴江
北見時事愈艱著清淮團練籌餉二議其籌餉議略云近者談糧餉者動曰蘇
常已失江北軍需實無來源又曰江北地瘠民貧愈捐愈竭如是則軍餉將不
籌乎愚以爲持此論者未統目前形勢通盤以籌之也自蘇常失利後水陸營
盤駐紮鎮江一切日需必資接濟江路斷難阻行遂於五月依舊開江自是而
江北米鹽兩政漸漸消行曾見上河下河一帶之糧或數千石一船或數百石
一船統歸仙女廟泊賣又見通泰鹽城之鹽亦駕大小船隻歸仙女廟口岸發

賣且蘇常雖失而上海之貨或由圖山關進或由鹽城進而北路登萊青之貨
亦歸鹽城進刻下仙女廟停泊海船亦復不少觀邵伯高郵洋藥僅賣六七百
文卽此一端可知南貨之來者不少也加以今歲秋收尙稱中上積年以來亦
頗不惡統淮揚州縣地方豈無殷實之家足以有裨糧餉者特提倡無人以致
公義不奮耳觀目前黃鎮軍救隄一策甫飭高牧而數百萬小民已風湧雲集
亦可知江北人心依然近古也然則爲今日計者先莫如圖山關及鹽城海口
急設卡房以收貨捐其次莫如米捐再其次莫如鹽捐再其次莫如統上河下
河十餘州縣按畝起捐固賴大憲經畫於上而又得練達董委襄辦於下江北
雖貧支持有具也當此賊氛稍定而又適值收割之秋小民各安田里及是時
盡力籌畫以振軍威掃平有日倘因循姑息而又慮事之難成則淪胥及溺矣
夫軍國大事設策豈有萬全亦在司其事者善權緩急而已漕運總督吳棠頗
采納之已而從軍浦口以軍功保訓導卒年五十餘著有養一齋詩文集子震
亨

震亨字兩田年十七卽入營司筆札事所得束脩悉寄供甘旨無濫費父沒事大母及母孝金陵旣復奉父匱歸里因充城南保甲局書記居母喪哀毀踰禮幾不起大母病每夜必自局歸躬親侍奉雖便溺皆扶持之日購大母所耆物以進凡三月而大母卒震亨旣疊遭大故貧愈甚尋與弟晉亨俱補縣學生館於常熟聞晉亨病而急歸歸則晉亨已卒乃深引以爲痛決意不出遊近就軍需局幕光緒六年兼分修府志事未竟而卒年厘三十有五震亨耆古好學始從實應成榕遊究明義理之趣復學古文於江夏張裕釗及同里汪士鐸得其義法生平不苟言笑不矜才德雖小惠不妄受受輒不忘然好周人急不以貧故而稍悔居家以禮自持盛暑不袒裼外和內介無賢愚皆樂與遊每日黎明卽起三更始寢寒燠無間稍釋卷則如有所失故其學勇猛精進而疾未必不伏於是也著有續經正錄四卷服膺錄四卷正蒙課例錄一卷篋進錄一卷其則錄一卷五子要例一卷闡門必讀一卷壺雅一卷古文觚一卷羅氏家禮一卷羅氏家誼一卷有不爲齋詩文集三卷日新記四卷奧學堂藏書目一卷晉

亨字接三性清介嘗作養性箴有云天命之初胡虧胡欠後起擾之主爲客借又云天所尸者寘之弗徼吾所尸者守之弗搖可以覘其學矣著有蕩華館詩一卷時與震亨交最善者蔣師軾字幼瞻亦上元人父永齡字漁生以軍功官山東霑化知縣縣屬陳家廟海船萃集所徵釐金悉以報或曰循例十報三四可矣如此慮招眾忌答曰我自不侵公帑耳他非所知也其廉介如此師軾性耆學工詩古文辭并精楷法與弟師轍齊名人稱二蔣初應童子試江甯知府徐宗瀛激賞之旋補府學生以貧故橐筆游湖湘經歷名區輒有題咏光緒元年舉於鄉尋病卒年甫三十有二師軾少負時名勃勃有英氣已而深自斂退究心關閩之旨嘗云木未成者芟其下橫之枝則幹日以高學未成者絕其歧途之趨則學日以進又曰朔風凜冽令人筋骸緊斂乃知冰雪之恩甚於雨露又云今人作一事旣竟或有未當憚於改作輒曰不要緊充此心卽聖狂人禽之界故生平鮮有過舉震亨視爲畏友每謂蔣君以曠朗勝而師軾亦自謂沈毅不及羅君也有與震亨論學書數函語極精粹文多不載所著有治學求近

錄一卷三徑草堂詩文鈔五卷漁石樓劄記二卷印誼一卷又程士琦字竹吾江甯諸生有至性母早喪鞠於祖母家極貧每食或薄糜雜蕪菁必述里閭可笑事以博祖母歡生平持守嚴非其義一介不取潛心宋儒之學俄以咯血卒年甫二十有四

程雲字伯龍江甯諸生粵寇之難其弟兆熊兆洛兆昌及從子光明皆死而已抱數世神主避居蘇州性好施予冬月遇故人單衣自解褚衣衣之已而遊河南爲葉縣知縣李瀛司筆札兼課其子光緒丙子舉人李作霖其弟子也亂定歸里鳩同志爲善舉年逾八十每徒步風雪中散給嫠婦錢米嘗誨諸孫先甲日毋矜閭博毋畏迂闊積善福謙易訓也同時雷逢春字竹生上元歲貢生性剛介亦喜獎借後進焉

周大恩字芝軒上元人性篤實學以主敬爲宗雖盛暑不袒裼父病刲股以進與兄分遺產辭多受少戚郇有貧者時周之從事淮軍報銷局鈎稽精審著有日三省齋功過錄自怡軒詩存子嘉樸字柳潭歲貢生性持正不隨俗治家肅然暇則舉鄉先生嘉言懿行與其平生瑣事以風示後進家鄉善舉如積穀救生恤糶平糶輒竭心力爲之嘉樸弟嘉楫諸生早卒其妻顧守貞被旌

陳霞字綺堂江甯人咸豐中避亂居通州時江禁方嚴所屠多難民適上元馬某爲學正霞與言於當事者保釋無算亂定歸里糧道王大經延入其幕多所贊畫晚歲家居沖澹閒適時偕老友徜徉於茶社間子光宇雖得編修而家計愈窘未嘗以措意也年八十二以微疾卒

論曰李鄭羅程周陳諸君皆懷才佐幕有濟時用而寶山清淮二議以籌餉爲尤切卽抽釐之濫觴也兩田幼瞻柳潭竹吾究心理學皆齋志以沒自時厥後少年新進趨向日歧此青衿之所爲致慨也已

翁侯傳第一百九十五

翁以異字子謙江甯人嗣父模塲埒其族兄鯤傳叔父模墉字峻之性和易事母孝嘗昕夕侍側情話以博親歡主家政數十年兄弟無閒言及避地江陰親戚流離者皆分食濟之時人尤服其高義以異初習錢穀學咸豐中以知縣宦

浙大軍勦賊元營務處發審有俘纍至必親鞫不輕誅戮尋署上虞縣事倡辦團練閭閻安堵民樂於捐輸同治三年杭州復攝仁和縣事時兵燹之後流亡未歸招集撫綏恩威並用武林門外有巨猾某強掠被難婦女數十人以異聞之捕寘諸法派僕婦分送諸女回籍有一女無所歸爲擇於潛方生配之舉凡善後工程皆次第經理總督左宗棠嘉其才奏補秀水知縣秀水漕務久爲胥吏所把持以異洩任後力除浮收之習民以爲便鄉鎮賽會土豪輒昇神至富家募緣必滿其欲始去以異毀其像重懲之並勒石永禁焉以積勞成疾年五十一卒於官

侯甲瀛字筱巢上元人父大桐字鳳巢少時以功過格自律曰此聖賢寡過之方以徼福者妄也嘗創辦妙耳山澤骸會及襄善體善諸堂老友甘可貞貧無子贈以婢生子名之曰恩云以誌侯君之惠也嗣以副貢生選江陰訓導惡其俗靡以儉樸爲諸生先夙工行楷縑素求書者踵至沒後遺墨猶值巨金云叔父大森死粵寇之難甲瀛舉咸豐元年鄉試九年成進士以知縣分山東初攝

在平僧親王勦賊出其境先驅至城下入民家爲暴團勇與鬪甲瀛馳解之未返有他隊自別門入索賄弗得并所供芻豆棄諸道甲瀛至怒叱二卒將杖之二卒不服正譴擾間而王至隊長詭詞訴王甲瀛懷印上謁王不見令詣營務處詰讓甚厲曰大軍至境但責芻豆並此不備伊誰之罪甲瀛曰芻豆不備知縣當死無賄受咎孰任之首座者怒叱曰爾七品官不能向親王前謝過耶甲瀛出印與之曰王得以無禮加某者以某爲七品官耳今解印去王其奈我何適王已廉得其情遣人來諭曰侯令無罪其釋之由是客軍過在平者無敢譁巡撫閻敬銘奇其才歷委署曲阜濟陽調補冠莘二縣丁父憂服闋選廣東龍門知縣粵中吏治素窳敗龍門僻處萬山中苞苴尤甚甲瀛知其弊關防嚴有老儒李某曰老侯故峻崖岸特爲多得錢地耳會富民某有罪當罰羣議假修縣署名斂入之甲瀛不可令捐入與賢精舍爲膏火資至是李某乃歎曰侯公廉吏也吾向以小人腹測君子矣俄改番禺攝電白治海盜有方電白故有蓮峰書院久廢集貲興復之仿安定遺制設兩齋容生徒數十人其書院遂

為高涼一郡之冠尋推升崖州知州未上卒

論曰浙江經粵寇之亂公私掃地民困未蘇山東則撚逆縱橫廣東則盜賊出沒皆不易治之區也而翁侯二君廉明強幹隨地而異其施其見賞於左文襄閻文介二鉅公也宜矣

金陵通傳卷四十四

弟作儀參訂姪詒慶校字

金陵通傳卷四十五目錄

第一百九十六冊

敘傳

金陵通傳卷四十五

江甯陳作霖伯雨纂述

敘傳第一百九十六

陳氏之先世居河南始遷江甯者名棟字錦菴當國朝康熙初占籍就試補諸生生廷聘字渭求亦諸生廷聘生奎字在東璧字楚珩璧早卒奎少習賈每以不讀書爲憾延師教子極其誠敬時販茶於徽歙有新葺至薦祖後卽以奉師送脩脯必使踰所言之數曰吾子之成敗在師敢以錙銖校乎子三長志凝字樹南次授字石渠皆諸生次掄字立賢國子生授體父志力學於諸昆中尤傑出者古能文並工楷法性孝友赴義若渴父旣沒有貸金未還者度其人不能償輒火其券凡數百金父友蕭某客死六安子幼家貧無以歸葬授愀然曰此先子之所悼心也亟致金返其喪母崔病溼癰經年侍疾維謹械齋之褻必親滌之兄志凝體羸多病不忍以家務相擾未幾志凝及弟掄均卒授事寡嫂以敬撫猶子以恩一鬻之甘必均分之志凝長子維鏞字詠之艱於小試授督

責過諸子後竟以第一名入學諸從子則視其才之所近俾各習一業皆能成立有姊適徐生一女而寡迎歸養之終身且擇士人嫁其女春秋享祀必虔遇有時物非薦莫敢食至特殺則常戒之曰佛法慈悲不過養惻隱之心以求充吾仁耳其訓子最嚴篝燈課讀無間寒暑即成室後猶不能免夏楚也子婦辨色必起平明問安而退每旦皆然上下整肅門以內無嬉笑聲言家法者推陳氏焉平居持躬端粹以存誠居敬爲本研究宋人語錄亦不廢漢儒考據之學桐城姚鼐主講鍾山書院亟重之所與遊皆里黨知名士以道義相勗無阿徇課徒首立品次文藝遊其門者彬彬如也雖家道中落而慷慨如舊上元江甯學宮圯募貲重修倡建同善堂窮瘝賴以存活下關草屨夾風浪險惡常覆舟乃議設救生局章程皆其手定迄今猶遵行之嘉慶十九年大饑道殣相望罄歷年所蓄白金二百兩易米減價以糶設廠於門令諸子分日親守之非素識極貧者不能得日吾非有所靳也力微不能及遠耳複製絮衣數百領散給貧寒並家人女紅所入貲亦取以供用每晚必率次子維垣懷餅餌散錢至僻處

以予餓者雖大風雪不少懈所全活者甚眾嘗有相識市肆失銀數兩疑其徒竊之將加凌逼授適至曰此銀我頃取用未及相告毋庸覓也明日質衣還之事遂解既而掃除密室於地隙中檢得市人乃慙謝其克已濟人類如此當是時伍光瑜楊銓甘福諸人皆以素封而好善每事必藉授助理授亦盡心經畫忘其家之貧也人尤以所行爲難年五十有七卒著有小學廣義毛詩補箋松崖文稿同治十二年鄉人臚其行誼請於 朝奉 旨入祀鄉賢祠授子四長維藩字价之性寬和人雖面欺之亦不校鄉里稱長者工書能文以廩貢生候選訓導歷署宿遷贛榆桃源睢甯沛縣諸學晚主講山西太平書院人服其教年六十有五卒維藩子四元晉字伯康諸生勤誦讀多憂慮年未四十而卒元升字仲階陝西咸陽典史元頤字叔賢性迂謹有謙癖讀書警敏能文章以辟亂故不得與試且遭家多故借酒自解久之抑鬱以終元豫字季師以貲爲典史未補官而卒其妻賴守貞被 旌元晉從祖弟伯銘字吉人志疑孫也少讀書遭亂從軍咸豐十年和營潰與家相失其妻陸遇賊不能去懼辱抱幼女投

江死同治初鎮江軍凱徹伯銘得藍翎從九品階金陵復後管理清節堂事恩威並濟嫠婦畏而服之卒後接辦者皆不能及也然能守其章程亦可以無過矣維藩弟維垣字豐之號星台初補縣學生文名噪甚旋食餼二十人中嘉慶二十三年舉鄉試明年與弟維屏同成進士除內閣中書時母蔡以疾卒於家維垣性純孝是日在都忽煩躁不安宵又得噩夢乃謂弟維屏曰吾夢不祥必吾母有故也何以官爲投牒遽歸居喪哀毀骨立旋丁父憂座主帥承瀛巡撫浙江延主紫陽書院講浙文浮靡維垣以經史課生徒士風爲之一變在籍時適值伍光瑜籌辦調劑快丁事力贊成之服闋赴官充文淵閣校閱考取軍機章京雖通籍儉素如諸生平居謙和與物無忤尤好施予有父風年三十有五卒於京邸著有星台詩文稿維屏字劍芝兒時嬉戲嘗學聽訟剖決明審長老皆奇之曰是子必爲能吏稍長好讀書爲文有奇崛氣嘉慶十八年舉於鄉旣成進士初試山西榆社知縣有政聲歷浮山太平陽曲轉潞安府同知性兀傲數不合於上官然有繁劇事則檄令往理屢攝忻解絳平定諸州知州蒲州澤

州潞安諸府知府及河東監掣同知監掣職司鹽茨膏腴缺也初上日商以白金三千兩爲饋力拒之未幾欽使查辦離務以賄劾者纍纍而維屏獨免同僚莫不服其先見咸豐初以循吏薦 召對稱 旨三年擢知廣西柳州府事會山西有警留辦澤潞防堵以私財募勇三千據太行山隘道賊不敢逼轉入河東以功遷廣西右江道未赴卒年六十有七維屏宦遊四十年所得奉秩常以振卹族姻及沒家無餘貲著有棠芬書屋詩集題解韻編維屏子元字字允齋一字蘭癡號蘭土工書畫能詩豪於飲選廣東鶴山知縣未赴改省山西丁父憂以毀卒著有蘭癡詩詞集維屏弟維翰字宗之一字寄芸諸生精羣諸經爲文敏速避亂卒於蘇州維垣子元恆字葆常少孤母李撫之艱苦備至年十八補府學生受知於仁和龔守正旋食廩餼有能文名肄業鍾山書院祭酒王煜亟賞之性至孝終身不離母側會遭粵寇之亂辟居江北菽水供養得其歡心咸豐九年江南鄉試借浙闈舉行已至江陰錄科聞母病亟返居憂貧不廢禮已而從軍鎮江主帥武人驕悍元恆調劑其間俾無過舉嘗獲一童子舉營以

爲間諜將殺之元恆憐其幼而駭力請釋之且保其無他童子獲免金陵既克乃歸舉同治六年鄉試一赴禮闈報罷遂不出以教職試用委署寶應沛縣學篆皆辭僅一攝東臺訓導三月而返里值恪靖伯左宗棠總督兩江清丈房基通濬水道延備咨訪及年七十舉所經理諸務如救生局崇善堂皆謝去不問於所居闕隙地數畝蒔花養竹以自娛目力不減壯年燈下猶能讀細字書歷敘生平著有稀齡撮記一卷嘗慨江甯自經亂之後文獻散佚乃上采六朝下稽明史旁及諸名家之紀載以至碑版文字凡有關於鄉邦掌故者皆刺取之以命其子作霖曰吾老矣汝其排比成編焉作霖字雨生號伯雨生而耆古喜涉獵好遊佳山水於世俗諸務泊如也年十五補縣學生自以生居六朝名境未弱冠卽搜求勝蹟蔣山淮水皆欲窮其幽遐稍長避寇南至宣州北涉濠上歷盱眙截洪澤湖而寓寶應從軍鎮江覽金焦之形勝凡十二年而後歸尋食餼於二十人中肄業鍾山惜陰兩書院以詩古文詞見賞於臨川李聯琇全椒薛時雨二山長與儀徵劉壽曾金壇馮煦相角逐同里如姚兆頤秦際唐朱紹

頤輩亦互爲推重久之舉光緒元年鄉試年三十九上計京師渡黃河循泰山之麓經桑乾河浮大海游滬濱者三深慨西法盛行後生小子多溺於浮華而不知返乃仿七發之體作七誘以託諷其辭曰嘉遯先生年近知非性耽守寂鸞翮鍛而歸棲駒志衰而伏櫪感時局之遷流熟人情於閱歷許遺世而懸瓢陶惜陰而運箕息南郭之塵機展北山之良覲松雲送其清陰蕉雨聽其殘滴自足嘯歌兩忘欣戚於是鳴豫公子憫其固窮命車造訪躡屐相從如子貢之過原憲似劉表之尋德公肯以貴而下賤欲易介而爲通乃辟席請於先生曰蓋聞道與時移術因人重趣不博則如蠶自以繭纏識不廣則見駝而疑馬腫今吾子淡然寡欲默爾忘情一斑之窺何太略六合之外無所營心雖以木石自處耳將聞雷霆而驚是以天地爲桎梏并忘機械之牙萌也今將示子以四極之大萬物之宏海客高談而非詭工倕創見而難名亦願聞乎先生曰賤子顛愚兢兢自守幸荷矜憐敬爲虛受公子曰洋綿織綢蠶筒卷布椒底紛呈檳紋回互蜀錦遜其華齊紈失其素耀五色之鮮中一身之度佛絨近體而逾溫

鬼扣縛襟而自固短長之帶隨人偏仄之禪注
 晶以護加以佩珍相競雅玩可觀貴同文具種
 之燒玉冰寒表匣則金鉞度響香囊則蘇合凝
 我而服之乎先生曰楚楚好游朝生暮死神瘞
 土印度南天鴉鋤布種鴛粟成田切泥塗以作
 貢芝蘭之味莫先爾乃綺榻高張華燈助照魁
 夢不成蠶眠宛肖貫丹田則吸氣有聲談密語
 洞色界之天撚憑素手卧並香肩大士之膏腴
 熏同侍女橫陳則媚過小憐此亦耆好之至薄
 鳩羽流毒狐蠱宣淫去之若浼何足櫻心公子
 花闈猜眾姓與射覆而並傳非投瓊所能競富
 若烏蠻國小白鴿票新英文紀其數華券遜其
 之孤注償萬萬之番銀俄焉霞麗彩高電傳信

卜富可以敵陶朱寒不必憐范叔所挾約而獲
 至巨也子能從我而射之乎先生曰破產傾家實
 公子曰蓋嘗采風貨埠覽勝夷場見夫累甃之
 層樓矗立乎中央升梯歷級通步連廊壁塗牡蠣
 以鐵木之梁窻百葉而闔開如意鏡四照而顧
 成路葉翦綠齊花攢紅露蝸紋護其碎苔鱗甲
 叢而雲沍此亦居室之至潔也子能從我而安
 足華屋連雲非子所欲公子曰方今四海昇平
 兵以防暴當其廣野揚旌中軍樹纛循禹步以
 鎗發格林之礮則見火機螢度線路螺旋氣憑
 札徹葉而皆穿推之蟲艇相銜魚雷競響龍旆
 騰紫烟而直上攻堅之利誰齊破陣之功無兩
 而觀之乎先生曰逢蒙學羿盡道綦難况殘生
 命不忍卒看公子曰四大部洲

一圓球象測向背以定陰陽算道里不可尋丈若乃浮舟以達鼓輪若飛
青以曼影器振振以發機馬奔難及龍矯依稀於是經太平之洋歷地中
聞見逾開瑰奇足采英吉利之路略通法郎西之疆未改鄂羅斯邊壤相
利堅古風斯在其餘若土耳其耳班牙葡萄牙有噠有瑞日比日巴小如葉
似插花莫不窮其都會遊以鐵車伯翳之經無其詭張騫之行無其賒此
外之至遠也子能從我而探之乎先生意有所動良久乃言曰似此壯觀
所願奈今倦遊卑毋高論公子曰唐碑法楷宋版祕書貴如圭璧珍比
鈎勒則神迷罔象欲傳刻則字誤魯魚爰有格物之徒創奇之士卷積
平於砥鏡光攝其真形金液淬其止水較鐫木以尤工與照容而酷似
千縮尺為咫波折不改其初印摹難如其駛獲原揭於陵谷之餘混舊
箱之裏玉枕不必寶蘭亭胡盧不必藏漢史眼非洗而亦明心雖貪而
乃可園半畝有館有亭清晨讀帖午夜溫經常流連於篇籍借疏瀹其
百城之森列非先正而誰型此亦古本之至精也子能從我而購之乎

是喜形於色奮袂以興曰卷軸紛羅既多且有尙友古人請隨子後見
博麗先是上元江甯知縣莫善徵甘紹盤合開志局於金沙井作霖與
成大事記一卷兵制考一卷名宦鄉賢孝弟三傳各一卷為總修汪士鏗
及知府蔣啟勳將續府志士鏗仍董其役作霖先上總纂書曰月前晉謁
府志體例佩服無量竊以人物一類軌範攸存前志之規不必盡徇謹就
所及為執事一詳陳之一籍貫宜嚴去取也六朝僑郡前明勳衛族居既
著無殊然渡江始祖尙屬寓公保家賢昆始歸地斷故劉超雖琅邪繫籍
北方劉嶽雖青溪著稱本非南產凡若此輩無容濫登至於子孫相傳已
世亦必籍居兩附方為邑賢遠而典午諸王止列馬糞一支而居會稽者
近而桐城方氏止入百川一派而籍皖上者皆刪限斷一定假借無庸他
朝司馬勝國齊宗本貫久違土風素習或在通融之例以助文獻之資一
宜窮源流也前志人物各從其類不溯祖宗之所出不究子孫之所歸數
忘積慶何在若仿腐史世家之例摹延壽列傳之規就族中最著之賢推

烟青 之海 連米 鑿錯 亦域 僕素 與欲 山石 一成 於巾 恥矧 靈雖 生於 賞其 修事 所稱 得讀 管見 久土 貴生 井一 不載 如南 氏族 而治

下治之意張湯先安世而敘不別詳酷吏之篇劉向附楚王而傳不必歸儒林之列望門斯在譜學藉存一先正傳宜分界畫也儒行諸篇各標子目專長之士皆有所歸惟華實兼該不名一德者始入先正傳中則其體卽史家之列傳也然而仕隱殊致文武別途一例書之究嫌蕪雜擬卽同時之人考其行誼志趣果合則荀卿與孟子同編英略相侔則廉頗並相如偕列且仿范書之作論不必盡俟篇終但於類敘之既完藉以暗分卷數雖譏蔚宗者或議史體之壞而述志乘者卽爲前事之師他若先後之次略依時世緊望之別不判里居既無足上首下之虞復少蛤瘦熊肥之患近遵呂志無庸更端一鄉賢忠義傳宜商增減也縣志鄉賢立爲專傳謹依祀典不敢妄釐然而張昭賀循之倫以別籍而羸入鄒和復之之類無實事之可徵未能愜心殊多棘手不若詳其名於祠祀而毋備其人於傳中果其懿行顯然卽歸先正並於涉筆所及著爲鄉賢名實相孚葛藤盡解至於忠義一門新目未載今雖有表古人何歸擬舉吳晉以後之蓋臣附以縣志表前之列傳聯爲一卷發彼幽光亦可使先正傳中較

爲整潔去取所在未敢擅專一古今人表宜爲補立也前志所有刪則招謗寥寥數語復不成篇若此之倫最宜人表又如句曲展上棠邑專諸留之則無類可從去之亦殊覺可惜有茲一表自免紛紜或則尺璧寸珠以少見貴或則餒魚敗肉有地可容雖似黠鬼之簿實爲弭怨之方凡此五條思之爛熟三長無取一得敢名獻比芻蕘伏祈裁酌未幾復上書曰頃承誣諉分纂人物一類退而檢同治新志見其芬如亂絲其義例不顯而姓名已見者若概歸人表則百喙爭鳴若概爲立傳又短不成幅因與同局諸君共相商酌僉謂此次修纂雖名續志與揚州新志斤斤墨守者不同但以乾嘉爲斷子日本可變通若欲事增於昔文省於舊其惟仍遵先生始議之世傳乎蓋世傳之作有三善焉一祖孫父子不至倒置也笄効齡爲重光之父呂志則次之於後劉清惠爲伯春之子新志則列之於前展轉相沿貽通人笑今歸一傳此弊可除一大傳之中可包小傳也事有相聯人有相友左紫右拂各以類從明史之例是爲前師一孝友文苑諸傳藉以疏通也一至之行卓然可傳則割歸本類其無多事迹者悉

村家傳子孫從祖人心所安而寥寥數行之傳可盡省矣惟是世家之目題品
太高慮叢謗議擬卽仍名先正無事更張至於子孫之生存者概不登載蓋以
蕃衍之族書不勝書無益簡編徒災梨棗況已沒之賢尙難悉入豈同時之彥
顧可濫收若以去取行之又必大招爭競一例不錄庶免愛憎之疑並乞通卹
各門以歸畫一凡此數端皆鄙見所及不知當否伏候鈞裁士鐸深謹其言故
所分纂軍制考一卷先正傳三卷孝友傳一卷仕績傳一卷皆竊取史裁自且
愈熟前朝舊事夙無仕進志年未五十卽不應禮部試有弟作儀以進士爲知
縣發分浙江而作霖家居奉親總督曾國荃延入書局借束脩所獲以供甘旨
既而連丁內外艱移主奎光書院講席因益肆力於鑽研暇輒發篋中藏書收
以述其所聞追承父志不敢自逸斷自光緒辛丑之歲以上溯周秦就今日之
輿圖考歷朝之沿革國政民風既詳且覈建都會於八朝借文章以潤色成全
陵通紀十四卷南人多通亦尙氣節文武分途仕隱各別稽名實以彙編浮華
之恥可雪成金陵通傳四十五卷事莫詳考名氏尙存鈔撮成帙提要鈞元成

金陵通表四卷其他所論撰則因所居相近一水渺瀰縱橫橋道考古靡遺成
運瀆小志一卷長干迤邐限於城墉杏花桐樹村郭遙通中山別墅自西徂東
步履所及古意羅胸成鳳麓小志四卷東城志略一卷南國精藍四百八十抽
討陳編得三之一成六朝金陵佛寺攷二卷潁川世胄布在寰區不可勝記生
記一隅成金陵陳氏考一卷木則有本水則有源旁行斜上派別支分成陳氏
宗譜一卷電光石火歲月乘除自少至老筆之於書成瑞花館備忘錄一卷居
今稽古每有深契發覆表微雜舉疑義閒及談諧不忍拋棄成養蘇軒隨筆二
卷夙好瀏覽典籍自娛積銖累寸亦成大儲成冶麓山房藏書跋尾四卷經史
論辨已見獨攄揆時度勢成說不拘古人尙友徐庾歐蘇成棠芬老屋文稿八
卷少遭亂以流離每長歌而當哭長幸際夫承平應和鳴之鸞鷲刪複留眞積
爲卷軸成可園詩存三十卷老而遊戲裁月鏤雲蘇辛姜史聊復云云成迎暉
室詞一卷考試之作應酬之文擬古詠物甯過而存成筍香齋文牘二卷延清
亭外稿四卷而律賦試帖制藝幾數十萬言皆不繫於掌錄焉

金陵通傳卷四十五

弟作儀參訂受業李保亮填諱

